

NATIONAL ASSEMBLY OF SEYCHELLES

*Thursday 25th November,
2021*

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. Bonzour nou staff Sekretarya, nou piblik, telespektater e oditer. Mersi pou zwenn nou ankor enn fwa. Mon a donn laparol Onorab Audrey Vidot lo lapar *Women's Caucus* pou en mesaz lo lazournen ki nou pe selebre ozordi.

Onorab Vidot.

HON AUDREY VIDOT

Bonzour Mr Speaker, tou Manm Onorab, tou dimoun ki a lekout. En bonzour spesyal zabitan Roche Caiman. Mr Speaker mersi pou donn mwan laparol ozordi bomaten pou prezant en mesaz a lokazyon sa 16 zour ki ganny dedye par Nasyon Ini pou mark Kanpanny Kont Vyolans Domestik.

Mr Speaker *Gender Based Violence* ouswa nou dir *GBV*, i en aksyon ki'n ganny

dekrir konman en aksyon vyolan e danzere kont en endivid'i ouswa en group baze zot, zot afilyasyon seksyel. Sa kalite laform vyolans i ganny kondannen dan plizyer pei e Sesel i pa en leksepsyon.

Bokou lorganizasyon internasyonal i dekrir okenn aksyon vyolan domestik, vyolans domestik lo oriyanasyon seksyel en endivid'i konman en labi drwa imen e ki al kont karakter pou drwa imen.

Lo en nivo lokal i annan bokou lorganizasyon non gouvernmantal osi byen ki Gouvernman, ki pe travay ver bann programm edikasyonnel avek bi sansibiliz nou sosyete lo sa size.

Ozordi lo mon non personnel e *Caucus* bann madanm dan 7enm Lasanble Nasional Sesel, nou profit sa loportinite pou remersye tou bann lorganizasyon espesyalman Departman Sosyal, HASO, WASO, ARID, *Kindness and Compassion Foundation* zis pou nonm enn de e lezot ankor pou zot bann travay formidab e sa lalit kont vyolans domestik, e osi swet zot bon kouraz e kontinite dan sa lalit.

Mr Speaker vyolans domestik i en size ki vreman alarman, espesyalman si nou pe pran an kont statistik kot zis pou premye kar lannen

2021 en total 77 ka vyolans domestik in ganny rikorde. E sa se bann ka ki repetitif e 37 nouvo ka in ganny anrezistre.

Statistik i osi demontre ki ziska Out 2021 in annan 95 ka vyolans domestik ki'n ganny rikorde e fodre note ki sa i zis bann ka ki pe ganny rapporte.

E ki vre sityasyon dan nou bann kominote i diferan e menm alarman. I ti ava byen note osi ki konman en pei Sesel in osi asire ki i annan mezir an plas pou ranforsi sekirite bann ki pe fer fas avek sa sityasyon.

E sa se atraver Lalwa *Domestic Violence Act* ki ti vin an plas 2020. E ankor enn fwa mon dir en gran mersi tou bann endividé dan diferan lorganizasyon ki'n travay lo sa Lalwa, pou ki Lasanble Nasyonal 6enm Lasanble Nasyonal in kapab debat lo la e aprouve.

Mr Speaker sa konpanny lalit kont vyolans domestik kont bann madanm ek bann zenn fiy ki toulezan i konmans le 25 Novanm ziska le 10 Desanm. Merit enn ki kot personn pa ganny kit deryer.

Akoz nou *Caucus Madanm* dan Lasanble Nasyonal, nou swe se ki plis lanfaz i ganny mete lo proteksyon nou bann madanm ek zanfan. Okenn aksyon vyolans domestik lo en

zanfan ki swa en fiy ou en garson i annan en lenpak negativ ki afekte lavi sa zanfan. E dan bokou ka ler resers i ganny fer i annan bann endividé ki'n sibir vyolans domestik dan son lanfans e ler i vin adilt se sa bann labi menm labi pe ganny repete lo en lot inosan.

Alors i enportan ki sa bann mayon labi i ganny kase pou ki nou kapab annan en soyete pli an bonn sante, spirityelman, fizikman e moralman.

Mr Speaker semenn pase en delegasyon Sesel reprezante par nou Lasanble Nasyonal e en reprezantan Prokirer Zeneral in ganny sa loportinite pou zwenn avek kominote bann pei Lafrik lo SADC pou travay lo *GBV Model Law*.

Pou ki nou zwenn lafors ansanm dan sa lalit kont vyolans domestik e i annan en dokiman ki gid nou dan revizyon nou bann Lalwa ki adres sa size vyolans domestik dan nou pei respektif.

Alors mon pou konklir e konman en Manm sa delegasyon konman en madanm, en zanfan, en ser e pli enportan konman en manman, mon egalman zwenn avek mon bann koleg e donn langazman ki nou pou debat fortman lo drwa bann sitwayen espesyalman nou

bann madanm ek nou bann zanfan. Ki zot drwa dan en fason ou en lot pe ganny afekte par sa kalite form labi.

E ou sa zonm, fanm e zanfan ki pe ganny afekte zis gard antet ki ou pa zanmen tousel. E ki pa zanmen santi ou i tar pou vin devan pou vin rod led anfen e met en lafen avek vvolans domestik dan ou lavi. Akoz sa i tem sa lannen 'Elimin Vvolans Domestik.'

Mon fer en lapel avek bann lorganizasyon ki pe lalit kont vvolans domestik pou anmenn plis bann programm kanpanny kaz a kaz pou amplifie sa travay sansibilizasyon nou, nou kominate lo zot drwa pou adres sa problemm vvolans domestik. Mersi Mr Speaker.

(APPLAUSE)

MR SPEAKER

Mersi Onorab Vidot. Mon a azout mon sipor pou bann lo lapar Lasanble an antye lo lapar lezot Manm, pou bann mesaz ki'n ganny eksprimen lapel ki'n ganny fer e nou swet Caucus bann madanm bon kouraz dan kontinyasyon sa travay. Mersi.

Nou ava aprezan pas dan Staz Komite pou konsiderasyon Bidze. Madanm reporter ou ava apel delegasyon ki la pou

Information Commission silvouple. Wi Onorab Pillay ou annan en pwen.

HON SEBASTIEN PILLAY

Mersi Mr Speaker. Mr Speaker ou a rapel yer nou ti ganny en provizyon lamannman from Bills Committee regarding serten heads ki nepli egziste dan Bidze.

Problém avek sa se ki nou annan nou devan nou Appropriation Bill ki pe fer bann charges lo Consolidated Fund. Ler nou regard Lartik 90 nou Konstitisyon, lefe ki ler ou pou amann sa bann heads i annan en heads ki pou monte. Akoz ou bezwen consolidate sa bann peyman anba sa head.

E si nou pou consolidate peyman anba sa head nou pou pe fer sa head monte. Konstitisyon i dir nou ki Lasanble Nasyonal pa kapab proceed lo en lamannman ki impose en charge e nou pa kapab sanz en head only by reduction. Savedir nou kapab redwir li me nou pa kapab ogmant li.

E preznan Standing Orders i prevwar dan Konstitisyon ki pou nou kapab fer sa, nou bezwen ganny en permision sorti kot Minis ki sorti anba lanmen Prezidan ki donn nou permision pou nou fer sa.

Mon ti ava sizere ki Lasanble Nasyonal i seek sa permision pou ki nou kapab proceed. Akoz obviously sa bann *heads* pa relevan, akoz zot sipoze tonm anba Minister *Fisheries and Blue Economy*. Mersi.

MR SPEAKER

Mersi Onorab Pillay. Mon a ou a donn mon posibilite pou tyek Konstitisyon pou regarde ki *wording* bann Manm Komite. Wi Onorab Hoareau.

HON JOHN HOAREAU

Mr Speaker napa okenn sif ki pe ogmante ni redwir me selman i annan en *merging* akoz Departman *Blue Economy* avek Departman *Fisheries* in *merge* ansanm.

So sa ki nou pe propoze se ki sa de vot i *merge* ansanm e i fer en total 108milyon 66mil.

MR SPEAKER

Byen-byen si sa pe ganny Onorab Pillay nou pou bezwen al vit lo la. Fer ou pwen dernyen pwen apre mon a fer en *ruling*.

HON SEBASTIEN PILLAY

Mr Speaker i pa mon lentansyon pou drag nanryen me sa ki mon oule fer Onorab Hoareau konpran. Ler ou ogmant sa laliny sa *head* se sa ki nou pa kapab fer nou

konman Lasanble, ki nou bezwen ganny permision sorti kot Prezidan Larepublik ki Minister Finans i donn nou. I zis en prosedir ki nou bezwen swiv e nou'n deza fer dan 6enm Lasanble oparavan. Mersi Mr Speaker.

MR SPEAKER

Mersi. Onorab Hoareau yer mon ti'n dir nou a pran sa *amendment* dan 24erdtan *delay* e sa 24erdtan i *about noon today - it will be* sa. Mon ti annan lide pran li apre midi mon a sizere ki dan *lunch break* ou aranz avek ou Komite *SBC* pou *sort out* sa pti pwen pou gete ki mannyer ki pou prosede.

Si zot bezwen Onorab Pillay pou fer son pwen zot kapab ganny li me son Manm ki lo Komite *SBC* i a kapab osi fer son pwen pou li pou zot kapab redwir. Byen? Mersi.

HON JOHN HOAREAU

Byen Mr Speaker napa problem.

INFORMATION COMMISSION

MR SPEAKER

Mersi. Bon nou a kapab pran Bidze *Information Commission*. Byenveni e bonzour delegasyon ki avek nou silvouple. Les mwan kanmenm en pti pe an retar

welcome Ms Thereza Dogley *Chief Executive Officer* pou *Information Commission*, Madanm Mumtaz Hasan *Chief Information Commissioner* e Madanm Dina Antoine *Administrative Officer*.

E lo kote Minister Finans nou annan Miss Astride Tamatave *Deputy Controller General* e Madanm Ruth Pool *Senior Finance Analyst*.

Byenveni zot tou e mersi pou zot partisipasyon davans. Bidze *Information Commission* i lo paz 69 ziska 71 pou en total R2milyon 725mil. Mon ava envit *Chief Executive Officer* pou fer en prezantasyon lo sa Bidze avan nou konmans kestyon bann Manm. Madanm Dogley.

CEO THEREZA DOGLEY

Mersi Mr Chairman. Mersi tou bann Manm, bonzour. Ozordi nou pe prezant en Bidze pou *Information Commission*. E ki son manda i annan pou fer ki zere *about* akse ek lenformasyon ki ase resan.

E nou Bidze ozordi nou pou ganny li R2milyon 725mil ki konpare avek 2milyon 469mil ki nou ti gannyen lannen pase. E nou manda kot *Information Commission* se ki annan drwa ki promot dan drwa pou annan akse ek lenformasyon, bon gouvernans, latransparans, kontabilite, entegrite dan

public service. E osi sa i ede pou nou kapab ekspos koripsyon. Mersi.

MR SPEAKER

Mersi Madanm Dogley. Nou a pas lo kestyon bann Manm. Manm ki annan kestyon pou sa *item*. Tre byen Onorab Hoareau i a konmanse.

HON JOHN HOAREAU

Mersi Mr Speaker. Bonzour tou delegasyon devan. Bonzour tou Manm. Bonzour tou dimoun a lekout. Mr Chair mon kestyon i baze lo manda ki zot annan an relasyon avek zot vot.

Dapre zot manda lo transparans zot devret annan en rol proaktiv pou *disclosure of information*. E si mon refer en pti pe avek zot Akt 50 (1) (b) zot bezwen konsilte avek *civil societies* avek bann lorganizasyon and interest groups.

Mon pe demande si dan sa vot ki zot annan, si akoz mon pa'n war i arive sa lannen ditou me mon pe demande lannen prosen, eski zot pou annan en *hearing* si oule - oubyen en konsiltasyon avek bann MNAs an vi ki zot vreman, vreman enportan menm zot vot i ptipti.

Zot vreman, vreman enportan pou an mentenir la demokrasi ek latransparans. Si zot annan sa, sa lide pou vin

join avek MNA pou en hearing oubyen pou share information pou nou kapab anmenn keksoz pli devan dan Lasanble?

Apre osi zot sipoze publicise access to information? So ki zot programm pou publicise access to information. Mersi.

MR SPEAKER

Madam Dogley ou a pran laparol.

CEO THEREZA DOGLEY

Mersi Mr Chairman. Mersi Onorab. Wi *Commission* i annan li en plan pou lannen prosen ki nou pou *meet* avek zot bann MNAs pou nou kapab anmenn en pe nou bann kontrent an menm tan nou bann keksoz ki nou, nou anvi fer konman *Commission*.

E osi parey nou dir sa Lalwa wi i ase resan, me nou war i annan sa posibilite ki i annan bann pti keksoz ki nou anvi amande, e amenn avek zot konman pou zot sizesyon.

Definitivman i lo plan pou nou *meet* avek zot lannen prosen e osi avek bann lezot *civil society* nou fini met ek plan. E sa lannen osi nou pa ankor fini ki nou pe al zwenn avek bann *civil society*.

E lot kestyon pou nou *publicise* pou nou fer konnen lo lenformasyon ;- nou definitivman i lo nou plan pou

fer sir ki lannen prosen ankor nou kontinyelman anmenn pou promot akse avek lenformasyon, ki pou fer publik konn en pe plis ankor pou zot kapab konnen ki zot annan en drwa pou annan akse ek lenformasyon. Mersi.

MR SPEAKER

Mersi CEO. Onorab Henrie.

HON GERVAIS HENRIE

Mersi Mr Chair. Mr Chair mon kestyon i al vizavi en kestyon ki mon ti demann sa Komisyon boner sa lannen. E mon ti propoz avek zot ki i ti ava byen si zot met sa konman enn zot bann target dan zot dokiman Bidze.

Akoz pou mwan sa target i enportan ki zistifye zot legzistans. Zot la pou ankouraz dimoun pou rod lenformasyon ;- piblik, zournalist, MNA. Prezan si ou ti annan en target ki montre nou poudir pandan lannen 2021, i annan 100 Seselwa ki'n rod lenformasyon - zot in rod lenformasyon. Dan konsern lanvironnman i annan 10 ki'n demande 12 in demann dan *Blue Economy*.

Si nou, nou pa war sa dimoun pa pe demann lenformasyon akoz sa Komisyon i an egzistans? So mon anvi konnen whether zot panse ki sa i vo lapenn pou fer ouswa pa vo lapenn? Mersi.

MR SPEAKER

Mersi Onorab. Madanm Dogley.

CEO THEREZA DOGLEY

Mersi Mr Chairman. Mersi Onorab. Wi mon ou ki ou pe dir i vreman fer sans. E akoz nou'n *Chief Information Commissioner* i enn premye keksoz ki nou'n koz lo la, se fer konnen piblik ki kantite dimoun ki pe fer en *request* pou ganny akse ek lenformasyon, pou met a latansyon ki mon kapab dir ou ki lannen 2020 nou'n ganny ou 1274 *request* ki piblik in ganny fer.

E sa i montre nou ki menm si nou pa kantite keksoz ki dan nou *challenge* ki nou, nou pe rankontre, se nou annan sa fasilite pou nou kapab promot sa Lalwa. Me sa pti git ki nou annan nou, nou pe fer li e nou war ki piblik i pe konnen i annan sa Lalwa e ki zot kapab fer akse ek lenformasyon.

E sa definitivman *proactively disclose* e montre ki kantite dimoun pe fer akse avek lenformasyon. E wi i pou enn ki pou bezwen met li dan nou target pou lannen prosen.

MR SPEAKER

Yes Onorab ou kapab annan en *follow-up*.

HON GERVAIS HENRIE

Mr Chair mersi. En pwen klarifikasyon lo la so 1274 pou lannen 2020. Si ou ti annan *breakdown* pou dir nou dan lekel domenn ki dimoun in rod lenformasyon plis?

E dezyenmman eski zot in ganny komanter avek piblik lo difikilte pou ganny akse avek serten antite?

E si sa i leka ki zot pe fer pou travay avek sa antite pou rezourd sa bann defi? Mersi.

MR SPEAKER

Mersi. Madanm Dogley ou kapab pran sa kestyon e mon krwar ou'n sinyale ki *Chief Information Commissioner* osi pou kapab azout keksoz i a pran laparol apre ou.

CEO THEREZA DOGLEY

Yes mersi Mr Chairman. Mersi Onorab. Wi mon kapab dir ou ki plis lenformasyon pe ganny demande dan *personal information*. E wi nou'n konnen ki bann difikilte ki bann piblik ti pe gannyen, akoz depi 2019 ler *Commission* in *take office* nou'n kapab pran an kont ki ti annan bann difikilte ki bann piblik ti pe gannyen.

E ki nou'n fer nou *Commission* nou kot *Commission* mon tim nou'n fer li en bi ki difikilte ki piblik ti pe gannyen se avek bann *Information Officer* ki zot ti *sort*

of pa pe konpran en pti pe laliny ki mannyer zot fer avek ler en *request* i vin devan zot.

So nou bi 2021 ki nou'n fer, nou'n fer sir e sa i pou kontinyelman ganny fer ki nou fer bann *refresher training* avek bann *Information Officer*. E sa ki nou fer menm si avek an kontrent difikilte *COVID* ki nou'n pas ladan nou'n fer li menm avek bann ptipti group dapre *health measure* ki annan.

E ki nou'n war mon kapab dir ou Onorab ki dan sa 1274 *request* ki'n ganny fer kot *Commission*, nou war nou, nou'n kapab ganny zis 4 *appeal*. E pou nou sa i *very good* akoz i montre nou ki bann *Information Officer* i kapab pe delivre zot *duty as an Information Officer*. E piblik pe ganny zot lenformasyon e zot pa pe ganny difikilte pou ganny zot lenformasyon. Mersi.

MR SPEAKER

Mersi. Prezan *Chief Information Commissioner* ou kapab azoute.

CHIEF INFORMATION COMMISSIONER MUMTAZ HASAN

Mersi. Mon ti anvi azout en pti keksoz. I the *Information Commission* pe fer en kantite louvraz. Kot nou annan en *challenge at the moment* is

communication. Sa louvraz ki pe ganny fer parey sa bann sif sa bann limero, son bann *reports on the front end. The back end* louvraz.

Me selman lo *front end* lo *reporting* sa ki enn bann *challenges* e sa ki enn bann *challenges* lannen prosen nou espekte adrese. Fodre nou mazinen ki *Information Commission* ti ganny son staff 2019.

2020 in konmans son louvraz ;- in konmans son louvraz *how to manual*. *How to manual* savedir ki mannyer nou pou *institutionalise* sa *Act in a practical way*, ki bann *public bodies*, Manm piblik avek *Commission* i kapab travay ansanm. *It's very important*.

Sa ti 2020. 2021 *Information Commission* in konmans fer *mini workshop* - pa kapab fer gran *workshop* akoz *COVID* dan pei. So in fer *mini workshop* avek bann Lazans, Departman avek bann Minister piblik parey *DRDM - Department for Risk and Disaster Management, Central Bank, Seychelles Licensing Authority* so on and so forth.

Dezyenm kalite *training* ti ganny fer i ganny fer avek *Information Officers* dan sa 125 oubyen 126 *public groups*. Akoz sa *Information Act* i nouvo pou tou dimoun i

bezwen en peryod i ganny sa sans aziste avek.

La nou dan 2021 nou, nou pe travay lo la *in the same fashion*. E sa pwen ki ou'n *raise* i en *very valid point* ki nou bezwen *next* dan nou *strategy* konmans en langazman piblik en pe plis.

So next year already i annan trwa pwen dann nou *strategy*. Enn i *sensitisation with the public*. Nou pou sey regarde ki mannyer nou pou target bann *school - the youth of the country* ki mannyer nou eksplik *good governance*, apard ki bann *MNA*, apard ki bann Departman Gouvernman. Sa i enn bann fason.

The second strategy pou nou i *over reliance on public funds* nou pou sey fer enpe *fund raising* pou nou kapab rod en pe *Grants* pou nou *publication material*, nou *promotion material* nou *posters, adverts* nou *reporting*, nou *communication* ki napa dan Bidze, ki en *shortfall* ki nou bezwen fer enpe *strategic fund raising* apard Gouvernman pou nou *meet* sa. *That's a second strategy.*

And the third strategy i *partnership* avek *civil society*. So mon vreman kontan sa bann pwen ki ou'n *raise*. It's aligned avek nou *strategy* for *next year* e fotespere nou

kapab *progress forward*. Mersi.

MR SPEAKER

Mersi *Information Commissioner*. Onorab Cosgrow.

HON WALLACE COSGROW

Mersi Mr Chairman. Bonzour Mr Chairman. Bonzour tou dimoun. En pti kestyon dir mwan eski zot annan en forum oubyen enteraksyon avek bann par egzanp *media houses*?

E si wi ki *feedback media houses* an term bann lenformasyon ki zot gannyen sirtou avek petet avek Gouvernman, avek bann diferan antite piblik. Eski i annan en sans an zeneral, en sans plis lenformasyon pe ganny *share*, ouswa zot santi i annan serten petet lackin petet dan sa domenn? Mersi bokou.

MR SPEAKER

Mersi Onorab. CEO.

CEO THEREZA DOGLEY

Mersi Mr Chairman. Mersi Onorab. Wi nou annan sa kolaborasyon avek *Media Commission* ki zot si nou annan okenn lenformasyon nou kapab pe pas avek *Media Commission*.

Me wi mon pou kapab dir ou i manke. I annan sa mankman ki annan avek medya. Me mon kapab dir ou 2019 premye keksoz ki nou ti fer ler nou ti *take office* ansanm avek *World Bank*, nou ti fer en, en *training* ki ti annan pou fer avek bann medya.

Ki ti *sensitise* zot en pe ki mannyer pou servi sa Lalwa, akoz sa Lalwa tou dimoun i kapab servi. E i ti met a zot latansyon ki sa Lalwa i la i en zouti ki zot kapab servi. E me selman nou war nou, nou konstate ki nou war kot *Commission*, ki medya i annan sa mankman pou zot pe servi sa Lalwa, pou zot kapab ganny *credible information* parey nou dir.

E pou nou i osi ankor enn dan nou pwen pou lannen prosenn pou re amenn medya ankor pou zot re *sensitise* zot ankor lo sa bout ki zot bezwen servi sa Lalwa, pou anmenn lenformasyon ki kredib. Mersi.

MR SPEAKER

Mersi CEO. Onorab Gill.

HON CHURCHILL GILL

Mersi Mr Chair. Bonzour *panel*. Mon'n tandem ki zot osi fer *workshop*, alors mon ti pe *request* ki enkli Praslin pou ganny en *workshop*. I enportan ki bann dimoun laba osi zot familyariz zot avek kwa

ki zot fer e ki fason ki zot a kapab rod bann lenformasyon ki zot, zot santi zot bezwen. Mersi.

MR SPEAKER

Mersi. CEO mon mazinen ou'n note eski ou anvi fer okenn komanter lo la ?

CEO THEREZA DOGLEY

Mersi Mr Chairman. Mersi Onorab pou ou komanter. *Actually* i enn parmi nou target ankor lannen prosen, ki nou pe travay avek bann *stakeholders* ki'n met nou *onboard* pou anmenn nou pou ed nou pou anmenn nou Praslin ek La Digue, pou nou kapab fer sa *sensitisation* avek piblik.

Akoz zot osi zot en Manm piblik of Sesel, so nou pa pou kit zot deryer. Mersi bokou.

MR SPEAKER

Mersi CEO. Avek sa nou a kapab pran vot lo Bidze pou *Information Commission* ki lo paz 69 ziska 71 pou en total R2milyon 725mil. Manm ki an faver lev lanmen silvouple? Mersi. Okenn Manm ki kont?

Vot lo Bidze pou *Information Commission* lo paz 69 ziska 71 pou en total R2milyon 725mil 28 Manm in vot pour, 0 kont e 1 abstansyon. Sa Bidze in aprouve par Lasanble. Mon a dir mersi delegasyon

Information Commission pou zot partisipasyon, e mon swet zot bonn zournen e bonn kontinyasyon.

Mersi zot kapab fer zot depar. Nou a pran en poz teknik Madam Clerk pou sanitise si ou kapab sinaly sa avan nou apel lot delegasyon *Media Commission* e Lasanble i a repran.

(technical break)

SEYCHELLES MEDIA COMMISSION

MR SPEAKER

Bonzour e byenveni zofisyen *Seychelles Media Commission* Mr Ibrahim Afif Chief Executive Officer e Ms Tessa Henderson *Media Secretary*.

Mersi pou zwenn nou pou konsiderasyon zot Bidze. Nou ava envit CEO pou fer en pti lentrodiksyon lo son Bidze pou nou konmans kestyon. Mr Afif.

CEO IBRAHIM AFIF

Mr Speaker, Honorable Members, Ladies and Gentlemen. The mandate of the Seychelles Media Commission is to preserve the freedom of the media, improve and maintain high standards of journalism in Seychelles.

To require publishers of newspapers, radio and

television, news agencies and journalist to respect human dignity, freedom from discrimination on any grounds necessary and democratically and to maintain high standards of integrity and good taste.

Manda Komisyon Medya se pou sirvey en pti pe bann *media houses* ki egziste dan Sesel pou war ki mannyer si zot pe respekte Lalwa ki egziste an se ki konsern medya.

E ki nou ed zot osi dan zot lalit pou maintain freedom of expression and freedom from discrimination, eksetera.

Bann keksoz ki nou'n fer pandan lannen 2020 e 2021 ;- Parey zot konnen sa lannen pase ek sa lannen ti 2an ki ti annan bokou kontrent pou nou. Bann pti konsern, bann limitasyon enpoze par pandemik *COVID-19*. Ki fer ki malgre ki nou'n fer bokou i ti en pti pe limit nou bann keksoz.

Par egzanp bann piblikasyon ki ti egziste ti an *line* e ti annan bokou bann zournal pa zis pe pibliye otan ki avan.

E malgre ki nou ti ganny konplent nou ava al lo la taler, nou nobou fer serten louvraz an se ki konsern reviz Kod Kondwit e osi reviz sa Lalwa ki gouvern *Media Commission*.

Sa nou pou nou espekte boner lannen prosen pou al devan Gouvernman e apre kot *Attorney General* pou avan i vin kot zot pou zot aprouve. Nou'n osi finaliz *website Media Commission* e byento nou pou lans li tre byento nou pou lans li ofisyelman.

Si nou le koz lo bann defi ki nou annan, se ki par egzanp i difisil pou nou, parey mon ti dir mon ti rapporte lannen pase pou nou *monitor* tou bann radyo ek televizyon san sa teknolozi ki neseser.

E sa teknolozi i en pti pe koute e pou le moman Gouvernman pa war li konman en priyorite pou donn nou. Me selman nou'n rod en lot solisyon e nou espekte boner lannen prosen pou rezourd sa problem atraver en lot stratezi san ki ou bezwen aste sa lekipman pou fer sa.

Apre osi nou bezwen travay avek bann avoka pou moderniz sa *Newspaper Act* e parey zot tou in aprouve son Lalwa Difamasyon in ganny aboli - *Decriminalise Deformation* sa in arrive.

E sa ti en keksoz ki nou ti kontan, akoz sa ti en lalit - pa'n lalit telman me selman en demann ki nou ti fer depi konmansman Komisyon Medya. E malgre ki petet in annan bokou dimoun ki'n *hijack* sa *achievement* sa ti en

keksoz ki Komisyon Medya ti konmanse 10an pase.

Nou Bidze pou sa lannen Bidze pou sa lannen i 2.57milyon e Bidze ki nou'n propoze pou lannen prosen i 2.515milyon.

Si nou get nou bann depans mon krwar mon ava reponn kestyon an detay ler zot demande. Me selman bann par egzanp saler i reste parey, napa okenn sanzman. E bann *goods and services* i annan en pti diminisyon pou lannen prosen.

Pandan lannen byensir ti annan sa demann par Gouvernman pou demann bann *Board Members* pou aksepte ki zot pa ganny peye. Pa tou *Board Members* ki ti aksepte e nou kontinyen peye bann ki pa ti dan servis Gouvernman.

Me lannen prosen nou war ki Gouvernman in reestabli bann *Board fees* e nou ava gete ki mannyer nou ale. Mon ava aret la e mon demann mon ava reponn okenn kestyon avek mon koleg Tessa Henderson ki zot kapab demande.

MR SPEAKER

Mersi CEO. Nou a pran kestyon lo Bidze *Seychelles Media Commission* ki lo paz 72 ziska 74. Nou a konmans avek Onorab Wavel Woodcock. Onorab.

HON WAVEL WOODCOCK

Mersi Mr Speaker. CEO mon kestyon i konm swivan, premyerman bonzour, bonzour tou dimoun a lekout, tou Manm. Mr Speaker mon ti a kontan konnen an relasyon avek sirtou dan son *strategic priorities* in koz en pti pe lo *modernise the Newspaper Act*.

Sa *Newspaper Act* i date depi le 15 Novanm an 1935 me pou plizyer lannen napa gran travay ki'n ganny fer lo sa Lalwa. E ozordi bokou zournal i *online* e sa *Newspaper Act* i pa kouver bann zournal ki *online*.

Mon ti a kontan konnen ki demars vreman akoz *it's years, years* - en bon pe lannen la i annan koze pou amann sa Lalwa me ziska prezan pa ankor fer. Alor mon ti a kontan konnen vreman ki travay tanzib ki zot in fer pou amann sa Lalwa?

E kot i konsern *training* dan zot manda i fer kler ki (*sorry* esper en pti kou mon pe rod li la) zot manda se pou '*Improve and maintain high standard of journalism in Seychelles.*'

Mon ti a kontan konnen en pti pe ki bann *training* ki zot in fer, sirtou an kolaborasyon ouswa an partenarya ek bann *media houses* en pti pe pou bann *training* pou sansibiliz bann zournalis, bann diferan

media houses lo bann Lalwa Medya ki egziste ozordi. E mon ti a kontan konnen en pti pe ki zot ki zot in fer en pe pou *build relasyon* ek bann *external stakeholders*?

Par lefe ki ozordi zot, zot en form of regilater se zot ki *monitor* bann *media houses* kot i konsern etik, kot i konsern *Code of Conduct*. E mon okouran ki a plizyer repriz ler zot in sey kosyonn enn de bann zournalis. Sa bann zournalis in anvoy zot pronmnen i pa'n pran zot serye.

Mon ti a kontan konnen en pti pe ki zot pe fer lo sa laliny? E eski avek sa novo Lalwa ki pou vini zot, zot pou ranforsi en pe sa bann keksoz?

E finalman mon pou koz en pti pe lo Penal Kod. Lo Penal Kod ki'n ganny amande pou tir *criminal* pou *decriminalise defamation*. Me fransman CEO mon pa'n vreman war gran *involvement*, gran travay ki sa Komisyon in fer regardan *decriminalising defamation* pou tou sa bann lannen. Ok?

So mon ti a kontan ou sey eksplik nou vreman ki zot in fer zot pou ki sa Lalwa vreman in ganny tire dan Kod Penal? Mersi bokou.

MR SPEAKER

Mersi Onorab. Wi CEO ou pou adres sa?

CEO IBRAHIM AFIF

Mr Speaker mon demann Tessa pou reponn sa kestyon.

MR SPEAKER

Yes Ms Henderson.

MEDIA SECRETARY TESSA HENDERSON

Bonzour Mr Chairman. Bonzour tou Manm Onorab. Dan kad premye kestyon ki demars ki *SMC* in fer pou reget *Lalwa News Paper Act*. Annefe nou'n ganny serten problem lo kote boner sa lannen e tar lannen pase.

Sa in fer ki deza sa ti dan nou, dan nou manda pou sa lannen pou nou revwar. I annan legzersis ki *Board* in fini fer depi an Zilyet, Out sa lannen kot nou'n revwar sa *Lalwa*, pou get en pti pe ki bann merit ki annan pou revwar pou revwar konteni *Lalwa* ki bann *areas* ki vreman bezwen ganny revwar.

Enn bann *areas* par egzanp i prosedir ki en endividé oubyen en *publisher* i bezwen *go through*, pou li kapab met an plas en zournal dan, dan pei. Sa prosedir i ase long e i bezwen tap laport diferan antite. Alors sa i bann keksoz ki nou'n obzerve avek *Lalwa*.

Osi *Lalwa* pa rekonnnet *newspaper as online*. Sa *Lalwa* i rekonnnet *newspaper*

as paper. Sa dan li menm li i kre en gro difikilte pou Komisyon Medya akoz i fer ki nou, nou napa ziridiksyon *online*. I enn fwa ki en zournal i *online* sa i vin en problem.

Me lavantaz ki i annan se ki bann zournal Sesel an se moman i annan en *license*. Sa i vedir ki nou'n bezwen annan diskisyon avek *Seychelles Licensing Authority*.

Annefe i en diskisyon ki ti ganny fer an Zilyet, Out sa lannen nou ti zwenn avek *Licensing* kot la nou'n annan en miting pou diskit sa *issue Newspaper Act*.

Akoz *the licensing of newspapers* i ganny akorde par *Licensing Authority*. Me *Media Commission* i annan en rol ki i zwe dan sa prosedir osi.

So sa i en pti pe travay demars ki nou'n fer anliny avek *Newspaper Act* parey ou konnen pou sa revizyon arive i bezwen prezan ariv *Cabinet*. So nou'n fini fer sa bann zistifikasyon nesesite merit akoz sa *Lalwa* i merit pe ganny revize osito posib.

E annefe sa *Lalwa* si ou get li i annan en seksyon dan sa *Lalwa* ki koz lo *defamation*. In tonbe la avek *decriminalisation of defamation*. Me selman sa osi ti en konsern pou nou e nou ti an konversasyon avek AG's *Office* lo sa size, e nou'n ganny enformen ki o moman ki sa

decriminalisation of the defamation i tonbe, i osi tonbe dan kad sa bout dan Lalwa.

Lot ou kestyon i lo size *training* parey ou konnen dan nou Bidze pa ganny gran larzan pou *training*, me sa ki nou'n fer o kour sa 2an ki'n pase la sirtou avek sa sityasyon *COVID* bokou bann *training* ti pe ganny fer *online*.

E nou'n kre bon rapor avek - annefe mon a reponn de ou kestyon la an menm tan. Nou'n kre vreman bon rapor *over last year* e sa lannen avek bann antite swivan ;- par egzant *Commonwealth Secretariat* nou annan en gro legzersis ki nou'n fer depi an Zilyet ziska - anfet dernyen *meeting* ti semenn pase le 16 Novanm.

Nou'n annan en gro travay ki nou'n fer avek *Commonwealth Secretariat* e atraver sa nou'n kapab *build* serten relasyon avek lezot antite ki gouvern bann lezot medya dan kad bann pei *Commonwealth*.

Nou'n fer travay avek *Africa Freedom Information Centre*. zot ti fer en *training* an Out sa lannen. Nou'n osi annan travay ki nou'n fer avek *East Africa Editors Society* ki atraver UNESCO ti fer *Media Commission* partisip dan enn zot *forum*.

E atraver sa *forum* nou'n fini *link up* avek serten *bodies*

ki nou kapab fer serten travay avek. E met bann medya lokal an koneksyon avek sa bann diferan *bodies*, pou zot kapab annan serten travay lesanz e menm *training*.

E enn bann pli gro relasyon ki nou'n kapab vreman *build* o kour sa 2an i UNESCO, akoz se atraver UNESCO annefe ki nou'n ganny bokou bann *training* ki'n fer o kour sa 2an ki'n ganny fer *online*.

E sa bann *training* in plizoumwen *focus* lo ki mannyer nou kouver *COVID coverage of the COVID-19 pandemic*. Annefe ti annan enn la tou dernyerman malerezman zot ti anvoy nou tou lenformasyon trwa zour davans, e nou ti annan en pti pe problem pou nou ganny zournalis pou asiste.

Me nou ti ganny en dimoun kot Minister Lasante enn zot bann *PR Officers* ki ti *sit through the conference* e mwan osi mon ti asiste. So plis *training* ki'n antre sa dernyen 2an la i plis *COVID related* ki mannyer medya i kouver sa pandemi.

So enn, in *prevent* nou fer *training inter* lokalman Sesel. In plizoumwen bann *training* ki'n ganny fer *online* atraver sa bann diferan lorganizasyon. E bann dimoun ki'n vin fer sa bann *training*, i bann dokter, i bann dimoun ki spesyalize

dan sa bann *area*, bann zournalis ki labitid zot kouver bann keksoz parey. E nou annan gran lesanz lo sa kote. So sa in definitivman ganny fer.

E in anpes nou, nou menm nou depans nou larzan lokalman. Ou lot kestyon i lo size *stakeholders* ki mon'n fer resorti, in vreman en gran loportinite pou nou kapab fer sa o kour sa - sirtou sa dernyen 7 mwan ki'n pase la, akoz bokou plis bann travay in antre lo sa dernyen 7 mwan avek nou bann *external stakeholders*.

So parey mon'n dir *UNESCO Commonwealth and so on*. E ou dernyen kestyon lo size *Penal Code*. Depi ki *Media Commission* in vin an plas sa *issue defamation* in vin en *issue*.

Akoz dan bann *editorial forum* ki nou'n organize o kour bann lannen sa in enn bann - i enn topik primordyal ki'n toultan ganny diskite. E annefe dan tou *forum* ki nou, nou'n asiste as *Media Commission* an detrwa repriz nou'n menm zwenn ek Lasanble Nasyonal.

Nou'n bring up sa *issue defamation*. In enn konversasyon ki nou'n annan avek *AG's Office*. Annefe lannen pase nou ti rann rapor 37enm rapor ki nou bezwen submit dan kad *Universal*

Periodic Review. E dan kad rapor sa *37th session* nou rapor ti *actually* kouver en seksyon lo *defamation* akoz ti annan en pei partikilye ki ti anvi Sesel i *decriminalise defamation*.

So *Media Commission* ti *actually submit* en *report* lo sa size e ler ki Minis ti fer son prezantasyon an Avril dan *meeting* dan - an Me (*sorry* an Me) ler ti annan sa *Universal Periodic Review* son *third cycle* nou ti *actually* donn Minis lenformasyon i ti prezante on the floor lo size sityasyon *defamation* Sesel ki ti *in the process of ganny decriminalise*.

E nou'n osi pou nou annan konversasyon avek *AG's Office* so sa. E vwala kot sa la nou'n war poudir in ganny *decriminalise*. I pa neseserman vedir ki prezan nenport kwa i kapab ganny fer, me selman i nepli *punitive* dan sa kad.

So nou annan en kantite travay anfet ki'n ganny fer. Malerezman in *involve* en kantite *lobbying* - en kantite *meeting*, diskisyon me selman nou vreman, vreman *happy*. I domaz ki se lezot ki'n vin devan pou koz lo la, me an term travay en kantite keksoz ti ganny fer.

E nou annan levidans to, to show for it. Nou a kapab submit en kopi sa *report* ki

nou, nou ti *submit* avek the UPR pou sa pou lannen pase. Mersi.

MR SPEAKER

Mersi Miss Henderson.
Onorab John Hoareau.

CEO IBRAHIM AFIF

Mon ti a kontan azoute en keksoz.

MR SPEAKER

Wi CEO.

CEO IBRAHIM AFIF

Ki en defi en kote se ki ler i annan lof formasyon *training* eksétera nou kontakte bann *media houses* eksétera, parfwa sa repons sa kantite dimoun ki vin *forward* pou partisipe i minimonm.

E sa konmsi mon sipoze krwar si sa formasyon ti dan en pei deor, nou ti pe avoy dimoun deor nou pou ganny bokou dimoun pou *apply*. Me ler i fer isi par egzanp, in annan nou avoy lenvitasyon e ou anbarase ennler ou annan detrwa dimoun ki vini.

E larestan pa vini e menm sa bann formasyon par egzanp *pandemic COVID* nou ganny 1 dimoun. Me sa i en size enportan tou bann *media houses* ti kapab partisipe kanmenm ti ganny *notify lately it was online you could have done something*.

Me selman nou war poudir nou bezwen pouz nou bann zournalist. Ennler mon kapab konpran bann *media houses* ennler zot napa bokou staff. Ok ou a pran en lorganizasyon koman SBC petet i annan *SBC staff is about 215 - byensir pa tou dimoun ki zournalist ladan.*

E li i kapab petet fournir serten partisipan. Me selman nou remarke ki poudir parfwa sa bann dimoun ki vin pou formasyon se pa sa bann dimoun ki vreman neseserman sa lenformasyon.

Ou bezwen dimoun en pe pli o ki, ki annan sa responsabilite Polisi *implement*. Si ou anvoy en zournalist ki'n fek zwenn sa lorganizasyon, ou pa pou kapab ou pa espekte en bon rezulta. Sa se enn bann keksoz ki nou ti a voudre i amelyore.

Nou ava esey travay avek bann *media houses* pou gete si zot kapab silvouple partisip bokou plis dan bann lof formasyon ki vini. Mon bezwen dir ki *Media Commission* ki kanmenm *training* i dan nou bann lobzektif i pa - Nou napa en Bidze pou organiz formasyon.

Me nou travay avek bann lezot lorganizasyon oubyen nou kontribye si en dimoun ki pe esey fer en formasyon nou kontribye en pti gin ladan. Me vwala.

MR SPEAKER

Bon mon remarke ki Manm napa vreman kestyon lo Bidze spesifik, so mon pou pran kestyon Onorab Hoareau e nou a kapab nou pou kapab al lo Bidze si zot- ? Ok Onorab.

HON JOHN HOAREAU

Mersi Mr Chair. Mr Chair mon kestyon i baze lo *program 1* lo *development and monitoring*. An vi ki *Media Commission* i annan en rol konstitisyonnel pou defann drwa nou drwa pou nou ganny *accurate trustful and timely information*.

So mon oule konnen pandan sa lannen sirtou lo kote nou *national broadcaster* ki *SBC* nou'n war en kantite nouvel ki pa balanse.

Mon pe demande ki kantite si i annan okenn statistik pou prezant nou lo ki kantite zournalisti ki'n ganny *taken to task*, oubyen ki'n ganny ki'n ganny koz avek lo size Kod Kondwit ki zot sa fame Kod Kondwit ki zot annan? Mersi.

MR SPEAKER

Mersi. *CEO*, Ms Henderson ou a pran kestyon?

CEO IBRAHIM AFIF

Mersi pou sa kestyon Onorab. Bon ou'n koz lo medya prensipal medya nasyonal. Nou, nou enterakte avek

medya nasyonal en kantite ok? Me selman nou pa al - nou pa desann sa nivo zournalisti.

Nou reste o nivo *management* sa lorganizasyon. I annan bokou keksoz ki nou trouve pa byen, nou ekrir zot detrwa let. E ou konnen *SBC* i en lorganizasyon endepandan, nou pa kapab met enterfer avek son travay.

I annan serten keksoz ki nou war ki zot fer nou, dapre nou ! Sa i pa byen e nou dir zot. Me apre set a zot pou met an aplikasyon, akoz zot annan zot drwa, zot endepandan, zot sipoze fer.

I annan keksoz ki -. Nou, nou pa pibliye sa bann zafer ki nou fer, akoz nou pa anvi konmsi gat nou relasyon avek sa bann lorganizasyon. Me selman in ariv plizer lokazyon ki nou'n bezwen ekrir zot dir zot kot nou krwar ki zot i pe, i pa pe swiv Lalwa parey nou konn li. Sa i en defi ki nou annan avek *SBC*.

Apre avek bann zournal i annan serten zournal ou kapab ekrir zot mil fwa, zot pa reponn ou. E enn bann problemm avek Komisyon Medya - Lalwa Komisyon Medya se ki nou pa kapab pini okenn dimoun. Nou napa sa pouvwar pou pini okenn dimoun.

E sa en keksoz-. Mon kapab konpran akoz sa Lalwa i koumsa akoz si ou anvi pini

en dimoun taler lot kote i a dir ou ki nou pe sey gat dimoun, nou pe esey enterfer dan *freedom of expression* bann keksoz koumsa.

Alor mon krwar Gouvernman osi i oule evit sa sityasyon kot si met en Lalwa kot, kot i pini zournalist nou pou desann dan sa *ranking*.

Mon krwar sa i enn bann defi nou bezwen trouv en lot solisyon pou sa. Mersi.

MR SPEAKER

Mersi. Oule swiv wi Onorab.

HON JOHN HOAREAU

Mersi Mr Chair. Zis en pti *follow-up* mon pe zis demann CEO si parkont akoz zot prezant en *annual report* avek nou ek Lasamble, si parkont sa bann sityasyon pou ganny monte dan sa ki ou fek eksplik nou pou ganny monte dan sa *annual report*.

MR SPEAKER

Mersi. CEO ou kapab konfirm sa silvouple?

CEO IBRAHIM AFIF

Wi byento nou pou fer en *annual report* e zot pou ganny en kopi ladan.

MR SPEAKER

Mersi. Onorab Henrie.

HON GERVAIS HENRIE

Mersi Mr Speaker. Mon annan kat pti pwen, premyerman letan mon get zot lobzektif i dir pou amelyor e mentenir en o standar zournalizm.

Selman letan mon get zot target, zot target ki pe donn zot en Bidze pou *achieve*, mon pa war ki mannyer zot travay lo en baz toulezour i pe dan en fason pratik pou ede amelyor e mentenir o nivo standar zournalizm.

Par egzanp si ti annan en target antre nou pou redwir lensidan kot bann *bad reporting of journalism* i ganny fer dan nou pei, sa i ti pou satisfer mwan.

Si par egzanp nou ti annan en statistik kler lo konbyen lensidan kont bann *media houses* i antre dan zot *budget*, sa i ti pou ed mwan. E si par egzanp mon aprann zot ti pe fer bann *survey* lo persepsyon piblik Seselwa lo sa standar zournalizm dan nou pei, ti pou ed mwan bokou. Sa i mon premye komanter Mr Chair.

MR SPEAKER

Well avans en pe lo bann pwen Bidze Onorab.

HON GERVAIS HENRIE

Mr Chair akoz i bann target nou pe donn zot en Bidze pou *run* en-.

MR SPEAKER

Wi me selman ou pa bezwen fer telman propozisyon pou zot.

HON GERVAIS HENRIE

Wi akoz mon en pe annwiye avek bann MDAs ki akoz *we want them to* pou fer en keksoz avek sa Bidze ki amelyor Sesel.

MR SPEAKER

Ok, carry on please.

HON GERVAIS HENRIE

Wi. Dezyenmman lannen pase ti lev en, en kontansyon konsernan konpozisyon Komisyon. Akoz la i nepli annan Departman Lenformasyon e Lalwa i dir ki i bezwen annan en reprezantan sorti dan Departman Lenformasyon. Mon anvi konnen ki mannyer zot in regle sa sityasyon, pou asire ki zot legal parey Lalwa ti pe demande, ki mannyer sa in ganny fer?

Lot issue i Board fees ki Mr Afif i dir zot annan Manm Board ki'n pran, so mon anvi konnen ki sa sonm ki devan nou 316mil pou 2021 ki poursantaz ki zot in servi vizavi bann Manm ki'n dir zot oule pran zot Board fees?

E finalman Lartik 18 zot 19 plito zot Lalwa i dir zot bezwen fer rapor anyel ki zot donn avek Minis Finans, e apre Minis Finans i *provide* Lasanble Nasional. Depi ler

mon la *unless* mwan ki vreman pa pe swiv, mon pa rapel en rapor sorti kot *Media Commission*. So mon anvi konn lo la? Mr Chair mersi.

MR SPEAKER

Mersi. CEO ou kapab adres sa bann pwen silvoupe.

CEO IBRAHIM AFIF

Sa dernyen pwen ou annan rezon. Nou fer sa bann rapor e nou donn plito *Auditor General* ler i fer sa. E sa i en keksoz ki nou'n manke. E nou pou rektifye sa. Me selman mon ti a kontan avan mon pas laparol avek Ms Henderson sa zafer *maintain high standards of journalism* nou kapab *advocate*, me selman pa nou ki zournalis pa nou ki fer bann reportaz *ok?* Nou ler nou war i mal nou dir.

E menm *the media houses* osi parfwa, parfwa menm direksyon pa kapab toulstan -ok zot kapab *strive*, me selman i depan lo *dévot* zournalis, formasyon e osi fodre osi sak *media house* an se ki konsern kouvertir.

Nou menm nou, nou pa enterfer ditou dan louvraz ki bann *media houses* i fer.

Nou pou enterfer si zot vin kot nou poudir nou poudir en tel Minister, en tel lorganizasyon pa oule donn nou lenformasyon. Me la konmela i annan *Information*

Commission osi ki antre ladan. Alor nou, nou a seye me selman i depan bokou lo *media houses* e zot *staff* pou ariv sa nivo ki zot bezwen.

MR SPEAKER

Tre byen. Mersi. CEO, mon krwar nou'n kouver en pe sa bann pwen. Ms Henderson pou adres?

MEDIA SECRETARY TESSA HENDERSON

Mersi Mr Chair. Wi lo size amelyor e mentenir standar zournalizm. Annefe *the bulk of the work* dan *Commission* i fer sa *monitoring* televizyon, radyo e zournal. E annefe nou'n parey nou ti fer lannen pase nou'n sanze nou lapros. Nou pa pe neseserman taye ekrir en zournal, ekrir en *newspaper whenever* i annan en lensidan.

Nou annan en komunikasyon. Nou annan en *Open Door policy* avek bann *media houses* e ki mannyer i pe marse la se ki o moman ki i annan en keksoz ki arive, nou otomatikman kontakte sa *media house* e i annan serten, serten rektifikasyon ki ganny fer *within hours of* nou met dan zot latansyon serten issue.

So i annan serten keksoz ki pa neseserman tarde pou arive. I ariv vitman. I annan en legzanp tipik par egzanp ek

TeleSesel. Nou ti obzerv en keksoz an partikilye nou ti met an zot latansyon, nou ti fer serten rekmandasyon.

E *within hours* zot ti fer sa rektifikasyon. I ti sipoze annan en lot en programm ki ti pou *follow* e sa programm ti annan sa bann rekmandasyon ki nou ti fer atase avek sa konteni.

Alors ou war poudir nou lapros la olye pou nou ekrir gran, gran let, nou lapros annan en konversasyon pe *actually* marse. Menm avek SBC. Onorab Hoareau in fer komanter lo medya nasyonal.

Nou annan menm lapros parey. Me selman nou war poudir i annan serten *media houses* ki zot, zot tarde pou zot met an plas serten rekmandasyon. E serten rekmandasyon ki nou fer i anliny avek bann *media ethics*, i anliny avek Lalwa, i anliny avek nou Kod Kondwit.

Ki annefe akoz nou'n observe poudir i annan serten mankman dan nou Kod Kondwit ki nou'n fer sa *revision* ki lo kote lannen pase plizoumwen. E la nou pe al prezan pou nou prezant avek bann *media houses*, akoz nou'n fini met tou bann lenformasyon prezan ansanm.

Nou'n kapab met tou sa bann lenformasyon ansanm, pou nou kapab fer sa prezantasyon avek bann

media houses dan next Editors Forum.

Nou ti annan en *survey* planifye, me selman nou'n war SBC ki ti pe fer *survey* ;- nou'n war lezot *media houses* osi ki ti pe fer *survey*. So nou pou nou pa al konfront dimoun pou zot bite avek ki *survey* ki zot pe ganny fer, nou'n plizoumwen pe obzerv *survey* ki'n ganny fer e bann statistik ki'n antre.

Me selman parey ou'n war ou pe ganny ou zis 600 dimoun dan popilasyon 100mil - 98mil ki pe zis ki pe ranpli en *survey* i pa fezab. So eski *survey*, is the right tool to use pou nou ganny lopinyon dimoun ? Sa en keksoz ki nou bezwen get ladan.

Akoz nou pe war deza SBC li i pe fer i pe ganny li zis 600/700 dimoun ki pe ranpli en *survey*. So petet i nou get lezot tools ki a kapab anmenn lenformasyon kot nou.

MR SPEAKER

Bon eski... ?

MEDIA SECRETARY TESSA HENDERSON

Konpozisyon Mr Afif konpozisyon nou *Board* avek klotir yeah.

MR SPEAKER

Board fees wi eski sa i en pe spesifikman lo Bidze. Eski

CEO i kapab donn en pti repons lo size *Board fees*.

CEO IBRAHIM AFIF

Board fees, sa *Board fees* ki in annan 4 - 4 Manm ki'n ganny peye larestan nou pa pey zot. I ariv apepre R117mil.

MR SPEAKER

Tre byen mersi. En klarifikasiyon lo Bidze.

HON GERVAIS HENRIE

Zisteman lo *Board fees* akoz be apre mon war en logmantasyon ki pe ganny prevwar pou lannen prosen so ki zistifikasyon *the increase?* Mersi.

CEO IBRAHIM AFIF

Mon krwar madanm i kapab.

MR SPEAKER

Wi.

CEO IBRAHIM AFIF

Ki'n arive mon sa lannen Minister Finans in tire sa *Board fees* parey ti e zot pe donn nou lannen prosen i paret mwan, akoz nou pa'n demann extra.

MR SPEAKER

Miss Tamatave ti pou eklersi keksoz.

<u>DEPUTY GENERAL</u>	<u>COMPTROLLER ASTRIDE</u>
<u>TAMATAVE</u>	

Mersi Mr Chair. Mr Chair pou sa lannen ziska *to date Media Commission* in depans 345mil anba *the Board fees vot up to Novanm.* E parey Onorab in konstate i annan sa *increase* pou lannen prosen pou nou kapab *provide* pou son 12 mwan.

MR SPEAKER

Mersi Ms Tamatave. Onorab Pillay.

HON SEBASTIEN PILLAY

Mersi Mr Chairman. Mon oule spesifikman demann kestyon *regarding sa 5percent supplementation allowances.* Mon pa konnen si petet Ms Tamatave i kapab ed nou. Eski sa *5percent supplementation allowance* i an relasyon avek sa *5percent salary increase* ki ti sipoze vin atraver Lalwa?

And if that is the case so that means Minister Finans pe kontinyen avek sa.

E zis pou en pti komanter an pasan Mr Chairman, zanmen mon ti a espekte sa zour ki mon pou tann Onorab Henrie pe koz lo met lord ek zournalist! Zanmen mon ti a krwar en?

MR SPEAKER

Ale, annou pa antre dan deba ant Manm. Kestyon silvouple.

CEO IBRAHIM AFIF

Mr Speaker mon pa'n tro sezi kestyon Onorab Lopozisyon.

MR SPEAKER

Atann silvouple i annan en pwen ki'n fer an relasyon avek 5poursan.

HON SEBASTIEN PILLAY

Mon kestyon ti an relasyon sa 5poursan, sa 5poursan *supplementation allowance* ki pe ganny donne dan Bidze.

MR SPEAKER

Silvouple klarifye sa CEO.

HON SEBASTIEN PILLAY

Mon ti a kontan konnen akoz ki sa *supplementation allowance* i la. Si eski sa i an relasyon avek sa *5percent salary increase.* E prezan ki parey Lalwa pa ti pase ki Prezidan Faure ti met dan Bidze.

E si sa i pe repete ankor dan Bidze, akoz mon pe war li en pti pe partou. Non pa'n demann sa bann kestyon yer. Me ler mon war li aparet ankor kot *Media Commission* mon pe sey klarifye avek Minister Finans oubyen si *Media Commission* i kapab klarifye?

MR SPEAKER

Klarifye silvouple.

HON SEBASTIEN PILLAY

E mon lot pwen sete si zot pa'n tande sete zanmen mon ti pou

tande si Onorab Henrie ti pou pe koz lo reprimann zournalist ozordi. Mersi Mr Speaker.

MR SPEAKER

CEO reponn. Mon'n dir deza annou pa rod deba antre Manm nou la pou kestyonn *CEO*. *CEO* e oubyen Ms Tamatave ekliersi *supplementation allowance*.

CEO IBRAHIM AFIF

Avan ki Ms Tamatave i reponn sa kestyion mon krwar sa 5poursan *allowance* en keksoz ki ganny donnen par Gouvernman. E sa ki ganny donnen nou benefisyé, me nou pa'n demann nanryen an plis.

MR SPEAKER

Ms Tamatave.

DEPUTY COMPTROLLER GENERAL ASTRIDE TAMATAVE

Mersi Mr Chair. Onorab sa 5poursan i sanmenm sa ki ou'n dir e ki Gouvernman i pe mentenir sa. Mersi.

MR SPEAKER

Mersi. Byen avek sa nou a pran vot lo Bidze pou *Seychelles Media Commission* ki lo paz 72 ziska 74 pou en total R2milyon 515mil. Manm ki an faver, vote lev lanmen silvouple ?

Mersi. Okenn Manm ki kont? Bon lo Bidze *Seychelles*

Media Commission ki lo paz 72 ziska 74 pou R2milyon 515mil, 28 Manm in vot pour, 0 kont e 1 abstansyon.

Alor sa Bidze in aprouve par Lasanble. Madanm Clerk eski ou krwar nou delegasyon prosen pou'n pare pou 10er45 wi? Ok. So nou a pran *break* bomaten la e nou a rezwenn 10er45 pou nou rekonmans avek *Department of Public Administration*. Mersi.

(BREAK)

MR SPEAKER

Avan mon swet byenveni delegasyon, Mon a zis adres en pti kou pwen ki Onorab John Hoareau e Onorab Loto ti pe diskite. Mon'n tyek *Article 90 of the Constitution* e osi *Standing Orders* 78, i annan en pwen ki nou devret konsidere la.

So mon ava apresye si ou organiz sa *meeting* e nou ava mon ti a kontan asiste osi akoz i en pwen ki mon ti a kontan ekliersi lo ki mannyer *is the best way to proceed*. Ok Onorab Pillay nou kapab.

HON SEBASTIEN PILLAY

Yes Mr Speaker. Wi i annan, i annan en *way-out* ase senp.

MR SPEAKER

Wi.

HON SEBASTIEN PILLAY

E si Onorab Hoareau i get son *WhatsApp Bills Committee* i ava war sa provizyon ki nou i kapab ganny servi pou fer sa, me ki ou bezwen ganny enformen akoz.

MR SPEAKER

Yes the way out is simply ki nou ganny en direktiv en let sorti kot Minister Finans par egzanp ki sa i kapab fer nou a regarde si nou bezwen fer sa. Mersi bokou.

DEPARTMENT OF PUBLIC ADMINISTRATION

MR SPEAKER

<i>Welcome</i>	delegasyon
Departman	<i>Public</i>
<i>Administration</i>	pou konsiderasyon zot Bidze ki lo paz 13 ziskan 19.

Mon swet labyenveni Madam Jessie Esparon, *Chief Secretary and Head of the Civil Service*, Madam Marie-Annette Hoareau *Financial Controller* dan sa Departman e Madam Marie-Antoine Gilbert *Director Human Resources*.

E byensir zofisyen Minister Finans i reste avek nou. Pou konmanse *Chief Secretary* nou ava envit ou pou fer en pti lentrodiksyon lo Bidze pou sa Departman.

CHIEF SECRETARY AND HEAD OF CIVIL SERVICE

JESSIE ESPARON

Mersi Mr Speaker. Bonzour Mr Speaker. Bonzour tou bann Manm Onorab e tou bann dimoun a lekout. Mersi pou donn mon sa loportinite pou fer prezantasyon lo Bidze sa Departman Ladministrasyon Piblik.

Mon oule zis senpleman dir ki parey zot konnen *DPA* i sa lorganizasyon ki met an plas bann Polisi Resours Imen pou fer sir i annan sa konsistans dan servis piblik, lo administrasyon e zesyon resours imen.

I osi sa lorganizasyon ki responsab pou aprouv tou striktir Gouvernman ki dan Egzekitiv;- savedir bann ki pa endepandan. I administre tou bann *exit benefits*, parey pansyon Gouvernman bann konpansasyon e serten gratwite.

I osi sa lorganizasyon ki *monitor compliance* pou bann lorganizasyon ki'n ganny sa *delegated authority* osi fer serten *management audits*. Tou dernyerman i annan de pilye *RBM* pou okipe ler Gouvernman finalman i *roll out* ;- sa se *PMNA* avek *PMS* an gro.

Departman i a pe vin pou 2022 i a pe demann en Bidze R17.434milyon an de parti R13.628milyon pou peyman

saler apre pou *goods and services* R3.806milyon.

An 2021 sa lannen nou Bidze orizinal ti R16.498milyon me ti ganny revize an *mid year* pou vin R15.358milyon. Alor si nou konpar sa ki nou pe demande an 2022 avek Bidze orizinal 2021 nou war i annan en logmantasyon R2.076milyon.

So mon ava aret la mon a les bann Manm Onorab demann mon kestyon lo Bidze DPA. Mersi.

MR SPEAKER

Mersi, mersi *Chief Secretary* pou sa. Byen nou a konmans avek kestyon bann Manm e Onorab Bistoquet i kapab konmanse.

HON ROSIE BISTOQUET

Mersi Mr Speaker. Bonzour Madanm SS avek ou delegasyon. Bonzour tou Onorab. Madanm Espanon par egzanp mon pe regard anba *SP1 administration and human resource management* kot *allowances excluding PSC*.

Lannen pase *it was* 196 la mon war i annan en logmantasyon apere lanmwatye i 328 petet mon kapab ganny en leksplikasyon?

Apre donn nou en pti pe leksplikasyon osi anba menm *SP* pou sa *other allowances*. I annan en, en apere en 4,

400mil apere plis ki mon pe remarke pou lannen pase?

Apre pou *SP1 public administration and compliance returning graduate allowance* mon war konmsi i, i stagnant eski sa i vedir ki zot pa pe pran okenn nouvo *graduates* pou sa lannen ki pe vini la?

And then pou local consultancies i anba *P3 public service management and standards local consultancies* lannen pase ti annan 50mil la, sa lannen mon pa war nanryen.

Eski i vedir ki zot pa bezwen lasistans teknik pou sa lannen? Mersi.

MR SPEAKER

Mersi. *Chief Secretary* mon krwar i annan kat pwen la ki Onorab Bistoquet in mete ou a konmanse silvouple.

CHIEF SECRETARY AND HEAD OF CIVIL SERVICE JESSIE ESPARON

Mersi Onorab pou ou kestyon. Nou ogmantasyon ki ou war lo kote saler i nou'n ganny kreasyon aprouve 3 pos i pa bann gro pos. En *maintenance technician* parske nou *landlord National House* nou bezwen dimoun pou fer sa louvraz, napa dimoun pou le moman. Apre en *senior records assistant* pou nou *Registry* nou annan en gro *Registry* ki abit sepa plis ki 50mil file.

Apre nou, nou ti ganny en pos pou *senior monitoring and evaluation officer* pou PMNE.

An plis ki sa nou annan 4 staff Minister Finans enkli sa madanm ki la obor mwan ki pou transfer kot DPA lannen prosen. Letan Minister Finans i fer restriktirasyon son striktir finans, i desantralize olye met tou anba li.

Sa bann dimoun pou vin kot nou ek tou zot larzan ek tou zot ek tou zot saler. Apre ou ti demann mon en kestyon lo bann zafer *graduate* ki reste *stagnant*. *Graduate housing* sa non?

MR SPEAKER

Graduate allowances mon krwar.

CHIEF SECRETARY AND HEAD OF CIVIL SERVICE

JESSIE ESPARON

Graduate allowance be avan nou ti pey sa. Nou ti pey santralize kot nou sa. Aprezan i pey dan bann landrwa travay depi pou en pe letan i pey ansanm akoz i en peyman i *taxable*. So i pey ek *tax reform* ti ganny mete dan bann landrwa travay an 2017.

So prezan ou pa pou war nanryen kot nou. Ti en peyman santralize sa.

MR SPEAKER

Eski i annan pwen ki pa'n ganny adrese Onorab Bistoquet?

CHIEF SECRETARY AND HEAD OF CIVIL SERVICE

JESSIE ESPARON

Wi apre ti annan en kestyon lo *local consultancy*. Non nou'n tire. Pou le moman dan 2022 nou pa pe anvizaze, so nou'n tire nou dir pran sa larzan donn en dimoun ki pou pli bezwen. Mersi.

MR SPEAKER

Tre byen mersi bokou. Nou a pas lo Onorab Mondon.

HON TERENCE MONDON

Mersi Mr Chairman. Mon kestyon in ganny adrese par Onorab Bistoquet. Zis en pti kestyon lo zot *bill* elektrisite, eski i kouver antye pou batiman kot *National House* pou sa *bill*?

MR SPEAKER

Chief Secretary.

CHIEF SECRETARY AND HEAD OF CIVIL SERVICE

JESSIE ESPARON

Wi-wi i antye *National House* i enkli kot Biro *Attorney General* prezan apre zot pey nou pou zot depans - konmsi nou partaze. Yeah mersi.

MR SPEAKER

Tre byen. Onorab Gill.

HON CHURCHILL GILL

Mersi Mr Chair. Anba *table 5 ‘performance measures and programs’ 1 - i annan 1, 2. 1 in met “percentage of MDAs not complying with Public Service Salary Act” pou 2021 ti 20poursan.*

E pou *percentage of MDAs not complying with Public Service Order and Employment Act* ti 40poursan. Ki arive avek sa bann MDAs ki pa *comply* avek sa, sa de *Public Service Order?* Mersi.

MR SPEAKER

Mersi Onorab. *Chief Secretary.*

CHIEF SECRETARY AND HEAD OF CIVIL SERVICE JESSIE ESPARON

Ok mon pa tro konnen si sa kestyon i lye avek Bidze, selman dernyen fwa mon ti vin Lasanble, mon ti koz lo sa zafer *compliance*; - ki i annan *delegation of authority*. Bokou dimoun i krwar napa *delegation of authority* dan *public service*, i annan.

Bann Lazans i ganny tou pou fer, eksepte enn de restriksyon. Tandis ki bann Minister zot *partial*. Mon ti avvoy lenformasyon kot Lasanble lo *non-compliance*, mon pa’n ganny okenn *feedback* lo la lo degre lo *non compliance*.

Normalman ler sa bann lorganizasyon i pa *comply* ler zot avvoy nou kopi sa ki zot in fer anba *delegated authority*, nou asize nou *monitor*. I annan en kantite travay *monitoring* ki nou bezwen fer.

Nou ekrir sa bann lorganizasyon sanmenm sa nou lo rikord, nou met lo rikord nou konnen lekel bann lorganizasyon ki pa *comply* avek.

E en pe en poursantaz. Selman i annan de fwa ki bann lorganizasyon zot pa avvoy ou kopi zot. Ou pou dekouver ennler par azar keksoz petet ler ou ale ou al fer *management audit*.

Me selman toulstan nou ekrir sa bann lorganizasyon nou. Konmsi nou pa pini zot me selman nou gid zot ki tou sa *framework* ou kit la devan ou, pou ou nobou kapab servi li fer ou louvraz byen.

Si an ka ou pa konpran, i annan en problem Interpretasyon, ou touzour kapab *call* nou pou nou eksplik ou aprezan ou pran ou desizyon baze lo *framework* baze lo lesplikasyon ki nou’n donn ou. Mersi.

MR SPEAKER

Wi Onorab Gill klarifikasiyon.

HON CHURCHILL GILL

Wi sa kestyon mon le zis ekliersi i form par dan Bidze,

akoz i from budget book sa. Be selman mannyer leksplikasyon in donne Mr Chair nou pa'n ganny dir ki arive avek zot.

MR SPEAKER

Me anfen *Chief Secretary* ou kapab repran. Selman Onorab Gill mon konpran in dir i donn zot, zot *assessment* e i depan lo zot pou kontinyen. *Chief Secretary* ou a zis repas lo la en pti gin *please*.

CHIEF SECRETARY AND HEAD OF CIVIL SERVICE

JESSIE ESPARON

Wi Mr Speaker mon'n dir ki ler nou war sa bann fot, sa bann defo ki organizasyon i kontinyelman fer, nou ekrir zot nou pa pini zot nou. Nou ekrir zot nou *advise* zot ou'n fer sa koumsa, ou pa ti devret fer koumsa.

Pou le moman napa sanksyon pinisyon pou zot. Kekfwa *in the future* ler i ava annan *Public Service Act* i ava annan serten sanksyon ki kapab aplike. E sa sanksyon i pou al kot i sa *CEO or* sa *PS* ki ansarz sa lorganizasyon, parske a lafen dizour li ki pran desizyon lo sa move keksoz ki'n ganny fer. Mon *hope* i satisfezan.

MR SPEAKER

Mersi.

MR SPEAKER

Ok Onorab Gill mersi. Onorab Pillay.

HON SEBASTIEN PILLAY

Mersi Mr Chairman. Mr Chairman mon ti a kontan demann *Chief Secretary* e petet Minister Finans i kapab reponn, vi ki se *DPA* ki la petet nou a kapab ganny serten klarifikasiyon vizavi en kestyon ki mon pe sey demande depi bomaten.

Mon war anba Bidze i annan en *5percent supplementation allowances* ki mon prezimen i anliny parey ki mon'n ganny dir ek Minister Finans, i anliny avek sa provizyon ki ti dan Lalwa pou ogmant *wage grid* par 5poursan.

Me eski la ou kapab klarifye avek nou, vi ki nou tande ki Gouvernman pe fer en provizyon pou annan en revizyon dan striktir saler. Esaki sa *5percent supplementation allowance* pou ganny mentenir an menm tan ki sa revizyon ki pe ganny fer?

Oubyen eski pou annan en nouveau *wage grid* ki pou ganny pibliye avek sa 5poursan *allowance* ki bann dimoun pe gannyen? Ouswa sa 5poursan pou ganny retire e ki pou annan en lot revizyon ki si poze parey nou'n ganny dir pou ganny fer an 2023?

Apre mon dezyenm kestyon Mr Chairman, mon oule demann *Chief Secretary* akoz se *DPA* ki probableman *set out bann paramet vizavi bann issues long service allowance.*

Mon pa war logmantasyon dan *long service allowance regarding bann travayer DPA.* Me nou ti osi note yer ki ti annan i annan en *moratorium* mon krwar mon kapab apel sa, petet i pa ofisyel me selman i *sort of ou kapab dir li sa.*

Ki bann kalkilasyon pou bann *long service allowance* pa'n ganny fer pandan lannen pase, pandan sa lannen. Akoz ki kanmenm pa pe peye bann lorganizasyon pa pe ganny ankouraze pou mentenir en lalis azour tou bann travayer ki si poze bouz lo *next step* pou zot *long service allowance?*

Mersi Mr Chairman pou *allow* mon sa de kestyon.

MR SPEAKER

Mersi Onorab. *Chief Secretary.*

CHIEF SECRETARY AND HEAD OF CIVIL SERVICE JESSIE ESPARON

Mersi Onorab pou ou kestyon. Mersi Mr Speaker. Bon sa *salary supplementation allowance* i reste, i la li. I ganny mete akoz i form parti saler. Parey tou lezot

allowance ou met li ;- bann *allowance* i ganny mete separe i pa konmsi i ganny mete ansanm dan saler.

I la i si poze ganny peye e i pa'n aboli i form parti saler. Si a lavenir i annan en novo striktir saler parey Minis ti eksplike dan Bidze i annan serten *allowance* ki pou ganny entegre dan saler.

Pa tou *allowance* ki ou pou kapab entegre, be selman i annan ki pou ganny entegre. E pou mwan, mon war ki sa, sa 5poursan *salary supplementation* petet bann keksoz parey bann *allowance* parey *inducement*, i tonm bann *allowance* ki pou kapab entegre dan en novo striktir saler a lavenir.

Apre ou'n koz lo *long service allowance.* Parey ou konnen parey ou'n dir i annan en *moratorium* pou le moman, sanmenm sa ou pa pou war nou'n mete. Selman bann dimoun ki annan zot *allowance* i mentenir. I pa ganny arete zot *allowance* zis i napa sa logmantasyon.

An sa ki konsern bann lorganizasyon pou annan en lalis tou lorganizasyon i bezwen annan son *database*, son lalis dimoun. Zour Gouvernman lekonomi i aranze i oule redonn sa *allowance*, oubyen ler i fer *salary review* i le pran sa met ladan, oubyen ler nou fer *PMS*

nou dir be *ok long service allowance* aprezan i ava en *incentive* anba *PMS* - mon pa konnen ki nou pou mete.

Be selman petet i kapab en *incentive*, tou lorganizasyon i bezwen annan en rikord. Kan dernyen fwa mon dimoun ti ganny en *long service allowance*? Oubyen bann ki ti pou sipoze *due* ki pa'n gannyen i devret annan sa li napa dimoun ki -. Personn pa sipoze pe *spoonfeed* li pou dir li gard ou lalis i sipoze gard son lalis akoz sa i tonm dan son *delegated authority*.

Long service allowance i ganny peye anba *delegated authority*. Mersi Mr Speaker.

MR SPEAKER

Eski son dezyenm pwen in ganny adrese? Si Onorab ou kapab *follow-up* wi.

HON SEBASTIEN PILLAY

Mersi Mr Chairman. So mon ti ava demann Minister Finans pou ed nou avek sa *follow-up* avek ou permision Mr Chairman.

Premyerman mon ti a kontan *Chief Secretary* ki ou klarifye pou mwan. Eski alors *wage grid* parey i ete la ler ou pou konsolid bann saler ki anba sirtou ;- par egzanp sa *5percent allowance let alone inducement* bann lezot keksoz, sa *5percent* i spesifik akoz i spesifik to *wage grid*. Eski ler

sa 5poursan i annan sa bann revizyon pou ganny konsolide avek saler sa dimoun son *step* ki i ete lo *wage grid* pou bouze oubyen i pou zis vin en konsolidasyon an teori?

Ki prezan kestyon ki souleve Mr Chairman mon petet ou ava permet sa kestyon, dimoun ki son *threshold* kot i ete ozordi i pa pe pey taks ler ou pou konsolid tou sa bann *allowance* i pou riske otomatikman al lo en *threshold* ki i pe pey taks.

So eski ou kapab klarifye prezan, eski pou annan en nouveau *wage grid* avan ki i annan en revizyon saler. E si sa i leka lefe ki napa okenn provizyon pou *consultancy or travay* bann Komite, eski sa pou ganny fer *internally* par *DPA*? Sa i mon premye kestyon.

Mon dezyenm kestyon *regarding, regarding long service allowance* Mr Chairman avek ou permision ankor, mon ti a kontan adrese ki sa i al ver Minister Finans reprezantan Minister Finans ki la.

Nou pe ganny demande Lasanble pou nou fer en desizyon dan labsans serten lenformasyon konkret. Annou pran par egzanp en *teacher* ki'n travay pandan 30an. E i ti ganny son 30an travay lannen pase. Lannen pase i

pa'n resevwar sa logmantasyon pou son *long service allowance*.

Sa lannen si en lot *teacher* pe ganny 30an li osi i pa pou resevwar son *long service allowance*, menm parey ek en ners ki pe ganny 30an. I pou reste lo sa *long service* ki ti annan pou 25an. Nou pa pe dir i pa pe gannyen sa nou.

Me sa logmantasyon ant 25an ek 30an i zis probableman R25 i pa R1000 - i pa en *whole* saler. Kestyon ki nou pe esey demann ek Minister Finans depi yer pou sey reponn nou Mr Chairman, e ozordi *DPA*, se akoz ki napa en *nominal roll* ki ganny mentenir elektronikman, ki a kapab a tou moman dir nou konbyen travayer ki pe *attain* sa *threshold* pou li ganny son *long service allowance*?

E ki la aprezan nou pa konnen ti pou koute pou donn *long service allowance* bann travayer ki ti pou *due* sa lannen. E si sa e si ou napa eski i annan provizyon bidzeter pou ki i etablir en *nominal roll* dan en form elektronik, pou ki nou kapab ganny sa lenformasyon azour ler nou bezwen li? Mersi Mr Chairman.

MR SPEAKER

Mersi *Chief Secretary* ou ava adrese apre nou ava pas laparol avek-

CHIEF SECRETARY AND HEAD OF CIVIL SERVICE JESSIE ESPARON

Mon kapab pran en bout Mr Speaker?

MR SPEAKER

Yes.

CHIEF SECRETARY AND HEAD OF CIVIL SERVICE JESSIE ESPARON

Ou konnen sa 5poursan *supplementation allowance* ki ou demande si son *step* pou monte? Non. *Step* pa pou monte li. I depan ki Gouvernman i oule.

Si Gouvernman i le pran sa *current grid* ogmant li par 5poursan parey nou ti demande an 2019, sa *allowance* ki'n gannyen ou pou war li ganny i ganny mete ladan.

Si en dimoun i lo *before step 5* la son saler i pou reste *before step 5, but an increase*. Akoz si nou ti pran sa saler 2019, nou ti met 5poursan lo la, la, si ou ti lo *before step 5* ou reste lo *before step 5* selman ou'n ganny en larzan an plis ! Ou'n gannyen larzan an plis.

Lefe ki nou pa ti kapab fer sa nou ti donn 5poursan.

Be selman si ou pran sa *current wage grid* ou dir ogmant li par 5poursan, ler ou pran saler sa dimoun *actually* ou azout sa 5poursan i pou vin petet menm saler, menm saler ki ou pou'n reviz ou *wage grid* par 5poursan. Ou pa pou ganny ankor sa 5poursan separe ou. I ganny mete ladan.

Prezan i tou depan ki kantite Gouvernman i anv ogmant son *wage grid*. Si i dir mon pou ogmant par 10poursan, *then* ki pou arive la? Sa 5poursan ki sa dimoun ti pe gannyen i entegre apre i ganny ankor 5poursan.

It means i kapab reste lo menm *step*, be selman lo en saler pli o lo sa menm *step*. I kapab ariv koumsa. Sa si ou *factor in zis* sa 5poursan. Epi si striktir saler pa sanze, nou pa konnen ki mannyer striktir saler pou sanze *in the future*. Si i pou sa menm striktir parey i été. Si pou fer zis pou *public service*. Si pou tir politisyen - i pou tou depan ki striktir ki Gouvernman i anmennen.

Prezan ou'n koz lo sa zafer taks, be definitivman ler en dimoun son saler i monte, si i pa ti pe pey taks i pou tonm dan sa *threshold* ki i pou taks.

Sa mon ti a les Minister Finans reponn. Selman definitivman ler ou ganny en logmantasyon saler ou sityasyon *as it is* i ogmante.

Unless i annan en reform taks ki arive ki dir be *ok* avan konmela 8500 be selman *in the future* ou pa pey taks lo la *in the future* i a 10,000 - mon pa konnen. Konmsi fodre i sa taks progresiv i sanze pou li nobou kapab sanze. Sa mon pwennvi. So mon a les Minister Finans koz lo la.

Selman an sa ki konsern ou'n dir taler ou ti dir mon en lalis la ou dir *nominal roll*, i menm zafer menm li. Selman sa nou kapab touzour demann lorganizasyon pou prepar en lalis tou zot bann dimoun ki ti due 2019 ki pa'n gannyen, ki ti pou *due* 2020.

Nouvo dimoun *as well* ki dimoun ki ti deza pe ganny *allowance* ki ti pe ganny en *increase* - en *increase* par lo sa ki pou pe gannyen. Lorganizasyon i kapab touzour prepare e prezant ek Minister Finans.

Si Gouvernman i deside donnen konbyen larzan sa pou arive, pou Minister Finans kapab fer son Bidze. Sa i bezwen fer sak lorganizasyon fer akoz i pou met sa larzan an plis, zour i kapab donnen anba Bidze sa lorganizasyon. So aprezan mon pa konnen mon a-

MR SPEAKER

Mersi *Chief Secretary*. *Chief Secretary* mon krwar Ms Tamatave mon krwar dapre

repons, in kler ki sertern keksoz pa kapab ganny reponn ziska ler desizyon i fer lo ki kalite restriktirasyon ki Gouvernman pou fer.

Selman si ou kapab met okenn pwen ki pou klarifye sa pwen ki'n ganny leve silvouple?

**DEPUTY COMPTROLLER
GENERAL ASTRIDE
TAMATAVE**

Mersi Mr Chair. Mr Chair parey ou'n dir i vre en ta desizyon i pou depan lo sa legzersis ki ganny fer e nou pa kapab pronons nou lekor lo la ki mannyer keksoz pou ete.

It's the exercise ki pou montre ki mannyer the new salary cadre pou ganny fer e ki sa novo striktir saler pou ete. Me selman parey CS in dir wi si an ka sa in ganny entegre lo saler dimoun e zot mont par lao sa tax exemption bracket zot pou pey taks.

Me i bon nou note ki touzour sa premye 8555 i Opoursan taks. *In regards to sa long service allowance lalis Mr Chair, i parey mon tir dir yer Minister pa'n soumet avek nou.*

I pa vedir ki zot pou napa sa lenformasyon si nou demann zot. Me nou pa'n i pa ti en requirement pou zot soumet, akoz sa freeze ti pe reste. Mersi.

MR SPEAKER

Mersi. Byen klarifikasiyon si ou kapab reste lo pwen ki ou pe lo Bidze. Mersi.

HON SEBASTIEN PILLAY

Mersi Mr Chairman. Mr Chairman mersi pou ou lendilzans e mon apresye ki ou'n donn mon sans pou fer sa klarifikasiyon. Akoz parey mon ou krwar ki sa i en size petet ki bokou dimoun i enterese avek. So mersi.

Sa ki mon le met devan Minister Finans atraver ou Mr Chairman, se ki nou'n ganny lenformasyon konkret lo konbyen pou koute pou ogmant 13enm mwan.

E Minister Finans in kapab donn nou sa lenformasyon, me mon pe sey konpran akoz ou pa'n kapab donn nou lenformasyon lo konbyen ti pou koute pou ogmant *long service allowance* dimoun.

Sa osi petet i lenformasyon pertinan ki nou ti kapab gannyen, e se pou sa rezon ki mon pe pres atraver ou Mr Chairman, pou ganny sa lenformasyon pou benefis piblik pou nou kapab nou fer en deba pli kler lo la. Mersi Mr Chairman.

MR SPEAKER

Be selman mon krwar ou pa kapab ensiste si i pa ankor pare si i pa ankor gannyen.

Nou ava termin lo la silvouple avek en repons sorti kot *Chief Secretary*.

CHIEF SECRETARY AND HEAD OF CIVIL SERVICE JESSIE ESPARON

Mr Speaker mersi. Sa de zafer ki Loto in mansyonnen la i pli fasil pou ou kalkil 13enm mwan saler, akoz lo sa *payroll* la ou konnen tou dimoun pou *entitled*. Alors ou kalkil son *additional* 13enm mwan ou konnen.

Kekfwa *the odd case* kekfwa si en dimoun i *unpaid leave, whatever*. Kekfwa *the odd cases* be selman zeneralman tou dimoun i *entitled*. Tandis ki sa *long service allowance* pa tou dimoun ki *entitled at any one time*! Kekfwa i annan dimoun i *entitled* 500, en lot i pou sipoze pou ganny ankor-

Konmsi i en pe varye. So sanmenm sa ki petet ou pou bezwen al dan sa bann lorganizasyon pou rode konbyen dimoun nouvo ou pou annan.

Konbyen dimoun ki deza pe gannyen, me ti pou gannyen ki ti'n al pre pou arriv son ler pou li gannyen. Mon krwar sa diferans ant le de, le de zafer, ki enn ou kapab konman ou gete otomatikman ou kalkile ou konnen. Mersi Mr Speaker.

MR SPEAKER

Mersi. Bon mon napa lot kestyon alor nou a pran vot lo Bidze pou *Department of Public Administration* ki lo paz 13 ziska 19 pou en total en total R17milyon 434mil. Manm ki an faver lev lanmen silvouple? Byen, okenn Manm ki kont?

Vot lo Bidze pou *Department of Public Administration* lo paz 13 ziska 19 pou sonm R17milyon 434mil, 28 Manm in vot pour, 0 kont e 1 abstansyon. Mersi. Bidze in aprouve par Lasanble.

OTHER WAGES & SALARIES (Gratuities and compensation for Continuous Services)

MR SPEAKER

Prosen item ki nou pe pran se *Other wages and salaries* e sa kekfwa Manm pou bezwen resitye zot i lo *part 2 section 2 part*, paz 30 pou en total R313milyon 258mil.

Si Manm i bezwen okenn lendikasyon lo kote pou war li kekfwa Ms Tamatave i ava ede. Antretan *Chief Secretary* nou a demann ou entrodwir sa Bidze.

CHIEF SECRETARY AND HEAD OF CIVIL SERVICE JESSIE ESPARON

Mr Speaker mersi. Ou konnen sa Bidze i en Bidze santralize sa. I pa neseserman Bidze

DPA. I en Bidze ki Minister Finans i konfye nou pou administre lo lapar tou bann lorganizasyon piblik. I enkli peyman pansyon pou bann dimoun ki'n kite pansyon Gouvernman.

Nou annan pansyon Angle, nou annan de pansyon *Special Pension* ki nou administre anba la. Apre nou annan bann konpansasyon ki sorti partou dan bann landrwa travay ;- bann Minister, Departman apre *budget-dependent agency* zot konpansasyon i vin kot nou pou peye ler zot pe kite travay.

Apre nou annan kommela akoz nou ankor pe administre *public service commission contract* nou annan bann peyman anba la ki nou peye *on behalf* partou.

Apre osi nou annan nou pey bann gratwite bann *prorata selman en* - akoz bann gratwite 5an i pey dan bann landrwa travay. Wi *special pension* avek *pension* mon'n deza mansyonnen nou peye.

Lontan nou ti annan nou ti pey pasaz bann *expatriats – centralised* - aprezan nou'n arete nou ti'n fer *delegate* ek zot pou zot fer zot peyman. I basically sa *centralised payment*. Mersi.

MR SPEAKER

Mersi. Wi Ms Tamatave.

<u>DEPUTY GENERAL</u>	<u>COMPTROLLER ASTRIDE TAMATAVE</u>
------------------------------	--

Mr Chair mersi. Zis pou mwan klarifye en pwen ki CS in souleve. Anba sa vot *other wages* nou annan 4 vot. Nou annan gratwite ki pou en sonm R38.1milyon.

Nou annan laliny konpansasyon *for continuous service* ki pou R48.9milyon. Sa de i prensipalman ganny konfye avek DPA parey CS in dir.

Special pension avek, avek *the pension* ki sa minimonm R3mil. Sa i anba en lot vot ki nou pou pran letan Minister Finans i la. I anba *social programs of central Government*.

Savedir ozordi nou pa pou diskit pou sa *special pension* avek sa minimonm *pension*. Me parkont i annan de laliny i annan *Constitutional Appointees Emoluments* pou R92.8milyon.

E osi *Pension Scheme* kontribisyon ki kontribisyon Gouvernman pou travayer ;- *the employer contribution to pension fund* ki i R133.4milyon. Mersi.

MR SPEAKER

Mersi Ms Tamatave. Nou pare pou kestyon Manm? Bon napa okenn kestyon? Onorab Pillay wi.

HON SEBASTIEN PILLAY

Mersi Mr Chairman. Mr Chairman eski nou pou kapab ganny lenformasyon lo relasyon avek *gratuities and compensation for past continuous service?*

Premye kestyon se ki mon le ganny en reasirans - mon krwar mon rapel ki i annan bann revizyon dan bann Lalwa pou fer ki sa bann benefis pa *taxable*.

Eski sa sityasyon i ankor parey? E eski nou annan okenn lide konbyen dimoun ki pe resevwar sa gratwite oubyen konpansasyon pou *continuous service?* Mersi.

MR SPEAKER

Chief Secretary ou a adrese.

CHIEF SECRETARY AND HEAD OF CIVIL SERVICE JESSIE ESPARON

Wi peyman gratwite ek konpansasyon pa *taxable*. I i ankor leka. Prezan gratwite letan nou pe koz lo gratwite i annan sa de kalite. I annan sa bann 5an ki peye, sa i pey dan landrwa travay sa. I *delegated*.

Sa bout ki nou, nou peye se par egzant letan en dimoun pe *exit dizon* i pe retire, kekfwa i annan en *prorata* pou li gannyen. Kekfwa i lo son 5an in fer 3an i pou ganny sa bout 3an, apre i ganny son bout konpansasyon.

Me pou nou pou konnen konbyen, konbyen dimoun ki'n ganny gratwite la bann lorganizasyon i kapabourni sa lenformasyon. Nou kapab demann zot pouourni apre donn avek landrwa konsernen i annan *available*.

MR SPEAKER

So ou a satisfe ki *Chief Secretary* i a rod sa lenformasyon pou ou? Mersi. Wi Onorab Pillay.

HON SEBASTIEN PILLAY

Wi Mr Chairman mon satisfe akoz mon ti le zis klarifye si. Akoz letan mon ti dan servis piblik, serten gratwite ti ganny peye atraver *DPA*, me i annan ki'n al ganny ki'n *delegated* preznan avek bann lorganizasyon. Parey bann *Schemes* pou *teachers*, ners *whatever* letan zot ariv zot 5an zot gratwite.

Sa ki mon ti le demann *Chief Secretary* se an relasyon avek *prorata*, eski *prorata* pou le moman pe ganny kalkile *only on the base salary?*

E si nou pe servi sa *5percent supplementation*, eski sa *5percent supplementation* savedir si en dimoun in ganny *5poursan increase* dan saler atraver *supplementation*, eski sa i ganny *computed as well as part of sa amount* ki ganny servi pou son *prorata*?

Savedir dan plas ganny kalkile lo son *base line salary* i ganny kalkile lo la? Mon ti le zis klarifye sa. Mersi Mr Chairman.

MR SPEAKER

Mersi. *Chief Secretary.*

CHIEF SECRETARY AND HEAD OF CIVIL SERVICE JESSIE ESPARON

Mersi. Gratwite i en *fixed sum* li ki ou gannyen tou le 5an, apre 10an, apre 15an, apre 20an, apre 25an i ariv lo en maksimonm 40ekek lannen servis.

Si ou ou'n ariv lo en *threshold* dizon 30mil ou pou ganny *prorata* lo sa kantite lannen kot ou'n arive. Sa gratwite. Tandis ki konpansasyon li letan ou kalkile ou enkli sa 5poursan *salary supplementation allowance* ladan, akoz otherwise i ti pou form parti ou *base pay* li.

I zis akoz nou pa'n kapab met li dan *base pay* nou'n met li konman en *allowance*, i ganny enkli dan ou dan sa formil. Mersi.

MR SPEAKER

Mersi. Onorab Aglae.

HON EGBERT AGLAE

Mersi Mr Speaker. Bonzour *panel*. Anliny avek peyman gratwite konpansasyon, eski i

annan en *timeframe* ki zot set, akoz souvandfwa i annan bann konplent, i annan gran *delay*.

Eski i annan en formil ki zot servi petet ler en dimoun i *due* ki zot in ganny bann lenformasyon neseser, e la zot fer serten travay ansanm ek sa lorganizasyon kot ki sa dimoun ti ete e ki i kapab ganny son bann peyman dan en dele letan ase rezonnab? Mersi.

MR SPEAKER

Mersi Onorab. *Chief Secretary.*

CHIEF SECRETARY AND HEAD OF CIVIL SERVICE JESSIE ESPARON

Mersi. Parey mon'n eksplike gratwite ki pey tou le 5an i *delegated*. Tou lorganizasyon i sipoze annan son lalis parey ki i prezante pou pey son Bidze, pou ganny son Bidze kan son dimoun i *due* e i son responsabilite pou fer sir sa dimoun i ganny peye *on time*.

Nou pa pou al deryer zot poudir zot la in ler pou pey sa dimoun. Li ki pou fer. Prezan ler in fini peye i anvoy rikord kot nou, nou *monitor*. An sa ki konsern konpansasyon sa i vin kot nou sa.

Me selman i konmans dan landrwa travay ler sa dimoun in *resign*, oubyen letan sa dimoun pe retire dan

bann sirkonstans ou ganny peye konpansasyon.

Standar ki nou'n set depi 1998 sepa konbyen lannen or 2mil lannen, letan sa dimoun in fini kite kot ou, ou annan ou lorganizasyon 10 zour pou ou *process* pou anvoye kot *DPA* pou ganny peye.

Prezan *DPA* i annan sa bann leres zour pou li travay lo la, dan en mannyer ki ler en dimoun in kite la *within* 1mwan ki in kite i pe ganny son konpansasyon. Akoz mazinen sa dimoun pa travay li i bezwen viv.

Selman ki bokou fwa nou war i arrive, sa landrwa travay la dimoun i *resign* kot li laba 3mwan, 4mwan, 5mwan, 6mwan i annan pa ankor anvoye sa form gratwite.

E ni menm en kopi sa let parfwa konmkwa sa dimoun in *resign*. Nou, nou pa pou konnen, akoz sa *resignation* i pran lefe anba *delegated authority*.

Ler ou war i annan bann retar la sa i enn bann retar tarde pou anvoye. En lot fleo mon poudir retar ou fer en *checklist* of ler ou pe anvoye en konpansasyon la, la bann keksoz bann dokiman, ki ou pe devret anvoye, enkli *file* sa dimoun dan landrwa travay.

Akoz bokou fwa ki arrive, i annan rikord laba dan landrwa i pa anvoye kot *DPA*, prezan ou bezwen verifye

menm son *file* dan landrwa travay pou fer sir napa *unpaid leave*.

Ti fer sir ti napa keksoz ki bezwen la al tire *from* sa *final dues*. Ou dir li anvoi *payslip* i pa anvoye, dernyen *payslip*. Ou dir li anvoi tel sa let ki ou'n ekrir sa dimoun poudir *exit* i manke.

Konmsi i sa bann pti lenformasyon ki ou'n deza fini fer *checklist* poudir li anvoye, i pa pe port latansyon laba i anvoye. Ennler prezan ou bezwen espere sa ou. I retardé. Annandler i annan bann peyman konze zot in pey dimoun. Konmsi epi i annan fot, fot dan bann kalkilasyon. Nou bezwen asize regete fer sir ki tou sa bann *allowance* ki sipoze ganny pran pou kalkil konpansasyon in ganny pran.

Oubyen bann ki pa sipoze ganny pran si in ganny pran, bezwen re asize. Konmsi *it's a process*. *Most* lorganizasyon i ava fer sa byen. Be selman ou annan ou bann serten lorganizasyon ki gran la, 6mwan fodre sa dimoun konmans vin kot li dir li e mon pa ankor ganny mon konpansasyon.

I a taye i a dir ou mon'n anvoye kot *DPA* selman in fek anvoye yer, oubyen i dan semen prezan ki pe vini. Nou ankor pe gannyen sa bann keksoz. Prezan a lavenir ler i annan *delegation authority* par

Minis Finans dan ladres in dir i pou donn zot plis *delegation*?

Be zot konpansasyon zot pou bezwen fer zot menm. Alors pou napa ledo pou blanmen poudir in al kot entel.

So sa i zis bann *warning* ki mon pe dir bann lorganizasyon laba deor. Zour pou annan *delegation* ou pou fer tou ou zafer ou menm, ou pou napa - ou pou bezwen anvoy en lot landrwa apre pou ou dir sa lot landrwa ki pe tarde. Mersi.

MR SPEAKER

Mersi *Chief Secretary*. Onorab Henrie, eski mon ti'n sot ou? Mon krwar ou ti'n lev lanmen ou? Ok ou'n pare pou ou kestyon?

HON GERVAIS HENRIE

Ok Mr Speaker mon oule zis *panel* i redir nou ankor en kou sa bann diferan peyman ki annan. Konmsi Gratwite mon konpran *Compensation for Continuous Service*.

Me zot in nonm sa zafer pansyon Gouvernman. Si ou kapab zis redonn nou ankor sa lalis vitman sa bann peyman ki annan ladan dan sa alokasyon.

MR SPEAKER

Ms Tamatave ki ti donn sa lenformasyon. Ms Tamatave ou kapab zis repas lo la silvouple pou benefis Manm.

<u>DEPUTY GENERAL</u>	<u>COMPTROLLER ASTRIDE TAMATAVE</u>
----------------------------------	--

Mersi Mr Chair. Sa *appropriation line* i pou en total sonm R313milyon, ladan i annan gratwite ki R38.1milyon, *Compensation for Continuous Service* ki R48.9milyon, *Constitutional Appointees Emoluments* ki R92.8milyon apre *Pension Scheme Contribution* sa i R133.4milyon.

Mr Chair mon ti zis anvi fer en donn Lasanble lenformasyon lo gratwite, petet zis pou lenformasyon Lasanble.

Gratwite 5an, 10an, 15an sa i ganny peye dan Bidze bann Minister. I pa anba sa alokasyon ki nou pe war la. E pou 2022 Bidze pou gratwite anba diferan Minister i fer en total R116.1milyon.

Savedir sa i deza dan Bidze sak sa bann Minister. Parey Bidze Minister Ledikasyon pou bann *teachers*, i pou anba Bidze saler Minister Ledikasyon. Ladefans, Lapolis i pou anba - sa i sa bann 5an. Mersi.

MR SPEAKER

Mersi. Bon mon napa ankor kestyon lo la, alor nou a kapab pran vot lo Bidze pou *Other Wages and Salaries* ki lo paz 2 dan seksyon 2 e dan part 2

section 2 paz 30 pou R313milyon 258mil.

Manm ki an faver lev lanmen silvouple? Mersi. Okenn Manm ki kont? Bon Bidze pou *Other Wages and Salaries in part 2 section 30* pou total R313milyon 258mil. 27 Manm in vot pour, 0 kont e 0 abstansyon.

Bidze in aprouve par Lasanble. Madanm Clerk donn mwan ou konsey lo ki mannyer nou kapab kontinyen, vi ki *next* antite ki nou ti'n prosede - wi zis prepare pou donn mwan ki mannyer nou kapab kontinyen si nou kapab kontinyen bomaten oubyen si nou pou anvoy apre midi.

Antretan les mon a zis remersye *panel* e dir zot bonn kontinyasyon bonn apre midi. Madanm Clerk? Tre byen Madanm Clerk in aranze pou -. Mersi *panel* zot kapab fer zot depar.

(MRS JESSIE ESPARON AND HER DELEGATION WAS EXCUSED FROM THE HOUSE)

MR SPEAKER

Bon Madanm Clerk in aranze pou antite ki ti pou vin apre midi, alor sa ki nou a fer se nou a pran en kourt *technical break*. Nou a repran travay 11er45 nou a kapab konsider

Bidze *Institute Culture, Heritage and the Arts* bomaten e nou a kontinyen apre midi si i neseser. Mersi nou a rezwenn 11er45.

(BREAK)

NATIONAL INSTITUTE FOR CULTURE, HERITAGE AND THE ARTS

MR SPEAKER

Madanm Raporter ou ava envit delegasyon pou *National Institute for Culture, Heritage and the Arts*. Bon, bonzour e byenveni nou delegasyon Mr David Andre *Mayor of Victoria* ki responsab pou *Institute for Culture, Heritage and the Arts*.

Madanm Cecile Kalebi *Principal Secretary*, Madanm Vania Hoareau *Senior Accountant*. Nou pe pran Bidze pou sa lenstiti ki lo paz 55 ziska 57 pou en total R122milyon 712mil.

Nou a konmanse par lentrodiksyon par Mr David Andre lo sa Bidze.

MAYOR OF VICTORIA DAVID ANDRE

Bonzour Mr Speaker. Bonzour tou Manm Lasanble Nasyonal, tou dimoun ki a lekout, mersi. Parey nou war nou pe prezant en Bidze pou sa nouveau lenstitisyon kiltir *National*

Institute for Culture, Heritage and the Arts pou 2022.

Anfet nouvo sa Bidze i en Bidze parey ou'n eksplike R122milyon 712 i en Bidze ki ofet i en amalgamasyon bann diferan seksyon dan ansyen Minister Kiltir ki'n met ansanm pou sa nouvo lenstiti.

Ofet napa gran keksoz ki'n sanze eksepte lafason ki sa pou fonksyonnen. Me selman sa bann Lazans ki egziste, zot annan zot programm ki pou anliny avek filozofi sa nouvo lenstitisyon.

Alor mwan sa ki mon pou demann zot silvouple pou konsidere, ki parey mon ti dir letan mon ti vin Lasanble dernyen fwa, lakiltir i en keksoz ki konsern tou dimoun.

E lakiltir i enportan ki i annan son plas prominan dan lasosyete, akoz lakiltir i en keksoz ki pou promouwar non selman limite, me osi en keksoz ki, ki nou bezwen nou konman en pei pou prezerv nou leritaz kiltirel. E annan bann programm ki fer bouze, fer avanse lar e lakiltir dan Sesel e osi o nivo enternasyonal.

E se zisteman manda sa nouvo lenstitisyon. Alors mon ti ava san tro tarde, mon ti ava dir zot mon propoze ki zot pran konsiderasyon sa Bidze e donn nou tou sa sipor neseser pou fer sir ki kiltir Seselwa.

E lar dan nou pei i enn ki devlope ki avanse ki a benefis tou dimoun e osi anmenn bann benefis ekonomik pou nou pei. Mersi Mr Speaker.

MR SPEAKER

Mersi Mr Andre. Mon ava envit kestyon bann Manm lo sa Bidze. Enn enstan mon war enn de lanmen ki'n leve, les mon a pran not. *Ok tenir en pti kou, tenir lanmen anler silvouple.*

Ok, mon a regarde si mon'n ganny tou mon annan Onorab Hoareau, Samynadin, Labrosse, Roucou, Arissol, Letourdie ek Mondon korek sa? Osi Monthy avek Woodcock tre byen e osi Onorab Arissol byen.

Me sa en laliny kot nou annan plizyer entervenan plizyer demann pou kestyon alor nou a respekte lenstriksyon ki nou kestyon i reste lo Bidze.

E nou a kapab *deal* avek sa *item* dan letan ki nou annan. Nou a konmans - mon pa konnen mon pa tro sir lekel ki'n lev lanmen avan e mon a konmans avek Onorab Samynadin ki aepre premye. Onorab.

HON KELLY SAMYNADIN

Mersi Mr Chair. Bonzour Mr Chair. Bonzour Monsieur Le Maire avek ou delegasyon e tou mon bann koleg Onorab.

Premyerman enn zot bann priyorite stratezik se pou amelyor bann striktir ek servis leritaz kiltirel aktyel, e osi pou fer provizyon pou bann ki nouvo.

Mon ti ava kontan en lesplikasyon lo provizyon ki sa Bidze pe fer lo sa size e pli prensipalman an sa ki konsern bann lenfrastriktir parey Lenstiti Kreol, Vilaz Artizanal, *Cultural Village* li menm?

E dezyenmman an relasyon avek sa lenstiti, mon konnen poudir pou annan en *Board* ki pou apwente tre byento. E dan *breakdown* mon war i annan en alokasyon 96mil ki'n ganny *allocate*.

Si nou ti kapab ganny en pe detay lo sa *Board* li menm son bann Manm byensir mon pa pou ganny non byensir. Me selman son konpozisyon e osi bann *allowances* spesifik ki pou pe ganny donnen an vi sa alokasyon? Mersi.

MR SPEAKER

Mersi Onorab. Mr Andre.

MAYOR OF VICTORIA DAVID ANDRE

Mersi Onorab pou sa kestyon. Pou bann plan pou bann sit leritaz, definitivman sa i en konsern. E parey zot ti'n war resaman pou lansman sa lenstitisyon li menm - sa

lenstiti ti fer kot vilaz *Domaine Val De Pres*.

E enn bann premye travay nou'n fer nou'n repar sa restoran ki ti pe tonm an rin erezman nou'n kapab fer li. E i annan travay ki pe kontinyelman ganny fer pou devlop refer sa vilaz antye bann *kyosk*, eksetera.

E o nivo Lenstiti Kreol i annan en plan aktyelman ki pe travay lo la avek *well Minister Planning*. I annan vizit ki'n ganny fer. E i annan en propozisyon pou fer en *public private partnership* pou sov sa landrwa. Akoz sa landrwa i en landrwa definitivman ki enportan.

E i dan nou plan pou sa lannen ki pe vini pou nou kontiny sa demars. E nou espere ver lafen lannen nou a konmans war en keksoz. An se ki konsern bann *Board* parey zot okouran Prezidan i pa ankor vreman nonm bann dimoun lo sa *Board* ki pou fer byento.

Me selman mon kapab eksplik zot ki dapre lespri sa lenstiti, bann dimoun ki pou lo sa *Advisory Board* i pou bann dimoun ki annan, ki pasyonnen par lakiltir, par lar e ki anvi war ki lar non selman i devlope, me selman ki sa proteksyon nou leritaz kiltirel i enportan.

Donk i bann dimoun ki annan bann sertern sazes en -

i pa neseserman bann dimoun ki bann dimoun ki fer bann aksyon bann artis ki fer bann keksoz. O kontrer i bann dimoun ki pou kapab annan en ki annan en vizyon pou lakiltir e pou lar dan Sesel, e sa lespri ki sa bann dimoun pou ganny apwente.

E osi sa bann dimoun i pou la pou reprezent osi diferan kategori kous nou sosyete dan en sans en? Ki swa bann dimoun ki en pe pli aze, bann profesyonnel bann zenn.

Me selman sa Prezidan i annan prerogativ pou li finalman deside lekel sa bann dimoun. I annan serten propozisyon ki'n ganny mete *of course*, me selman li i ava deside lekel. Mersi.

MR SPEAKER

Mersi Mr Andre. Onorab Monthy.

HON PHILIP MONTHY

Mersi Mr Chair. Bonzour Mr Chair. Bonzour *panel*. Minis Finans in fer kler ki napa okenn previzyon pou konpansasyon dan sa Bidze. E mon konnen i annan serten *staff* kot Kiltir e Lenstiti Kreol ki ti ganny afekte avek mon konnen nou'n koz lo la pli, plizyer fwa *fungus*.

So mon kestyon se eski zot in zwenn ek sa bann *staff* pou eksplik zot, zot sityasyon

ki bor zot *stand* akoz mon krwar i annan detrwa nou, MNA i annan enn de ki annan sa bann *staff* dan nou distrik ki apros nou, ki vin demann nou.

So eski zot in apros sa bann *staff* pou diskit avek zot poudir zot klerman ki bor zot *stand in regards to* konpansasyon, ok?

Dezyenm kestyon mon'n ganny serten rapor kot *Domaine Val De Pres* ki i annan en pe *break in recently*.

E an vi ki i annan en Bidze ki'n ganny prevwar pou sekirite, eski zot satisfe avek servis ki pe donne par sa lakonpannyen sekirite, an vi ki menm si i annan sekirite la, sa bann *break ins* pe kontinyen e bann artizan pe ganny afekte? Mersi.

MR SPEAKER

Mersi Onorab. Mr Andre.

MAYOR OF VICTORIA DAVID ANDRE

Mon ava reponn en pti pe sa petet *PS* i kapab elabor en pe lo la. An sa ki konsern bann dimoun ki'n konplent bann zafer *fungus*, ofet depi menm lannen, menm lannen passe ti annan dimoun ki ti vin war mwan pou *voice* zot bann konsern, akoz i sanble ki sa ti'n ganny fer depi avek ansyen administrasyon osi.

Me selman mon krwar pou en rezon bidzeter sa bann dimoun en bann pa ti ankor peye. I annan en bann in ganny zot konpansasyon. Me mon konnen ki Minister Finans i annan en plan akoz mon'n ganny dir par Minister Finans, sa bann dimoun kot Minister Finans i kapab koriz mwan si mon mal.

Ki i annan sa plan, me selman larzan pa neseserman *available* toudswit i pou kapab ganny *beef up* kekfwa lannen prosen oubyen lannen apre. So me selman plan pou pey sa bann dimoun konpansasyon i, i la. *As soon as* ki larzan mon sipoze i *available*.

O nivo sekirite i vre, mwan osi mon'n ganny konplent. I annan problem sekirite *Val De Pres*. Sa dimoun ki pe fer sekirite la en *firm* ki annan en kontra tanporer osi en?

Me selman definitivman PS mon krwar i kapab donn en pe plis detay lo la, si i annan keksoz ki nou pa satisfe avek, si nou santi nou pou bezwen revwar sa sistem sekirite.

Parske ou pa kapab pey en sekirite pu vey ou landrwa me selman i ganny vole, i ganny kase tou lazournen. Savedir i annan en keksoz ki mal parla. So nou pou bezwen *deal* ek sa.

Petet PS i kapab annan en mo pou azout lo la *please*.

MR SPEAKER

Yes PS si ou azoute.

PS CECILE KALEBI

Bonzour Mr Speaker. Bonzour Onorab. Wi annefe lo size konpansasyon, depi lannen nou'n annan koze ek bann *staff* lo la. Mwan osi zot kontakte mon biro. Bokou i annan mon limero *mobile* e zot kontakte mwan personnelman.

Me mon krwar sa ki zot pe espere i vreman sa konfirmasyon kan eski sa konpansasyon pou ganny peye? Sa ki vreman sa bout ki zot pe espere. E parey nou'n dir zot konman nou ganny lenformasyon, nou ava asire ki zot gannyen.

Lo kote sekirite parey *Mayor* in dir, wi nou'n ganny rapor dernyerman ki i annan *break-ins* e nou pe koz avek CEO SAF osi pou war, eski i annan en fason pou ranforsi sekirite osi lo sit? Kekfwa met en pe *camera* e regarde pou nou met en pe *alarm* osi konman *deterrent* lo sit. Mersi Onorab.

MR SPEAKER

Mersi. Onorab Labrosse.

HON RICHARD LABROSSE

Bonzour *Mayor* avek ou lekip. Bonzour Mr Speaker. Bonzour tou dimoun prezan tou ki a

lekout. PS kekfwa si ou ti kapab ed Lasanble avek sa lenformasyon, sirtou mon'n war lo *wages and salary* dan lo latab Bidze.

E la mon pe mazin osi enn de dimoun dan mon distrik ki pe met sa devan mwan lo kote bann saler avek *allowance* dan Departman.

Ek sa nouvo lenstiti eski i annan bann travay ki zot pe fer avek Gouvernman pou revwar osi bann kad saler, sirtou bann dimoun ki'n travay pou en bon pe lannen. Par egzanp bann ki'n travay 15an or 20an e plis?

Apre mon dezyenm kestyon ler mon pe regard en pe dan Bidze osi, apre dan lakominote osi an zeneral. Nou war ki i annan en bon pe bann sit istorik. So i annan ki mon'n war i annan en pti pe avarye.

I annan kekfwa ki merit annan en pti pe latansyon lo la, la mon pe mazin parey kot basen larme.

Eski sa nouvo lenstiti la i annan plan pou zot travay ek sekter prive osi dan sa bann devlopman? Sa osi mon mazinen i ava kapab ed Gouvernman lanmwatye semen? Mersi Mr Speaker.

MR SPEAKER

Mersi. Lekel *panel* ki pou pran? Yes PS?

PS CECILE KALEBI

Mersi Mr Chair. Mersi Onorab pou ou kestyon. Mon mazinen lo kote revizyon bann kad saler ek bann *allowances*, sa i ava en diskisyon ki pou pran par ansanm avek ler Gouvernman i pas dan sa revi.

Nou vreman apresye bann travay ki nou *staff* i fer ek zot leksperyans ki mannyer zot kontribye dan nou lorganizasyon. E alors mon mazinen sa i pou en travay ki osi nou pou bezwen fer avek Gouvernman lo sa kote.

Lo ki konsern bann sit istorik parey ou'n war dan sa nouvo lenstiti nou'n met tou zesyon bann sit e zesyon bann moniman anba en nouvo Konsey.

E nou mazinen la i ava annan plis fason pou nou travay ek bann sekter prive ki enterese, e osi met an plas bann *Scheme* ki nou kapab devlop sa bann sit kot i posib lo sa kote.

Alors mersi pou sizesyon. Nou pou definitivman pran sa an konsiderasyon.

MR SPEAKER

Mersi PS. Onorab Roucou.

HON MICHEL ROUCOU

Mersi Mr Chair. Bonzour a tous. PS dir nou mon war poudir i annan 3.5milyon pou renovasyon *Library* Nasional. Apre mon war poudir i annan

800mil pou *emergency staircase.*

Apre osi mon dernyen pwen, se ki an vi ki Minister Touris pe met lanfaz an term kiltir dan distrik. E mwan, mon pe demande zot lo kote kiltir li menm li ki mannyer zot pe mazin antre dan bann kominote dan bann distrik pou kapab met plis lanfaz lo la? Mersi.

MR SPEAKER

Mersi. *Panel.*

MAYOR OF VICTORIA DAVID ANDRE

Mersi. Mon kontan ou'n poz sa kestyon. Definitivman lakiltir i devret vibre i devret vivan dan Sesel antye. E enn bann priorite sa lenstiti se zisteman pou fer sir ki dan bann kominote, i annan bann keksoz ki pase, ki swa bann keksoz edikasyonnel oubyen bann aktivite ekonomik, ki tourn otour kiltir - *cultural tourism* parey Minis in koz lo la.

E sa definitivman i annan en - deza en langazman ki nou'n konmans fer avek Minister Gouvernman Lokal kot nou pe angaz tou bann distrik pou fer sir pou war ki dan tou bann distrik lo Mahe, Praslin, La Digue i annan bann aktivite artistik e kiltirel, ki pa ganny met akote.

Konmsi ki nou konnen poudir par egzanp dizon Takamaka son forte i dan bann travay *craft*, vakwa eksétera so nou travay ek sa bann dimoun pou fer sir ki nou promouvwar sa bann keksoz.

E osi pas bann konesans avek bann zenn. Akoz i annan bann dimoun dan bann distrik ki en pe pli aze ki annan bann konesans ki mannyer pou fer serten keksoz, pou valoriz serten *craft* oubyen lanmizik ou ladans ou lezot keksoz.

Kot nou oule ki Sesel dan tou kominote lakiltir i vibran. E letan lakiltir i vibran dan nou pei an antye. E touris letan i pou vini i pou obligatwarman antre ladan e santi san ki nou bezwen al fabrik en keksoz zis pou touris letan i vini. Letan napa touris napa nanryen.

Fodore sa keksoz i vivan e pou li vivan fodre i dan kominote definitivman. E zis pou azoute i annan en travay osi ki nou pou al fer nou'n konmans fer avek bann lekol. E la bomaten zisteman ti annan en prezantasyon kot Minister Ledikasyon kot i annan bann *video* bann liv ki nou'n prezant avek Minister Ledikasyon, pou fer sir ki lakiltir i osi entegre dan *curriculum* skoler.

Kot bann zanfan letan zot aprann listwar, zot osi aprann

listwar zot pei. E letan i annan keksoz pou fer la zeografi lo lanvironnman konpran ki sa bann eleman kiltirel i antre dan son sosyal par egzanp.

Ki tou dimoun bann zanfan ki dan nou pei i non selman i aprann Angle, Franse me la bonn Syans, Matematik me selman i annan sa ledikasyon kiltirel ki fer li annan sa sans apartenans dan son pei e pou fer li al pli devan. Vwala mersi.

MR SPEAKER

Eski ti annan en lot pwen? PS ki pou adrese wi.

PS CECILE KALEBI

Mersi Mr Chair. Mersi Onorab pou ou kestyon. Wi lo kote sa *emergency staircase*, sa i pou baze kot dan Lekol Lanmizik Mont Fleuri, akoz nou'n war ki nou fek fer renovasyon nou lekol e nou bezwen en *emergency staircase* avek sa batiman.

Akoz parey ou konnen i en lekol nou annan bokou zanfan laba e dapre *survey* ki nou'n fer avek SFRSA, nou'n war ki i annan en nesesite pou nou met en *emergency staircase* pou konekte *the top first floor* pou sa.

Sa 3.5milyon ki ou pe koz lo la pou renovasyon *library*, sa i nou repeyman. Nou espekte pou konmansman lannen prosen pou konmans

fer repeyman pou proze renovasyon. Mersi.

MR SPEAKER

Mersi PS. Onorab Arissol Phillip.

HON PHILLIP ARISSOL

Mersi Mr Speaker. Mon kestyon i koumsa. Vi ki nou war toulstan zot annan *maintenance* ki ganny fer lo bann sit ouswa lo bann landrwa istorik me apre i tonm an rin.

Eski i annan okenn plan pou fer sir ki sa pa arive dan sa Bidze? Mersi.

MR SPEAKER

Mersi. Panel.

MAYOR OF VICTORIA DAVID ANDRE

Wi definitivman Onorab. Ou konnen nou tou nou, nou'n remarke isi enn nou pli gro problem se nou annan en problem mentenans. Nou ganny en keksoz byen zoli apre napa en programm mentenans, epi tou keksoz i tonm an rin epi nou bezwen rod larzan pou refer sa zafer.

Mon krwar in arriv plis ki ler pou nou fer sir ki nou annan en programm mentenans pou bann sit - bann *whatever* ki i annan dan nou pei ki bezwen *maintain* tou keksoz.

Donk sa lenstitisyon enn son priyorte ki ti pou fer sir sa ki nou annan nou bezwen fer sir ki nou *maintain* li byen, pou li reste an bonn eta. E pou li dire pou en bon pe lannen, definitivman. Mersi.

MR SPEAKER

Mersi. Onorab Woodcock.

HON WAVEL WOODCOCK

Mersi Mr Speaker. *Mayor* mon kestyon i baze lo programm 5 kot i konsern '*development and promotion of creative industry.*' Anba '*spending initiative*' i annan *Expo* 2020 ki pou ale ziska Mars lannen prosen Mars lannen prosen.

E se sa lenstiti ki pe kordin partisipasyon Sesel kot sa *Expo*. E anba *goods and services* mon war en sonm R1.755milyon. E mon ti a kontan konnen mon pa konnen si sa i sa *amount* ki zot pe espekte depanse lo sa *Expo* lannen prosen?

Me annefe sa *Expo* i konmans sa lannen, so mon kestyon i konbyen an total 2020 ziska 2022 ki zot pe anvizaze depanse lo sa *Expo* ziska Mars lannen prosen? E ki retonbe ki zot pe espekte Sesel gannyen avek sa *Expo*?

Dezyenmman kot i konsern amenazman bann moniman, bann sit nasyonal. Annefe sel moniman Lendepandans ki nou annan

le 29 Zen 1976 i baze dan distrik Grand Anse Praslin. I en moniman ki'n ganny konpletman neglize ! Napa nanryen ki ganny fer lo la a leksepsyon o nivo distrik se nou ki'n sey fer en pe amenazman lo la.

Me selman i bezwen bann louvraz en pti pe pli spesyalize. Alor lo sa size kan ki zot pou *obviously* i tonm anba SACS sa Departman ki pe ki responsab sa. Kan ki zot pe espekte fer travay pou elev nou sel moniman nasyonal ki nou annan ki reprezent nou Lendepandans? Mersi bokou.

MR SPEAKER

Mersi Onorab. *Panel*. Donn mwan en siny lekel ki pou reponn silvouple? Wi *PS*.

PS CECILE KALEBI

Mersi Mr Chair. Mersi Onorab pou ou kestyon. Onorab sa lannen pou *Expo* nou ti gannyen n Bidze 3milyon, e lannen prosen i ti pou 12mwan depi Zanye ziska Desanm.

E lannen prosenn nou'n demann 1.7milyon, sa i akoz i pou kouver zis 3mwan akoz *Expo* i fermen an Mars. Lo kote retonbe ki nou pe espekte atraver *Expo*? Parey ou'n war sa lannen nou *focus* lo, lo kote *Expo* in dan *district sustainability*.

E la kot nou'n promouwvar Lekonomi Ble lenvestisman dan Lekonomi Ble me osi son kote touristik. Nou pe war deza en pe bann retonbe direk atraver bann lagreman ki'n ganny sinyen ant nou bann diferan partner.

Dernyerman pou nou *National Day*, nou ti annan en groupman sports ki ti monte. E la deza nou pe tann bann retonbe ki pe tonbe atraver bann lagreman ki zot in ganny sans zwenn bann partner dan bann lezot *pavilion* laba.

E nou pe espekte avek pou kiltir osi an mezir ki *Expo* i deroule, nou osi kapab devlop bann menm partenarya. An rezulta sa, nou pe osi war bann viziter ki pe vin dan nou *pavilion* e osi zot pe poste lo nou *Facebook page* ki zot in vin vizit nou *pavilion* e zot osi zot in vin en pti vakans Sesel.

So pou nou, nou rekonforte. Dernyen sif viziter ki nou'n gannyen dernyerman dan nou *pavilion* ti'n tap apepre 50mil viziter, depi semenn pase. E nou espekte ki atraver sa nou kapab fer plis promosyon lo kote bann loportinite ki i annan Sesel.

Nou osi nou ti annan en groupman nou bann dimoun ki travay lo kote *fisheries*. Zot ti monte osi pou regarde ki mannyer nou kapab osi agrandi leksportasyon or

biznes dan sa *area parey nou* pe dir *Blue Economy*.

So nou espere nou pozitiv ki nou pou war osi serten retonbe dan sa kote. Lo kote moniman Praslin mon'n note Onorab sa pwen. Parey nou'n dir anba sa novo lenstiti nou pou napa de seksyon ki pe regard zeson moniman parey i ti ete avan.

Nou pou annan en sel Lazans ki pou regard tou zeson moniman e zot *maintenance*. E alors nou espekte ki sa Lazans pou fer en *survey* konplet. Pa zis bann moniman nasyonal be osi bann lezot moniman ki annan.

Ki kekfwa osi i bezwen ganny regete. E de la nou a kapab fer en bon *planning maintenance* pou zot, depandan osi lo nou Bidze ki nou'n ganny *allocate* sa lannen. Mersi.

MR SPEAKER

Mersi PS. Onorab Letourdie.

HON JANY LETOURDIE

Mersi Mr Speaker. Bonzour tou dimoun, *Mayor* avek ou panel. Mon ti a kontan demande, *Mayor* ou'n dir ki sa Bidze in ganny prepare avek amalgamasyon tou bann seksyon ki ti deza la oparavan.

Mon pe demande, eski bann diferan seksyon, me selman zot pou kapab annan zot prop Bidze pou zot kapab

depanse lo zot bann bezwen spesifik. En pti pe ki mannyer sa i pou marse silvouple?

Apre mon dezyenm nou konnen poudir ICCS son *building* ek son *premises* antye i tonm anba CINEA - prezan i apel *Creative Seychelles* mon krwar byen?

Nou konnen poudir zot osi *Creative Seychelles* zot annan sa manda pou zot fer en pe biznes, fer en pe promosyon pou zot kapab ganny en pe *funding*, en pe larzan pou zot fer lezot proze.

Eski *building* ICCS an se moman i pe ganny servi? Eski zot okouran, eski zot kapab dir nou si i annan bann aktivite ki pe ganny arive ladan, pou zer en pe larzan pou *Creative Seychelles*? Mersi.

MR SPEAKER

Mersi Onorab. *Panel.*

MAYOR OF VICTORIA DAVID ANDRE

Yes mersi Onorab. Pou konmans avek ou dernyen kestyon ICCS. Pou lenstan ICCS i pa pe *operate* parey normalman i pa ti pe kapab *operate*. Akoz nou konnen nou dan en problem sanniter, kot nou pa kapab fer bann aktivite ki pou annan en kantite *crowd*.

Minister Lasante i pe servi sa bout anba sa restoran la, pou konman en sant pou

fer bann tes COVID, vaksinasyon wi en wi pou fer bann vaksinasyon pou COVID ok?

Me sa novo lenstitisyon pe war bann posibilite pou lannen prosen, ki mannyer nou pou kapab fer en plan pou fer ICCS vin pli ekonomik konman en biznes e i annan bann i annan en plan - en proze ki nou pe travay pou annan en *private public partnership* pou fer ICCS vin pli rantab.

Akoz la i vre pou lenstan i pa pe anmenn bokou larzan e nou pa kapab kontinyen kit en *building* la ki pa pe *generate* larzan. Sel keksoz ki i annan, i annan detrwa lasal ki nou ti pe - *well* detrwa *rooms* ki nou ti pe *rent* selman. Me selman i annan en plan ki nou pe diskite en proze pou fer li vin plis biznes avek en - (ki mannyer nou apel sa) *public private partnership* avek ICCS sa pou lannen prosenn sa plan.

Creative Seychelles, ofet son manda li i plito ki mannyer nou pou kapab devlop nou lendistri kreativ, akoz sa i en keksoz ki, ki'n mon krwar ki'n annan en lakin dan lepase.

E devlopman lendistri kiltirel i enn ki vreman enportan i kapab anmenn bokou larzan. E ki mannyer nou kapab servi nou bann

resours, nou bann dimoun, nou bann artis, nou bann artizan, nou bann dimoun ki anvi devlop serten biznes lo kote kreativ pou anmenn larzan pou Sesel.

E i annan en gran demann sirtou o nivo enternasyonal. Par egzant i annan bann posibilite pou bann artis kapab fer bann aktivite aletranz. Pour son nivo lanmizik ki swa o nivo kiliner, lar plastik, oubyen *fashion* ki mannyer nou kapab tir sa bann keksoz, fer al an deor nou frontyer, pou ki nou kapab anmenn larzan dan Sesel atraver bann proze kreativ.

E sa i en keksoz ki nou pou atas bokou lenportans lo la akoz fodre pa nou regard zis isi Sesel ki nou kapab fer pou nou vann ek touris isi. Mon krwar nou bezwen regard pli lwen war ki Sesel i annan pou ofer o nivo enternasyonal dan son dan domenn kreativite.

O nivo reparti son bann Bidze dan sa novo lenstitisyon. Parey mon'n eksplike avan nou ti annan bann diferan Lazans *CINEA*, NAC eksetera, be la nou bezwen regard sa lenstiti konman sa lorganizasyon ki pou war ansanm ek tou bann lezot antite, ki mannyer nou pou kapab mye zer nou bann nou finans, byensir.

E mannyer nou pou mye zer nou *personnel* ek tou nou bann fasilité ki nou annan, pou nou vin pli efektiv, pou annan plis rezulta ki olye fer enta pti keksoz, nou bezwen ansanm war ki nou bann priyorite nou pou fer pou ki lakiltir, lar i avans devan e tou dimoun i benefisyé ladan. Mon krwar sa i en lavantaz. Mersi.

MR SPEAKER

Mersi Mr Andre. Onorab Mondon.

HON TERENCE MONDON

Mersi Mr Chairman. Mr Chairman mon kestyon mon pe rod en leklersisman lo sa bann provizyon lo elektrisite. Ler mon get bann provizyon. Par egzant sak programm i annan en provizyon elektrisite. Pou gouvernans i R500mil ki tonm anba 42mil par mwan.

Developman lar, *craft* i 785mil i tonm 65mil par mwan. Nou pe get par egzant programm 5 ankor nou war 3milyon 860mil ki tonm 322mil par mwan. E en lot ankor pe programm 6 ;-peyman konservasyon, resers, akse ek lenformasyon kiltirel 2milyon 580mil ki tonm 215mil par mwan.

E an total i tonm 8milyon 46mil e pou lenstitisyon ki si oule i vin apepre 670mil par mwan. Mon anvi konnen eski

sa i vreman in ganny *apportion* dapre batiman ouswa dapre programm?

Swa i en melanz tou lede? Ki mannyer sa Bidze akse. Akoz mon war li i en sonm eleve. E i menm dan menm laliny ler nou pe get *rental*, lekel bann batiman ki presye si tou sa bann batiman aktyel presye anba sa lenstitisyon bann arsitek ki ti pe okip sa bann batiman?

E eski zot in kapab re negosye si oule pri *rental* kot zot pe okip batiman? Mersi Mr Chairman.

MR SPEAKER

Mersi Onorab. Wi PS.

PS CECILE KALEBI

Mersi Mr Chair. Mersi Onorab pou ou kestyon. Premye kestyon lo kote elektrisite ;- lo kote elektrisite in ganny aporsyon dapre sa batiman ki tonm anba sa programm.

So ou pou war espesyalman pou programm 5 parey ou'n dir, son kou li i eleve akoz i pou batiman *ICCS*. E son kou i en kou reel ki ler *ICCS* i *fully functional* sa i son, son pri elektrisite ki i servi.

E parey nou *Mayor* in eksplike, nou antretan pe war en renovasyon e programm pou reget *ICCS* an total. E mon mazinen nou'n pran an kont se son sistem i en

sistem ki servi bokou lo kote elektrisite.

Lo programm 6 osi lo programm 6 son Bidze elektrisite i eleve, akoz i la kot nou annan nou bann seksyon konservasyon parey mize, arsiv, *record center*. E sa i bann landrwa ki parfwa nou bezwen kit *aircon* on 24 lo 24 akoz i tonm dan nou sistem prezervasyon.

E lo sa kote sa i dapre nou bann *current bills* ki nou annan *actually*. E parey ou'n dir pou *rentals* osi, nou pran ou sizesyon an kont Onorab, nou ava retourn kot nou bann *landlord* pou sey fer negosyasyon avek zot e gete mannyer i ale.

Me selman avek bann renovasyon ki pe vini lannen prosen, nou espekte war en rediksyon dan sa kote. Akoz nou pou retourn *back* dan en pe nou bann landrwa kot renovasyon.

E an mezir nou fer provizyon pou bann batiman avek bann fonksyon spesifik, la osi nou pou war ki nou pou redwir en pe lo sa kote. Mersi.

MR SPEAKER

Mersi PS. Onorab Hoareau.

HON JOHN HOAREAU

Mersi Mr Speaker. Mr Speaker konman mon annan *micro* mon ti ava profite pou *move* en pti lamannman lo

non ;- pa lo *anything to do with sum me lo non.* Si ou get lo paz 5 i mark *National Institute of Culture, Heritage and Arts.*

Lo as a matter of son non legal se *Seychelles National Institute of Culture, Heritage and the Arts.* So si sa i kapab ganny minite silvouple e rikorde.

MR SPEAKER

Byen mon sipoze i en koreksyon mannyer in ganny ekrir i -. Panel i dakor avek ki mannyer in ganny propoze? Tre byen, ok. Mon krwar Lasanble in aksepte. Kontinyen Onorab.

HON JOHN HOAREAU

Wi mon kestyon i baze lo programm 5 latab 14 Monsieur Le Maire in pas en pti pe lo programm en pti pe lo lendistri kreativ. Me selman i parey ki bokou, bokou bann mizisyen pa vreman apresye lefe ki zot *catapult* pou ganny byen pouse sorti lo sa nivo lokal, pou zot al reprezant Sesel aletranze, oubyen pou zot fer en keksoz ki perse aletranze.

So mon ti a kontan petet ki i pran en pti pe plis sa konsern, ler i pe fer son bann programm pou sa lannen lo kote devlopman pou lendistri kreativ.

Me mon kestyon *really* i lo *foreign consultancies* ki mon war anba sa programm i annan

150mil, mon ti a kontan konnen konn en pe detay lo la? Mersi.

MR SPEAKER

Mersi. *Panel? PS yes please?*

PS CECILE KALEBI

Mersi Mr Chair. Mersi Onorab pou ou sizesyon e pou met dan nou latansyon pou nou fer sir ki nou pe ranforsi bann platform e loportinite, pou nou bann artis ek nou bann kreater kiltirel kapab *propel* zot lekor parey ou pe dir, lo en nivo enternasyonal.

I zisteman akoz sa lannen nou'n met en konponan *foreign consultancies.* Parey ou konnen pou nou antre dan sa lendistri kreativ enternasyonal i annan bokou bann platform ki nou bezwen konekte avek.

Me osi i annan bokou preparasyon ki nou menm nou, nou bann artis nou bann kreater i bezwen prepar zot avan ler nou ariv pou al tap laport sa bann lorganizasyon, or sa bann platform enternasyonal.

E i zisteman pou sa rezon ki nou'n met sa *foreign consultancy*, pou nou kapab konekte avek sa bann rezo. E osi anmenn kekfwa en pe *expert - detrwa expert* isi pou kapab gid nou ed nou prepar sa bann platform ki nou, nou bezwen pou nou kapab antre

dan sa lendistri enternasyonal.

So pou le moman nou'n met sa sif pou deservi pou sa. Mersi.

MR SPEAKER

Mersi PS. Onorab Arissol Sandy.

HON SANDY ARISSOL

Mersi Mr Speaker. Bonn apre midi. Bon apre midi Mr Le Maire avek ou lekip. Mon ti a kontan anmenn zot lo paz 47 nou liv ki koz lo *current receipt*, mon aprann ICCS i annan en *studio* en *inside studio*, ki ganny servi - mon pa konnen lekel ki servi lekel bann santer ki servi sa *studio* konbyen zot peye par mwan ?

Si tou santer i konnen parske mon pa war li antre dan *current receipt*, mon ti a kontan en pti leksplikasyon lo la silvouple?

Dezyenmman mon pe gete si Lasanble nou kapab ganny *breakdown* depans ki Madanm Kalebi in koz lo la an relasyon avek *Expo 2020* ki pe ganny fer *Abu Dhabi I mean Dubai?*

Apre mon ti a kontan anmenn zot lo paz 51 nou liv Bidze zis mon pe *scroll* en pti kou anba Mr Speaker, pou mwan demann *Monsieur Le Maire* kestyon an relasyon avek ;-

I koz lo programm, programm 2 dan liv Bidze '*Development or promotion of the Creole language the purpose of the program is to organise, coordinate and implement programs relating to the development of Seychellois Creole language and literature both nationally and internationally.*'

Be letan mon get dan latab anba "outcome indicators" - 2enm number of local publication pou 2022 - 0, 23 - 0, 24 - 0 selman nou pe fer promosyon lalang Kreol e nou pe donn zot en Bidze pou sa. Mon pa pe konpran akoz.

Mon dernyen kestyon mon ti a kontan demann zot, se an relasyon avek letan nou ti pas sa nouveau *Bill*, mwan dan konesans pou mwan mon ti okouran poudir pou annan en sel *Board* apre li ki pou *manage* tou andesandan?

Me letan mon get dan zot Bidze mon kontinyen war *Committee allowance, Board, Board fees, Directors fees, Members fees*. So mon ti a kontan kekfwa donn en leksplikasyon, parske letan mon get dan zot Bidze mon war. Mersi Mr Chair.

MR SPEAKER

Mersi Onorab. *Panel* i annan plizyer pwen la kekfwa. Yes lekel ki pou konmanse. PS wi.

PS CECILE KALEBI

Mersi Mr Chair. Mersi Onorab pou ou kestyon. Wi nou ava fer ou ganny *breakdown* pou *Expo*. Lo kote *performance indicator* mon mazinen kekfwa sa in en *oversight* lo nou par nou ava re get *back* pou nou fer sa revizyon lo la.

Lo kote *Board fees* parey *Mayor* in dir sa Bidze ti en amalgamasyon bann Bidze avan sel *Board* ki nou pou annan i pou en *over acting Board* ki pou sa *Advisory Council*.

Me selman antretan nou annan en *Records Committee* ki tonm anba *Archives* e sa li i zer bann *disposal of records*. E zot, zot pou kontinyen zot, zot *allowance*. I *part and parcel of* zot travay. E osi nou annan en *film unit Board* ki fer bann klasifikasyon *film*. So sa de pou *remain independently from that*.

Be selman rezondet ki ou'n war sa bann Bidze *Board* en pe partou se nou *Board* pa ankor ganny aprouve e *once* sa *Board* i ganny aprouve tou sa bann *Board fees* ki ou war pou ganny akte pou kapab *cater* pou sa *one Advisory Board*. Mersi. *Mayor*.

MR SPEAKER

Mayor wi.

MAYOR OF VICTORIA DAVID ANDRE

Wi konsernan *studio ICCS* sa ki mon kapab dir ou se ki *CEO CINEA* Mr Bresson pandan peryod pandemik, i annan bann artis ki'n vini ki'n vin rod serten ki mannyer mon kapab dir sa fasilite pou zot kapab fer zot travay olye napa nanryen konpran?

E ti annan en i annan en lespas vid - en biro vid ki in *allocate* en mizisyen pou li fer en *studio*, me sa i tanporer pandan sa peryod ki nou pe koz lo bann peryod pandemik en mannyer ki sa artis avek lezot artis, i kapab fer en travay vini anrezistre eksetera.

Be selman son *rental* li menm mon pa pou konn son - si i annan okenn *rental right now* mon pa pou kapab dir. Me selman mon konnen in ganny fer avek sa lespri zisteman pou sey ed en artis fer - anfen pa zis en artis, artis kapab vini vin anrezistre pou fer pou zot kapab viv pandan sa letan. Mersi.

MR SPEAKER

Mersi Mr Andre. I reste mwan zis 3 Manm ki annan kestyon. Alors si mon fer lalis la mon krwar nou kapab prolong sa peryod e terminen plito ki fer panel revini apre. So nou a pas lo Onorab Pillay.

HON SEBASTIEN PILLAY

Mersi Mr Chairman. Mr Chairman zis pou klarifye en

pti *matter of procedure* i enportan, ki ler nou pe pran sa lamannman nou fer li an akord avek *Order 81 (14)* apre ki nou'n pran konsiderasyon tou bann eleman dan Bidze.

Akoz sa lamannman i bezwen ganny *move* e ganny segonde parey tou lamannman. Nou napa problemm avek sa lamannman akoz i en lamannman tipografi i pa en gran *issue*, me selman prosedir i bezwen ganny swiv.

Mon bann kestyon pou sa Bidze i koumsa ;- ler nou ti ganny prezante sa Lalwa, lenportans se nou konsolid bann resours ki sipoze ede avek devlopman kiltir.

Bann ki dan profesyon zot apel sa devlopman lakiltir *ok*, so mon ti le ganny serten klarifikasyon lo serten size pou ki nou Lasanble i ganny en konpran e piblik ki pe ekoute i ganny en konpran.

Mon pe war en - i annan en Manm ki'n *raise* sa pwen taler, be mon pe war trwa *major* alokasyon pou *rent*. *1.576million* savedir 1milyon 576mil ;- en lot alokasyon 7milyon 673mil e en lot alokasyon 6milyon 796mil pou *rent*.

Eski nou kapab ganny lesplikasyon? Nou'n tann leksplikasyon lo elektrisite, eski nou kapab ganny lesplikasyon lo kote sa bann *rent*?

E akoz sa bann *rent* i sitan eleve, akoz ler nou kalkile sa i fer en total R16milyon ki sa lenstitisyon, sa lenstiti pe peye an *rent* ki en sonm konsiderab. Ki apre mon pou fer le pwen vizavi sonm ki'n ganny mete pou devlopman kiltir?

Mon dezyenm kestyon, se an relasyon avek sa size bann depans ki pe al ganny fer *either* dan *minor capital outlay* or anba bann *capital expenditure*.

Ou annan en sonm R5milyon ki pou al vin ver en *admin block* e en sonm 13.4milyon ki pou al vin anver serten lenfrastriktir. Kestyon ki mon oule demande se eski, sa lenstiti i annan kapasite pou fer sa bann travay, kan nou fek pas en Lalwa pou en lenstitisyon nasyonal, ki li ki annan manda pou li devlop bann lenfrastriktir Gouvernman.

E mon pe dir sa akoz nou tou nou'n war serten konsern ki'n arive avek devlopman *music stadium*. Eksplik nou akoz sa bann sonm i la e ki egzakteman sa bann sonm pe al fer?

Mon trwazyenm kestyon Mr Chairman, mon war serten sonm an se ki konsern bann *other service agreements* - mon war en sonm 393mil. Mon war en sonm 393mil anba bann *other service agreements*, eski

nou kapab ganny en leksplikasyon ki sa i vedir?

E i annan prezan bann *allowances* ki i annan Manm ki'n koz lo la avan, i annan serten larepons ki zot in gannyen. Mon pa pou retourn lo sa bann larepons, me sa ki mon oule klarifye mwan se ki i annan *other allowances* ki *wages and salaries in cash*.

Me i annan *other allowances* ki pe tonm anba *goods and services*. E sa i en sonm R643mil. Eski nou kapab ganny en lesplikasyon akoz sa sonm R643mil pe tonm anba *other goods and services* e pou kwa i sipoze pe al fer? Mersi Mr Chairman.

MR SPEAKER

Mersi Onorab. *Panel* lekel ki a konmanse? PS byen.

PS CECILE KALEBI

Mersi Mr Chair. Mersi Onorab pou ou kestyon. Wi lo kote *rent* - nou *rental Budget* i sa sonm ki ou'n mansyonna. E sa i akoz nou annan pa mal nou bann lofis ki tonm ki ti tonm dan *national library* ki prezan nou'n bezwen abrit zot an deor.

Nou annan osi provizyon ki nou pe fer pou bann renovasyon. Parey zot in war nou annan *Théâtre Des Palmes* nou annan *building Carnegie* nou annan *National Library* osi ki anba ki pou

ganny konsiderasyon pou renovasyon.

Alors nou'n bezwen rod bann *rental* pou *meet* bann *staff*. E osi bann *storage* pou *store* nou bann *cultural artifacts*, akoz ler sa bann seksyon pe ganny renove nou bezwen annan landrwa *storage* pou nou met nou bann keksoz.

Lo kote nou *admin block* ;- wi sa i en proze ki nou pe fer anler *Domaine*, ki pou osi abrit administrasyon pou *manage Domaine* ek sa novo Konsil. E larestan parey nou'n war i bann, i bann renovasyon nou bann lezot moniman.

Pou zer sa bann proze nou pou travay avek sa novo Lazans definitivman, e i sa fonksyon ki nou'n fer dan lepase, nou'n travay avek *MLUH* pou bokou bann proze renovasyon ki nou'n fer e mon mazinen nou lenstiti osi pou fer parey.

Pou sa *other allowances* parey ou pe dir sa nou *cater* pou bann *part time*. Kot lekol lanmizik nou bann, bann mizisyen ki vin fer *part time* pou bann lenstriman ki nou napa *instructors*.

Nou annan bann enstriker ki vin montre vyolon, tronpet e sa nou pran zot *on a part time basis*, akoz demann pou sa bann laklas pa sitan eleve pou nou kapab pran en *full time instructor*.

Nou osi annan ler ICCS ti *fully operational*, nou ti annan bann *cleaners* ki ti travay apre ler, pou fer sir ki landrwa i ganny netwaye eksetera, e sa bann *allowances* ti ganny mete dan *other allowances* pou *cater* pou sa.

Dan bann *other services* parey ou pe war nou annan *other allowances* sa bann *other allowances* nou annan nou *National Choir* ki nou pey nou bann Manm en *allowance* pou zot form par nou, nou *choir*.

E osi nou annan bann pti kontra ek bann lezot Lazans pou fer netwayaz nou bann *premises* e sanmenm sa ou war ki nou annan sa de *other allowances* en pe anba *wages and salaries* e *other allowances* anba *goods and services*. Mersi Onorab.

MR SPEAKER

Wi nou a terminen silvouple Onorab.

HON SEBASTIEN PILLAY

Mersi Mr Chairman. Mr Chairman i pertinan sa bann kestyon akoz ler nou get larzan ki'n vreman ganny mete avek devlopman kiltir nou pa pe vwar sa kantite larzan.

Lamazorite larzan pe ganny abzorbe par bann kou ki sa lenstiti pou bezwen pran. So nou pa pe vvar bokou larzan pe la ver kiltir ki ti *remit*

sa – pas sa Lalwa devan Lasanble.

So petet avek ou permisyon mon ti a kontan Minister Finans i klarifye sa lenstiti pou antite ki annan mon krwar pli gro Bidze pou *rent*, R16milyon. Eski nou kapab ganny en klarifikasyon akoz ki sa bann konponan *rent* i sitan o, oubyen si sa i meyer *rate* ki'n kapab ganny donnen?

Eski in annan en diskisyon oubyen en negosyasyon pou fer ki sa bann konponan *rent* i ganny desann? R16milyon an total pou *rent* i en kantite larzan ki en lenstiti pe peye pou *rent*.

I annan en provizyon osi R7milyon 662 pou *facilities for events*, eski nou kapab ganny en leksplikasyon ki bann kalite levennman ki sipoze ganny fer anba sa 7.6milyon, pou nou kapab ganny en konpran, ki mannyer sa i ganny repartisyonnen atraver bann diferan Lazans oubyen diferan antite ki tonm anba sa lorganizasyon?

E mon 3enm klarifikasyon Mr Chairman ou Minister Finans, se mon vwar ki sa bann *other allowances* i anba *other uses of goods and services* ki tonm anba programm ki *deal* avek *governance and administration*

Eski alors i annan lezot *allowance* ki pe ganny peye

atraver lezot programm ki pa'n ganny santralize as en vot anba *goods and services*, oubyen sa i le sel landrwa ki pey bann *allowance*?

Si sa i le ka, i pou annan diferan landrwa anba sa lenstiti ki pe pey sa bann *allowance*. So i bezwen annan en pozisyon konsolide ki ganny etabli pou mentenir lafason ki larzan i ganny servi.

Mon ti anmenn en *PNQ* lo *Expo* sa letan, pa bokou dimoun ti enterese pou siport mwan lo la – mon kontan ozordi war bann dimoun osi lo lot kote latab pe demann bann kou lo *Expo*.

Lo i enteresan pou vwar ki mannyer nou kapab *manage* sa pou ki plis larzan i al ver devlopman kiltir e non pa ver bann kou. Mersi Mr Chairman.

MR SPEAKER

Mersi. Ms Tamatave ou a adres bann pwen ki konsern Minister Finans e panel i kapab pran leres. Mersi Mr Chair. Mr Chair konsern Onorab in regards to rent kiltir e konser Minister Finans depi lensidan *fungus at the National Library* kot malgre zefor pou *Accomodation Committee* war landrwa pli affordab pou Kiltir *accomodate* son bann *staff*, me pou le moman zot dan sa bann landrwa.

E se pou sa rezon ki Gouvernman parey Minis ti anonse dan diskour e parey provizyon anba *PSIP ou pou vwar renovasyon* kot *National Library* pou komanse tar sa lannen e en sonm R3.5milyon in ganny mete anba *PSIP* pou *National Library*, lentansyon se inisyalman ti annan diskisyon ki *National Library* pa pou *host administrative offices* me Gouvernman in pran en desizyon otreman, kot i annan serten lespas pou rebouz *back National Library* e sa pou ede pou redwir sa *rent significantly*.

Me dan *forecast* 2023 ou pa pe vwar sa rediksyon pou le moman me letan nou pou vin avek Bidze 2023/2022 ou pou vwar sa rent i desann *significantly*.

Lo kote *facilities of events* ki bann aktivite ki Departman pou refer lannen prosenn, petet *PS* a kapab pran sa direkteman an vi ki i tonm kot ou. Me selman bann aktivite prensipalman i annan *Expo* ki sa sonm 1.7milyon in ganny mete ladan. Mersi.

Mr Chair i annan en lot kestyon *regarding other allowances* ki Onorab in mansyonnen. *Other allowances* anba *goods and services* parey *PS* in dir i annan lezot *allowance* ki pa kategorize anba saler oubyen *even en Board fees* pa vreman

kouver anba *Renumeration Policy.*

E se pour sa ki i annan sa lot laliny ki i parey pou Kiltir i enkli *allowance* pou bann *Choir* pou bann *part timers* ki vin ede avek Lekol Ladans; bann lezot group kiltirel ki petet zot annan e zot annan bann dimoun ki vin asiste zot e sa i sa vot anba nou *chart of account* ki nou servi e pa en vot ki servi ki zis servi par Departman Kiltir. I annan lezot Minister osi ki servi sa vot. Mersi.

MR SPEAKER

Mersi. PS ou annan ankor pou azoute oubyen nou kapab *move on?*

PS CECILE KALEBI

Pou azoute bann programm ki pou tonm sa bann *facilities for events* parey *annually* nou annan nou selebrasyon Festival Kreol; lannen prosenn nou annan *Biennale des Arts* Sesel; nou annan osi en seri bann aktivite ki nou anvi pou selebre leritaz dan nou kominate.

Nou'n osi met en sonm pou organiz bann sa ki nou apel bann *Creative Events*; savedir *Creative Music Fairs, decorative fairs*, so nou pe ekspekte ki sa *remainder* ki reste i vreman al pou bann aktivite kreatif ki pou ganny fer. Mersi.

MR SPEAKER

Mersi. Mayor David.

MAYOR OF VICTORIA DAVID ANDRE

Mersi Mr Chair. Zis mon ti anvi osi azoute dan bann aktivite, bann levennman pou lannen prosenn petet mon ti kapab partaz avek Lasanble la en bon nouvel ki UNESCO pe al liste' Moutya' koman en *intangible heritage - World Heritage* so sa i en keksoz vreman formidab pou nou.

E nou ti pe antisipe sa ofer. E lannen prosen nou annan bann aktivite nou anvi fer an deor Sesel sirtou *Paris* – nou'n ganny envite pou fer serten aktivite.

Nou bezwen anmenn serten artis, anfen en group artis ki pou ale pou promouvwar zisteman sa lanmizik sorti Sesel e tou sa ki reprezent lakiltir Sesel. Probableman si tou keksoz i mars byen an *juin* lannen prosenn, zot pou fer en gran aktivite lo Paris.

So sa i en levennman ki nou pe vreman *look forward* pou lannen prosenn. Mersi.

MR SPEAKER

Mersi Monsieur le Maire. Onorab Cosgrow.

HON WALLACE COSGROW

Mersi Mr Speaker. Mr Speaker annefe petet mon ti a voudre si mon kestyon ti enn bann premye kestyon si pou en serten klarite.

Apre midi la serten bann Manm ki'n fer referans in fer referans avek *Monsieur le Maire* mon ti a kontan konnen akoz nou konnen poudir Biro Mer Lavil i annan son fonksyon.

Mon ti a kontan konnen dan ki kapasite Mr Andre i la? Eski in fini ganny apwente? Ouswa i sa dimoun ki pou ganny apwente pou zer sa lenstiti?

Non akoz i enportan. I administrativ sa. I enportan. Eski in fini ganny apwente ouswa i sa dimoun ? Akoz normalman bann dimoun ki vin la i bann dimoun ki pe zer sa lorganizasyon. So en pti klarifikasyon silvouple. Mersi.

MR SPEAKER

Tre byen. Mr Andre eksplik ou kapasite an term *National Institute*?

MAYOR OF VICTORIA DAVID ANDRE

Wi mon a eksplike Mr Speaker. Ofet letan nouvo ladministrasyon ti vin - letan Prezidan Ramkalawan ti vin Prezidan – letan i ti pe nonm tou bann dimoun dan bann diferan Minister *and so on*, i ti

dir ki lakiltir i tonm anba Biro Mer Lavil pou le moman.

Savedir i ti donn Mer Lavil sa manda pou li vin ek sa novo konsep ki mon'n vin avek. Prezan la i reste son final pou li deside lekel ki vin sa zafer. So vwala. Mon ankor sa dimoun ki pe responsab lakiltir an teori. Mersi.

(Interruption)

MR SPEAKER

Mersi Onorab. Mersi. Mon'n ganny notifye ki Mr Andre pou reprezent sa lenstiti e mon krwar sa i annord. Nou a kontinyen.

(Off-Mic)

MR SPEAKER

Si ou annan en pwen silvouple met li an ekrir e nou a konsidere. Mersi.

(laughter)

HON CLIFFORD ANDRE

(Off-Mic)

MR SPEAKER

Mersi Onorab Andre. Onorab Uranie ou annan kestyon?

HON CLIFFORD ANDRE

(Off-Mic)

MR SPEAKER

Yes Onorab Andre?

HON CLIFFORD ANDRE

(Off-Mic)

MR SPEAKER

Yes Onorab Pillay?

HON SEBASTIEN PILLAY

Mr Speaker ki mannyer koman Speaker Lasanble, ou kapab fer en *blanket statement* kan Konstitisyon ki dir ki si en *portfolio* pa 'n ganny *assign* i ganny *assign* anba Prezidan? Prezidan Larepublik ki Minis pou Kiltir.

MR SPEAKER

Wi.

HON SEBASTIEN PILLAY

E prezan pou ganny reprezante dan Lasanble i bezwen vin en reprezantan *Cabinet* ki vin reprezante. *Monsieur Maire Lavil* –

MR SPEAKER

Non-

HON SEBASTIEN PILLAY

Monsieur Maire Lavil – ...Konstitisyon i dir Prezidan ki Minis pou Kiltir!

MR SPEAKER

Espere en kou.

(Interruption)

MR SPEAKER

Mer Lavil i la lo derogasyon Prezidan e sa mon krwar i annord. Mersi. Nou a kontinyen Onorab Uranie si ou annan kestyon pou poze silvouple. Letan pe kit nou.

HON ROCKY URANIE

Mersi Mr Speaker. Mr Speaker an relasyon avek *other allowances* ki Onorab Loto in koz lo la. Mon pe get *program 6 conservation research and access to cultural information*.

Laba osi mon war en *other allowances* i 4.5milyon. So mon ti a kontan ganny en leksplikasyon lo la? Mersi.

MR SPEAKER

Mersi. *Panel* kapab adres sa silvouple en pe brefman vitman. Wi Ms Tamatave.

**DEPUTY COMPTROLLER
GENERAL ASTRIDE
TAMATAVE**

Mr Chair sa *other allowances* ki Onorab in mansyonnen anba program 6 sa i anba saler sa. Sa i *allowance* pou bann travayer anba sa programm savedir i form parti sa total saler ki pou 2022 i R15.8milyon. Mersi.

MR SPEAKER

Byen. Ou'n kler Onorab Uranie. Mersi. Klarifikasyon.

HON ROCKY URANIE

Wi akoz Madanm Tamatave akoz mon ti'n war *basic pay* i 8.6milyon. So sa *allowance* ki la anba i sipoze al avek zot saler ki anler?

MR SPEAKER

Wi Ms Tamatave.

DEPUTY COMPTROLLER GENERAL ASTRIDE TAMATAVE

Mr Chair anba striktir saler Gouvernman i annan diferan *allowance* ki Gouvernman i donn bann travayer. E pa tou *allowance* ki vreman annan en kod spesifik pou li. Parey ou annan ou *inducement allowance* ou annan ou diferan *allowance* bann dan bann diferan *Scheme* i egziste.

Marketable skills tou keksoz e i form parti saler bann travayer. E nou annan, nou kapab donn Lasanble *breakdown* tou bann *allowances* ki tonm *other allowances* kod ki tonm anba saler nou kapab donn Lasanble sa lenformasyon. Mersi.

MR SPEAKER

Mersi Ms Tamatave. Byen mon krwar in eksplike. Bon nou'n pare pou pran vot lo Bidze pou *National Institute for Culture Heritage and the Arts* lo paz 45 ziska 57 pou en total R122milyon 712mil.

Manm ki an faver lev lanmen silvouple. Mersi. Bon okenn Manm ki kont. Madanm Clerk.

Bon lo vot lo Bidze lo *National Institute for Culture Heritage and the Arts* lo paz 45 ziska 57 pou en total R122milyon 712mil. 21 Manm in vot pour, 0 kont e 11 abstansyon.

So sa Bidze in aprouve par Lasanble. Mon a dir zot mersi e mersi Mer Lavil e PS e *Accountant* pou zot partisipasyon bann zofisyen Finans. Nou a aret la pou bomaten e nou a kontinyen pou apre midi 2er30.

E Madanm Clerk i ava fer le neseser, pou aziste *schedule* pou apre midi silvouple avek lot antite. Mersi nou a pran poz.

(BREAK)

OFFICE OF THE MAYOR OF VICTORIA

MR SPEAKER

Bonn apre midi tou Manm. Bonn apre midi tou piblik. Nou'n pare pou nou repran avek Bidze pou *Office of the Mayor of Victoria*. Madanm reporter ou a regarde si delegasyon i a antre.

Bonn apre midi *welcome* Mer Lavil avek son delegasyon. Byenveni ankor enn fwa Mr

Andre e nou avek li nou annan Madanm Lydia Charlie *Executive Director* son biro e Madanm Solange Marimba *Administrative Assistant*. Bidze *Office of the Mayor of Victoria* lo paz 42 ziska 44 pou en total R6milyon 250mil.

Mer Lavil ou a prezant sa Bidze silvouple.

MAYOR OF VICTORIA DAVID ANDRE

Mersi Mr Chairman. Ankor enn fwa bon apre midi. Bonn apre midi tou dimoun. Biro Mer Lavil i pe demann Lasanble pou aprouv en Bidze pou R6milyon 250mil.

Mer Lavil son manda depi en serten tan ki sa lofis i egziste, nou le fer an sort ki nou lavil i en lavil ki reflekte nou karakter Kreol. E ki i en landrwa kot dimoun i kapab fer bann aktivite ekonomik kiltirel.

Dan en lanvironnman ki *safe*, ki sen e ki osi vibran. Enn bann keksoz ki biro Mer Lavil in met bokou lanfaz lo la sirtou, dan bann letan kot zisteman nou'n annan konfinman, nou'n annan bann restriksyon sanniter.

Kot bann aktivite ki nou ti a kontan fer pou anmenn serten benefis ekonomik, i pa'n enposib. So nou'n profite pou fer bann travay planifikasyon preparasyon pou ki letan bann moman

meyer i vini, ki nou'n pare pou fer sa bann aktivite.

Me sirtou pou gard nou lavil prop e *safe*. Donk ki i ava en legzanp pou bann lezot pei e ki nou ava fyer poudir nou lavil Victoria i en lavil ki zoli, ki prop ki *safe* e ki annan bann posibilite pou fer bann aktivite ekonomik.

Donk an gro vwala en pe nou manda. Epi nou travay osi avek bann lezot lavil dan lezot pei. Nou annan bann *twinning agreements* ki nou fer, ki permet nou ganny serten lasistans e partaz serten leksperyans osi.

Vwala mon ti a kontan demann Lasanble pou siport nou, e pou aprouv nou Bidze pou ki nou kapab kontinyen fer sa travay ki nou tou nou ava fyer. Mersi bokou.

MR SPEAKER

Mersi Mr Andre. Nou a pran kestyon bann Manm. E wi en enstan nou a konmans tre byen nou a konmans avek Onorab Adelaide.

HON FRANCOIS ADELAIDE

Mersi Mr Chair. Bonn apre midi Mr Chair. Bonn apre midi Mayor avek ou lekip e tou bann Manm Onorab. *Mayor* ler mon pe get kot ou bann *strategic priorities* pou 2022 a 2024, ou'n fer resorti ki zot, zot pou entansifye pou zot fer bann *marketing* pou bann

lenfra striktir parey *Paradis Des Enfants*.

E vi ki mon krwar i annan en lot ki pou tonm anba ou responsabilite petet stad lanmizik. I en landrwa kot zot kapab servi tou petet eksplwat li ler taler nou'n koz lo lofis en *building* apepre R40milyon mon tande, petet nou kapab servi li pou fer plis.

Petet at least donn nou petet ki zistans in arive avek sa e ki mannyer i kapab kontribye dan zalantour Victoria, pou ki nou napa zis en stad lanmizik ki zis la. Me ki enn ki pou vreman reflekte sa larzan ki *tax payers* in depanse lo la? Mersi.

MR SPEAKER

Mersi Onorab. Mr Andre.

MAYOR OF VICTORIA DAVID ANDRE

Mersi bokou. Stad lanmizik an realite i tonm anba sa novo lenstitisyon Kiltir, me etandonnen i dan lavil i osi enportan ki nou konpran ki son fonksyon.

Parey zot konnen i en lenvestisman ki Gouvernman in fer bokou larzan. E i bezwen ganny servi dan en fason korek e ki pou kapab evantyelman rekouver son bann kou, e osi fer facilite pou bann artis e bann lezot dimoun servi ki evantyelman

nou kapab ganny en pe reminerasyon.

Donk i annan bann koze ki nou pe fer avek diferan partner prive, lokal konman etranze pou kapab si oule finaliz sa lespas ki pou kapab servi dan en fason *polyvalent - multipurpose*.

Olye esper zis pou fer lanmizik, selman konser lanmizik ki ou pa pou kapab annan konser lanmizik tou lazournen, ki pou kapab annan ase reminerasyon pou kapab kouver serten kou.

So i annan bann koze ki nou pe war ki mannyer nou kapab servi li dan en fason pli efikas. Donk definitivman sa i en dyalog ki nou pe kontinyelman pe fer e ki mon espere ki konman sityasyon sanniter i pase, nou a kapab fer sa bann aktivite evantyelman ; - fer li vin dan en fason pli efikas posib pou nou kapab zener en pe larzan zisteman.

Akoz i en keksoz ki mon krwar definitivman nou bezwen fer en zefor spesyal, pou nou servi li byen. Non selman pou konman en facilite konman en artis pou bann dimoun servi, me selman ki kapab zener larzan osi pou lenstiti kiltir e osi pou nou lavil Victoria. Mersi.

MR SPEAKER

Mersi Mr Andre. Onorab Aglae wi.

HON EGBERT AGLAE

Mersi Mr Speaker. Bon apre midi *Mayor* avek ou delegasyon. Mon ti le en pe leklersisman anba *wages and salaries*. Mon war poudir i annan aepre kat konponan *allowance* en?

Premyerman i annan sa en *allowance* ki *excluding PSC* ki aepre 87mil. I annan en *public service contract allowance* osi ok? Apre i annan en *other allowances* osi ki mon war aepre 76mil, eski mon ti kapab ganny en pe leklersisman en pe klarite lo sa bann *allowances please?*

MR SPEAKER

Mersi Onorab. Mr Andre.

MAYOR OF VICTORIA DAVID ANDRE

Mersi Mr Chairman. Mon a demann Ms Marimba pou petet eksplike silvoule.

MR SPEAKER

Tre byen wi Madanm Marimba.

MS SOLANGE MARIMBA

Bonn apre midi Mr Speaker, tou Manm Onorab, tou dimoun a lekout. Nou pran avek *allowances excluding PSC* sa i annan *transport allowance* ki tonm ladan, *information*

allowance. Apre *other allowances* nou annan.

MR SPEAKER

Madanm ou kapab avans en pti pe plis avek mikro. Mersi.

MS SOLANGE MARIMBA

Ok.

MR SPEAKER

Wi.

MS SOLANGE MARIMBA

Allowances excluding PSC nou annan *transport allowance, information allowance* apre *public service contract allowance* i bann *allowance letan bann zofisyen* in fini zot kontra, zot ganny sa *public service allowance*.

Apre *other allowances* ; - i annan *inducement allowance, marketable skills allowance*. Mersi.

MR SPEAKER

Ms Tamatave ou pou azout keksoz *please*.

DEPUTY COMPTROLLER GENERAL ASTRIDE TAMATAVE

Mr Speaker mersi. Mon ti anvi petet zis pou donn en pe plis detay anvi ki sa topik *other allowances* depi bomaten i leve e i ankor pe leve.

Zis mon a donn en an gro tou kategori *allowance* ki tonm anba sa kategori *other*

allowances, pou benefis bann Manm. I annan expat allowance, island posting inducement, routing shift allowance, responsibility allowance, night duty contract, general duty, inducement, overseas foreign service, clothing, meal, location ek inducement allowance, shift, commuted telephone oubyen rental, night sea allowance apre i annan retention allowance.

So sa i kategori bann diferan *allowance* ki tonm anba sa *other allowances*. Mersi.

MR SPEAKER

Mersi Ms Tamatave. Onorab Roucou.

HON MICHEL ROUCOU

Mersi Mr Chair. Bonn apre midi tou dimoun. Bonn apre midi spesyal tou zabitant Mont Fleuri. *Mr Maire* mon konnen petet avek problem lekonomi la ki nou pe pas ladan mon pa pe war en Bidze kot i annan sa bout pou dekor lavil pou letan Nwel la.

Me selman anba ou ‘challenge’ la mon war poudir i annan ou pe dir i annan difikilte pou zot kapab tenir bann *sponsor* pou kapab ed zot dan bann letan festiv.

Si ou kapab dir nou, eski i annan en fason ki zot pe travay ansam avek bann

biznes dan lavil pou ede *take ownership* nou lavil? Mersi.

MR SPEAKER

Mersi Onorab. *Panel.*

MAYOR OF VICTORIA DAVID ANDRE

Mersi bokou. En keksoz ki mon bezwen dir se ki nou gannyen serten larzan dan nou Bidze pou dekor lavil pou fer serten aktivite, malgre ki i pa neseserman sifi.

Me selman sa ki enteresan se ki lofis Mer Lavil i vreman annan en relasyon tre pre avek bann biznes. E deplizanpli sa relasyon in konsolide o fil bann lannen ki’n pase.

E ki bann dimoun, bann biznes dan lavil zot donn en koudmen malgre difikilte. E par egzanz la nou annan en dyalog ki nou’n fer avek tou bann biznes dan Victoria, pou eksplike poudir, ekoute la sa lepok ki nou ladan pa kapab espekte biro Mer Lavil pou kapab dekor lavil parey nou ti ava kontan.

Parske zis pou fer ou rappel, pou fer ou konnen - anfen fer Lasanble konnen poudir *shipment* ki nou’n *order* pou annan bann dekorasyon pou Nwel, ki nou’n fer depi Zilyet i annan bann problem bato.

E nou bann nou *shipment* in sipoze arive le 3

Novanm epi in dir nou le 15 Novanm, la in dir nou le 15 Desanm ki riske ariv Sesel. So donk i enportan kanmenm sa ki nou bezwen servi en pe kreativite e solidarite antre nou Sesel.

E sirtou bann mon ti a kontan fer en lapel la avek bann distrik ki form parti Victoria;- Mont Fleuri, Bel Air anfen sa i distrik ki nou zwenn ansanm, donn en koudmen pou nou kapab fer en keksoz pou fer nou lavil zoli.

Nou pa pou kapab zis dir akoz nou annan problem bato pa'n ariv atan, oubyen nou pa'n ganny ase larzan. Me selman sa ki enportan mon krwar sa ki enteresan se ki tou dimoun i solider. En?

Deplizanpli sa solidarite i la e mon vreman kontan mon apresye. Mon ti a kontan servi sa lokazyon osi pou apresye bann dimoun e bann biznes zot in konmans deza pe konmans met an plas zot bann pti dekorasyon, kot zot laboutik anvil.

En mannyer ki nou tou nou form parti sa aktivite ki nou tou nou ava *happy*. Mersi.

MR SPEAKER

Mersi Mr Andre. Onorab Vidot.

HON AUDREY VIDOT

Mersi Mr Chair. Mr *Mayor* bon apre midi ou avek ou delegasyon. Bann letan ki ou'n la dan pozisyon, ou'n dir ou'n annan bann dyalog avek bann biznes parey ou'n reponn Onorab Roucou.

Me eski ou napa fason ki zot in konmans annan en *sort of* en lagreman avek serten sa bann biznes, ki annan bokou zot pe lwe lofis ek Gouvernman, zot anmas en kantite reveni.

Zot la dan lavil. I annan sipor adisyonnal ki zot kapab osi kontribye pou ede amelyor an term nou, nou dekorasyon lavil. Oubyen menm an port serten reveni avek ou lofis atraver lagreman byensir, ki sa bann reveni i kapab ed ou atraver bann programm ki kapab benefisyе bann distrik ki bord avek lavil.

E byensir ki kapab anmenn plis sa petet sa *entertainment*, oubyen aktivite ki kapab ekonomik ki pou benefis pei? Sa i enn.

Dezyenmman apard ki annan en lakor oubyen lagreman avek bann biznes parey, ki sipor (akoz sa Bidze ki ou pe gannyen la) ladan ou'n mete ou annan en *challenge* an term bann *twinning programs, ok?*

Ki sipor bann lezot lorganizasyon Gouvernman pe aport a ou lofis ki zot kapab annan plis sa bann kontak,

pou fasilit ou lofis, pou ki bann distrik lavil i kapab annan plis bann *twinning* - bann programm ki byensir ankor i kapab anmenn serten laspe pozitiv pou pei? Mersi.

MR SPEAKER

Mersi Onorab. Mr Andre.

MAYOR OF VICTORIA DAVID ANDRE

Mersi bokou Onorab. I nou napa en lagreman formel avek bann biznes pou nou poudir *ok* zot komet zot lekor pou fer tel, ou tel keksoz. Me selman i annan dyalog e bann lantant, ki letan nou demann serten biznes pou donn en koudmen pou fer serten keksoz e zot fer li de gran ker.

Me mon kapab dir par egzanp la pou sa lannen, i annan *Seybrew* par egzanp ki'n pare pou *sponsor* en bon pe dekorasyon, lalimyer kot *Peace Park* avek *Paradis Des Enfants* avek *Hypermarket*.

Donk i annan serten keksoz ki pe fer ki en mannyer zot donn en koudmen. Me selman i vre, i napa en lagreman konmsi formel poudir ki zot komit zot lekor toulezan zot pou fer sa *whatever*.

Me mon sipoze si sityasyon i amelyore, mon krwar nou kapab war ki zot *commit* zot lekor dan en fason ou en lot ki zot pe kapab donn

en koudmen. Mon pa krwar zot pou refize. Akoz zot deza annan sa lanvi pou fer sa keksoz.

An sa ki konsern bann *twinning agreement*, definitivman i annan bokou keksoz ki nou'n gannyen. E mon a fer zot rapel poudir dan sa bann lepok dan sa lepok pandemik ki nou'n ladan, nou'n ganny bokou lasistans avek bann lavil ki nou'n zimle avek sirtou lo kot *La Chine*.

Nou'n ganny bann lekipman, bann mask bann termomet, bann *protective clothing* e tou sa. E la aktyelman nou annan en *consignment* ki aktyelman in pri an *Chine* ki sipoze vini letan i annan bato. Donk i annan tousala.

E sa i benefis tou kous popilasyon - pa neseserman bann dimoun, oubyen dan bann distrik Victoria en popilasyon antye.

Menm bann zanfan dan bann lekol nou'n distribye bann mas, bann termomet eksetera. Donk i annan bann keksoz vreman pozitiv. E resaman nou'n siny en lakor avek en lakor zimlaz avek en pti lavil an *Normandie* an *France - Petit Co.*

Nou ti fer sa *virtual*. E letan mon'n al *Paris* de semenn pase, mon'n ganny sans ale pou war sa bann dimoun laba. E zot pare pou

donn nou serten lasistans an se ki konsern bann programm sirtou lo kote spor.

E donk i annan bokou keksoz ki nou kapab benefisy. E an Desanm - le 16 Desanm presizeman nou pou siny en lakor avek en lavil an Risi *Rostor-on-Don* sa bann dimoun pe vin Sese. Donk nou pou kapab osi benefisy serten keksoz atraver sa bann *twinning agreement*.

Twinning agreement i en keksoz ki fer nou ganny bokou keksoz pou nou kominote, pou nou pei osi. Mersi.

MR SPEAKER

Mersi Mer Lavil. Onorab Labonte.

HON ANDY LABONTE

Mersi Mr Chair. Bon apre midi *Mayor* avek ou lekip. Mon premye kestyon *Mayor* mon pe get sa 3milyon anba *program 1 other use of goods and services* ki i repete, ki kontinyen repete kot *Paradis Des Enfants*.

Petet si nou ti kapab ganny en pti leksplikasyon lo la? Apre mon pli gro konsern ler mon pe get ankor program 1 anba *use of goods and services* mon war zis 10mil kot *pest control*.

Mon konnen poudir letan gouvernans pei ti'n fek sanze nou ti annan en mon kapab dir en kanpanny pou netway Victoria pou fer li en pe pli

prop. Ki pe arive avek sa programm? Me selman pli enportan se sa bann lisyen eran ki nou pe war dan lavil.

Petet si i annan okenn landrwa kot ou'n prevwar ki mannyer pou *deal* avek sa sityasyon menm lera dan Victoria? Mersi.

MR SPEAKER

Mersi Onorab. *Yes Mayor.*

MAYOR OF VICTORIA DAVID ANDRE

Mersi bokou. Parey mon'n dir o depar i enportan ki nou lavil i reste en lavil ki prop, ki sen. E i vre i annan bokou defi la. Malgre ki i annan bann programm ki nou'n anbark ladan, pou nou netway lavil.

E mon kontan ki bokou dimoun in angaz zot ladan, pou ede me selman i en keksoz ki bezwen kontinyen toultan. Enn nou pli gro problem se ki ennler nou ganny difikilte pou gard sa kontinite, oubyen ou vini ou netway en landrwa en, en zour tou keksoz i *ok*, epi 2 zour apre 3 zour apre, ou war bann dimoun i vini (i annan en kantite dimoun ki pa responsab) ki vini ki pran i zet salte.

Menm i annan bin, olye met dan bin i met zis akote la. En legzanp kot *taxi pirat* par egzanp. Nou'n netwaye firmize met tou sa bann zafer tir tou sa bann kosonnyen ki ti la, epi

2 zour apre ou war dimoun i vini nou pa tro konnen lekel sa bann dimoun ki vini.

So i enportan pou nou konman en pep osi pou nou konpran, pou nou annan en serten sans savwar viv, lapropte osi.

Akoz si sakenn antre nou, nou viv dan en fason ki nou respekte nou lanvironnman nou landrwa, nou pa pou gannyen sa kantite problem. Be selman definitivman sa i en gro *challenge* e nou bezwen kontinyelman travay, pou fer sir ki nou napa en lavil kot nou war (ki mannyer i apele) nou war lera, nou war lisyen eran partou.

Me selman nou pe travay an kolaborasyon avek bann Lazans, parey *LWMA* oubyen menm lezot Lazans sanniter, pou fer sir ki nou sey afen nou *eradicate* sa bann zafer. Definitivman sa i en *issue*. Mersi.

MR SPEAKER

Mersi *Mayor*. Onorab Cosgrow.

HON WALLACE COSGROW

Mersi Mr Chair. Bonn apre midi tou dimoun. Mr *Mayor* enn bann keksoz ki ou'n koz lo la depi ler ki ou'n vin Mer Lavil se fer lavil Victoria en pti pe pli vibran.

Mon pe get dan *budget book* la mon war zot annan en target an term '*number of entertainment events per year*.' Konmsi i reste 19, 19, 19 - konmsi sa i lesel target 19, ouswa konmsi mon ti ava, mon ti ava petet panse i ti ava ogmante *over the years*. An mezir ki nou fer li nou fer li byen nou *look forward* pou nou fer petet 20, 21. Ou konpran dan ki laliny mon pe ale, en? Eski sa i target?

E petet ki zot in fer en pti pe pandan lannen 2021, mon konnen 2020 ti preski dir enposib avek sa bann restriksyon sanniter? Me ki zot in fer en pti pe 2021.

E osi petet enn bann keksoz petet ki mon'n toulstan en pti pe koz lo la menm pa dan Lasamble, en pe avan dan mon pozisyon avan, konmsi ki nou annan landrwa *dedicated* anvil, enn ou de plas *dedicated* anvil, kot nou kapab annan petet en lenvestisman sekter prive.

Kot ou kapab met bann keksoz senp me zoli ki byen avek lavil, kot bann pti antreprenier i kapab vini par egzanp vann manze, vann *drinks* kot Seselwa i kapab vini annan en pti lanmizik en pti zafer.

Seselwa i kapab vini e defoul en pti pe apre travay apre dan wikenn. So ki ou panse lo la e si petet zot ti pe

mazin en pe dan sa laliny.
Mersi Mr Speaker.

MR SPEAKER

Mersi Onorab. *Monsieur Le Maire.*

MAYOR OF VICTORIA DAVID ANDRE

Mersi bokou. Mon kontan ou'n poz sa kestyon Onorab e se zisteman sa direksyon ki nou anvi ale. Ou konnen i annan bokou keksoz ki nou anvi fer, me selman nou pa'n kapab, akoz mon pa bezwen al eksplike sa.

Ou konnen nou dan en restriksyon pou nou fer lavil vibran, nou bezwen annan bann aktivite, nou bezwen fer dimoun vini e nou pa kapab fer sa nou pa ganny drwa fer li.

So mon pa la pou al kas Lalwa, me selman ki mon pe dir nou gard nou bann proze la en mannyer konman sityasyon i permet nou pou fer li. Akoz bann lide bann preparasyon i deza la.

En keksoz ki mon ti a kontan petet partaz avek ou se ki dan sa konteks ki ou pe dir, ti a bon annan landrwa dan Victoria kot i annan dimoun i fer bann biznes eksetera. In annan en diskisyon ki nou'n fini angaze ek Minister *MLUH well apele Later Amenazman du territoire.*

Kot nou pe revwar devlopman vye *Children's Playground.* So sa en proze ki nou'n konmans anbark ladan avek Minis Rangasamy ek Minis Devika Vidot ansanm avek biro Mer Lavil e lezot partner.

Kot nou pe revwar sa landrwa, akoz nou krwar sa i en landrwa vreman ki pou kapab fer lavil Victoria sanze. An sa ki konsern son *vibrancy* son -. Konpran i la i obor lanmer i zoli, i annan tou sa ki neseser pou nou kapab fer li byen.

Konmsi i ava vin en lespas kiltirel, kot dimoun i kapab vini fer sereten aktivite, bann pti restoran, en pti kafe eksetera. E sa i en konsep ki mon krwar i pou sanz lavi dan lavil Victoria.

E sa nou pe travay lo la. *Du moman ki keksoz i amelyore nou pou fonse lo la.* Me sa i ankour. Mersi.

MR SPEAKER

Tre byen. Mersi Mer Lavil. Onorab Pillay.

HON SEBASTIEN PILLAY

Mersi. Bonn apre midi Mer Lavil. E bonn apre midi tou dimoun ki a lekout. Mr Chairman premyerman mon ti a kontan ganny klarifikasyon avek Minister Finans.

Eski Bidze Mer Lavil ki nou pe aprouve *according to*

dokiman ki zot in donn nou, i 5.024milyon me dan Lalwa li menm i 6.250milyon? Zis en pti klarifikasyon avan mon kontinyen Mr Chairman.

MR SPEAKER

Mersi. Wi Ms Tamatave mon'n war ou lev lanmen ou ki pou.

DEPUTY COMPTROLLER GENERAL ASTRIDE TAMATAVE

Mersi Mr Chair. Bidze pou *Office of the Mayor* i R6.25milyon. Mersi.

HON SEBASTIEN PILLAY

Mersi Mr Chairman. Zis mon pe *remind* Minister Finans ki latab ki zot in donn nou ki donn en *breakdown* bann diferan Kod depans, i pe donn nou 5milyon 24 me *actual, actual* total i 6.250 parey ou'n dir.

So mon krwar zot in fer en fot abilasyon la. Prezan anba sa Bidze i annan de provizyon - de pli gro provizyon akoz i en Bidze 6milyon.

Ladan en 4milyon pe al dan de landrwa spesifik premye se *Paradis Des Enfants* e dezyenm mon annan en *acquisition of high tech equipment*. Eski ou kapab dir nou kwa sa 3milyon *Paradis Des Enfants* vreman i *entail?* Ki bann gro laliny depans ki

ganny fer anba *Paradis Des Enfants?*

E prezan an se ki konsern *high-tech equipment*, eski ou kapab dir nou kwa - ki kalite *high-tech equipment* ki pe al ganny *acquire* anba biro Mer Lavil pou sa sonm R1milyon? Mersi Mr Chairman.

MR SPEAKER

Mersi. Mr *Mayor*.

MAYOR OF VICTORIA DAVID ANDRE

Mersi bokou Onorab. Sa sonm 3milyon pou *Paradis Des Enfants*, mon ti a kontan fer Lasanble rapel poudir *Paradis Des Enfants* i ti tonm anba SSI avan.

E letan SSI in dizourd Minister Finans in propoze ki *Paradis Des Enfants* i tonm anba biro Mer Lavil, akoz i dan lavil, dan Victoria. Mon pa konnen si sa pou reste pou toultan oubyen si sa i en faz tranzitwar.

Me selman etandonnen ki *Paradis Des Enfants* in sorti anba SSI - SSI in dizourd so i tonm anba biro Mer Lavil.

E sa 3milyon i 3milyon ki Gouvernman i donnen pou siport *Paradis Des Enfants* pou bann aktivite, bann detay ki mon sipoze Ms Solange oubyen Ms Lydia i kapab eksplike.

So sa i en larzan ki Gouvernman in donnen pou *Paradis Des Enfants*. Pou sa zafer *high-tech equipment* petet mon a demann Ms Solange osi pou eksplik sa silvouple.

MR SPEAKER

Byen. Next wi Ms Marimba.

MS SOLANGE MARIMBA

Pou *high-tech equipment* nou aste plizoumwen bann *christmas decoration* ladan. *Christmas decoration* pou enstale pou retire ;- pou fer tou sa bann depans ladan.

MR SPEAKER

Wi Onorab Pillay ou annan *follow-up*.

HON SEBASTIEN PILLAY

Wi-wi Mr Chairman. Mr Chairman an 2021 ti annan ankor en provizyon R1milyon. Savedir sa i en *recurrent provision of R1million* pou *high tech equipment*. Mon pe sey ganny en konpran son Kod Klasifikasyon ki mannyer *christmas decoration* i tonm anba *high tech equipment*.

Eski sa i en klasifikasyon ki zot, zot in fer, oubyen i en klasifikasyon ki Minister Finans in fer? Prezan sa ki nou bezwen konpran se an relasyon ek 2021, zot in bezwen fini depans sa R1milyon oubyen i ankor la?

Akoz nou pe met ankor en provizyon R1milyon, ki eski tou le mwan nou pou *acquire* sa bann lekipman, apre tou le mwan nou pou re aste sa bann lekipman. Konmsi sa ki mon pe sey ganny en konpran.

Prezan an relasyon avek *Paradis* mon *still* oule ganny klarifikasiyon lo ki mannyer prezan *once* sa larzan i ganny aprovizyonnen. Lefe ki Biro Mer Lavil i pa pe *manage* oubyen eski li ki pe *manage* prezan ki pou asir dan lafason ki sa larzan i ganny depanse.

Kot *Paradis Des Enfants* oubyen i annan en *management structure* kot *Paradis Des Enfants*. E ki mannyer larzan i sorti kot Biro Mer Lavil pou al kot, pou al kot *Paradis Des Enfants*?

Akoz bezwen pran an kont osi Mr Chairman akoz ki nou'n fek ganny lenformasyon la ki Mer Lavil li menm ki *manage* en lot Bidze pre R120ekek mil pou plizyer lezot antite.

So i en kantite antite ki pe vin ansanm anba en sel biro e en sel striktir. So eski ou kapab klarifye sa pou nou Mr Mer Lavil. Mersi.

MR SPEAKER

Byen nou annan de pwen pou klarifye la. *Panel*.

MAYOR OF VICTORIA DAVID ANDRE

O nivo sa, sa kod *high tech equipment*, sa mon sipoze Minister Finans i mye plase pou eksplike petet mon kapab demann Ms Tamatave pou eksplik sa silvouple.

MR SPEAKER

Miss Tamatave oule pran laparol la.

DEPUTY COMPTROLLER GENERAL ASTRIDE TAMATAVE

Mersi Mr Chair. Nou'n pran kont konsern Onorab *Leader Lopozisyon*. Pou le moman enn touzour nou'n servi sa Kod nou'n toulstan servi sa Kod pou aste dekorasyon lalimyer.

Me nou sipoze fer legzersis pou reviz nou *chart of accounts* lannen prosen. E baze lo diskisyon osi bomaten *the fact* ki nou annan de Kod ki deskripsiyon *other allowances* ki nou'n war in konfiz en pe bann Manm Onorab.

Deskripsiyon enn i parey enn i anba saler, enn i anba *goods*. Nou baze lo letan nou pou reviz nou *chart of accounts* nou ava pran zot konsern an konsiderasyon.

E nou a *create* en lot Kod pou akizisyon of lezot kalite lekipman ki lalimyer i a tonm anba la. E *at the same time* nou ava konsider sa *other allowances* ki sa Kod anba

goods nou ava rod en lot terminolozi pou li.

Kekfwa nou pa ava konfiz sa enn anba saler. Mersi.

MR SPEAKER

Mersi. Mer Lavil ou annan keksoz pou azoute lo *Paradis Des Enfants* ankor.

MAYOR OF VICTORIA DAVID ANDRE

Wi anfen mon kontan ki Ms Tamatave in eksplik sa kote *high-tech equipment*. Pou reponn kestyon Onorab Pillay avan *Paradis Des Enfants* i annan en *Board* ki *basically* ki zer *Paradis Des Enfants*.

Ti la depi *SSI* e mon kapab dir zot ki sa *Board* i ankor egziste, me selman zot pe fer li lo en baz volonter. Akoz bann *allowances* pou bann *Board* in ganny arete e mon vreman apresye sa louvraz ki zot pe fer.

Parske zot pe donn en koudmen pou fer sir ki sa landrwa i ganny *manage* byen. E i annan en dimoun ki lo sit laba Madanm Sharon Venus ki li i *CEO basically* sa landrwa.

E larzan ki Gouvernman in donnen sa 3milyon i pirman pou bann saler e bann, bann keksoz ki pou fer li fonksyonnen. E *Paradis Des Enfants* i sipoze zener osi larzan. Me selman i pa pe fer li parey nou ti a kontan, akoz

nou konnen son bann aktivite in redwir en kantite.

Me selman sif *latest* ki nou annan reveni ki'n kolekte i apepre 1.9milyon *right now*. Dan tan normal i devret kapab kolekte omwen 2fwa ou 3fwa plis ki sa. Ki pou li kapab fer son bann fonksyonnman, aste bann lekipman pou fer li marse. Pou ki sa servis i ava *available* pou tou bann zanfan.

MR SPEAKER

Mersi. Wi nou a terminen silvouple Onorab.

HON SEBASTIEN PILLAY

Mersi Mr Chairman. Mr Chairman mwan mon pe fer sa pou ed Mer Lavil ek son lofis. Nou annan en anomali ki vin parey *burial services* la. Nou annan en antite ki *off budget* ki pe ganny peye ek larzan Bidze.

E sityasyon ki ganny kree se si ou pe pey saler atraver sa larzan, sa larzan pa deklasifye ki mannyer sa bann saler i ganny peye. E mon krwar sa i en anomali ki bezwen ganny rektifye par Minister Finans, akoz sa bann dimoun pe travay laba zot bezwen ganny peye. Mon konpran sa.

Me selman i kre en anomali pou ou Biro Mer Lavil. Akoz preznan napa personn ki pe fer *checks and balance* lo la. Prezan si demen i annan

okenn *issue* ki leve, nou pou retourne nou dan menm sityasyon avek bann lezot sityasyon ki nou tou nou'n dir nou oule fer sir i *improve*.

So mon ti ava angaz Minister Finans pou rod en fason, pou ki si ou annan antite *off budget* ki pe ganny peye atraver R3milyon ki pe sorti dan Bidze, ki nou met en sistenm an plas pou ki i kapab annan en - mon pa konnen mon en striktir pou defini konbyen larzan ki al dan saler, konbyen larzan ki al dan bann lezot keksoz.

Pou ki *then* ou Biro Mer Lavil ou pa bezwen reponn kestyon, pou bann keksoz ki pas an deor. Akoz se sa ki pou arive la avek sa. E zis an terminan Mr Chairman mon ti a kontan demann Mr Mer Lavil, eski zot annan en fason pou *store* bann *christmas decoration* ki zot aste en lannen avan, pou ki kapab reganny servi dan son lot lannen?

Nou tou nou konnen parfwa bann dekorasyon pa vreman pa tou ki for, me si nou pou depans sa larzan tou le lannen e ou pou al tap laport bann antite.

Bann antite poudir ou be ou ganny en larzan tou le lannen ou vin tap nou laport, nou bezwen rod en fason pou ekonomiz lo sa ki nou pe servi.

So eski i annan en fason ki, ki annan en *storage* ki ganny mete, oubyen si anba Bidze i annan provizyon pou kapab *store* sa bann lalimyer ki ganny aste pou ki i kapab reganny servi? Mersi Mr Chairman.

MR SPEAKER

Tre byen. Mer Lavil ou a reganny lo sa dernyen pwen e mon sipoze-

MAYOR OF VICTORIA DAVID ANDRE

Mersi e mon apresye, mon apresye ou konsern. Wi nou annan landrwa ki nou store sa bann lekipman. I annan bann *containers* ki normalman i kot ICCS apre kot Stad Linite nou annan bann *containers* kot nou *store* bann lekipman.

Me selman ou ava apresye ki sa bann lekipman - *I mean* apre en serten detrwa lannen ou pou bezwen sanze. Be selman definitivman nou annan ki nou *store* e nou servi li otan ki nou kapab. Mersi.

MR SPEAKER

Mersi. Prezan mon ava apel bann Manm pou vot lo sa Bidze. Pou *Office of the Mayor of Victoria* ki lo paz 42 ziska 44 pou en total R6milyon 250mil. Manm ki vot an faver lev lanmen silvouple? Byen. Manm ki kont. Mersi Madanm Clerk.

Lo vot pou Bidze pou *Office of the Mayor of Victoria* lo paz 42 ziska 44 pou total R6milyon 250mil, 19 Manm in vot pour, 0 in vot kont e 8 abstansyon. Sa Bidze in aprouve. Bon mon a remersye Mer Lavil e son delegasyon pou zot partisipasyon e mon a swet zot bon kontinyasyon travay pou nou war en zoli lavil Victoria ki vibran e ki delivre tou sa ki in promet sitwayen.

Mersi bonn rantre.

(*The Mayor of Victoria and his delegation was excused from the House*)

MR SPEAKER

Bon i annan enlot antite ki nou kapab kontinyen avek. Wi nou a pran en *break* - en pti poz teknik pou *sanitise* avan nou apel zot.

(*technical break*)

ELECTORAL COMMISSION

MR SPEAKER

Mon annan plezir swet labyvenni Madanm Manuella Armsbury *Chief Electoral Officer*. Mr Wilfred Uranie *Chief Registration Officer* e Madanm Rose Marie Richard *Finance Manager*.

Nou pe pran Bidze *Electoral Commission* ki lo paz

122 ziska 127 pou en total R10milyon 622mil. Alor avek sa *Chief Electoral Officer* mon envit ou fer en lントrodiksyon lo sa Bidze.

CHIEF ELECTORAL OFFICER MANUELLA ARMSBURY

Mersi Mr Chairman. Bonn apre midi Mr Chairman. Bonn apre midi tou Manm Onorab. Komisyon Eleksyon i ganny etabli anba Lartik 115 Konstitisyen.

Dan performans son fonksyon Lartik 115(2) i fer provizyon ki Konstitisyen pa pran direktiv ouswa ganny kontrole par okenn dimoun ouswa Lotorite.

Fonksyon Komisyon i anliny avek Lartik 116.

Konstitisyen i konm swivi:

Responsab pou fer e siperviz rezis voter

Fer eleksyon avek *referendum*

Kontinyelman revwar bann distrik elektoral avek zot balizaz

Kontinyelman revwar bann pratik e travay ki konsern finansman e lavertisman kanpanny politik, an relasyon avek eleksyon e *referendum*

Annan bann lezot fonksyon parey in ganny preskri anba Konstitisyen e anba lezot Lalwa

Revwar bann Lezislasyon ki gouvern bann aktivite eleksyon e anmenn bann rekomandasyon devan Gouvernman

Komisyon Eleksyon i konpri en *Chairperson* avek Komisyoner e en Sekretarya ki annan 18 staff. Mersi.

MR SPEAKER

Mersi avek sa mon ava envit kestyon bann Manm. Onorab Lemiel i kapab konmanse.

HON SYLVANNE LEMIEL

Mersi Mr Chair. Bonn apre midi CEO avek ou delegasyon. Mr Chair letan mon regard *Commission Eleksyon* mon krwar mon ti demann sa kestyon lannen pase, lo kote desantralizasyon zot servis.

Nou war ki zot santralize konmela anvil. Wi zot pe pas dan bann distrik (en fwa Novanm mon krwar ti Anse Royale) eski zot in fer provizyon petet pou revwar en pti pe lo kote bann lofis ki petet zot ti annan lo nivo rezyon pou zot kapab retournen?

Dezyenmman eski lo kote train bann *electoral staff*, eski sa lannen ki pe vini ki konponan dan zot Bidze ki zot in mete, pou zot donn *training*? E ki kantite dimoun petet zot pe anvizaze pou zot donn sa *training* pou lannen 2022? Mersi.

MR SPEAKER

Mersi Onorab. *CEO* ou a pran laparol.

<u>CHIEF OFFICER</u>	<u>ELECTORAL MANUELLA ARMSBURY</u>
---------------------------------	---

Mersi Onorab Lemiel. Ou premye kestyon *regarding* santralizasyon. Wi nou'n santralize. Parey ou konnen avan nou ti annan bann lofis a baz rezyonal.

Me nou'n ganny difikilte pou nou kapab tenir sa bann lofis, akoz in napa plas dan sa bann *district administrators office* pou nou kapab reste. So nou'n santraliz nou servis e in fer ki prezant parey nou ti dir dernyen fwa nou pe pran en lapros ki pli targete.

Ki *mean* ki nou annan lenformasyon. Letan nou fer referans avek *NPD* nou annan lenformasyon ki dir nou ki kantite voter nou sipoze pe targete par lannen e sanmenm sa nou pe fer nou bann servis koumsa.

Ou pou war ki sa lannen ki la nou'n *rollout* nou bann programm. Nou annan programm *special program* ki nou pe fer li at *district level*. Apre nou annan bann *outreach program*. Sa nou pe al dan bann *professional centers* apre dan bann lenstitisyon.

Nou'n *rollout* nou programm tar akoz *COVID* byensir nou'n ganny aprouvasyon Minister Lasante nek an Oktob. An Out, an Out *August yes* e nou'n *rollout* an Oktob.

Sa i fer ki nou pa'n kapab target kantite dimoun ki ki nou ti anvi targete. Wi apre Mr Uranie konman *CRO* i a kapab donn en pe plis lenformasyon lo bann programm ki in *design*.

Lo kote *training* nou'n fer provizyon pou *training* parey la letan nou pa dan lannen eleksyon lanfaz primordyal i pou nou re regard nou Lalwa ki mannyer i ete.

E byensir *once* ki nou re regard nou Lalwa nou *review* li, nou bezwen *update* li. Premye group dimoun ki nou bezwen byensir donn *training* apre ki nou'n konsilte avek bann parti politik sa i bann *electoral officers*.

Nou annan provizyon dan nou Bidze pou nou *train* tou bann *electoral officers deputies*, enkli zot bann asistan. *Training* pou ganny fer a diferan *level* premye nou pou target bann *electoral officers*.

Me avan nou al dan *training* li menm li, nou pe travay lo en programm pou nou atraver bann *electoral officers* idantife bann *deputies*, e osi *eventually* rod plis *assistant electoral officers*.

Ki fer nou pou *train* sa de group avan la apre pou annan *training* a nivo distrik kot la bann-. Nou, nou *training* i sipoze *continuous* nou anvi komans li *next year*. Me selman byensir nou bezwen Komisyon li menm li i bezwen fini avek son bann amannman ki zot propoze.

Pou le moman Komisyon pe zwenn nou annan nou bann *monthly meeting* me osi nou annan nou bann *work sessions* ki tou le mwan nou pe target en tems spesifik. Mersi.

MR SPEAKER

Mersi. Eski ou ti dir Mr Uranie pou azout keksoz.

CHIEF ELECTORAL OFFICER MANUELLA ARMSBURY

Yes Mr Chairman.

MR SPEAKER

Wi nou'n pare wi.

CHIEF REGISTRATION OFFICER WILFRED URANIE

Mersi Mr Chair. Mersi Ms Lemiell. Si nou pe get nou programm nou'n komans nou programm an Out *middle August* kot nou'n target bann lenstitisyon sant profesyonnel avek *district level*.

E nou'n aret li ziska Oktob ki nou'n terminen la e osi nou vwar poudir at *district*

level, nou ti annan bann *special voters station – registration* dan Sanmdi kot nou komans *from 9 to 3*.

E pou sa nou'n kouver 9 distrik e pou sa 9 distrik nou'n ganny nou 25 bann new registration ki dimoun ki fek vin anrezistre. Nou'n ganny nou osi 42 lezot tranzaksyon o nivo distrik e nou'n ganny bann dimoun osi ki'n vin enspekte reziz voter pou vwar si zot non i lo lalis.

E nou *outreach* programm dan *professional centers* nou'n *vizit 7 profession centers*. I annan moman kot nou'n bezwen pa ale akoz bann *professional centers* ti annan moman ki zot osi zot ti dan legzanmen.

So nou'n vwar nou avek 243 *new registration* e se bann manrman ki'n ganny 18an. So zot, zot bann *first time voters*. E nou'n annan osi en manm *staff ki'n fer en tranzaksyon transfer*.

So an tou pou sa programm *special voter registration* avek *outreach program* dan *professional centers* nou'n vwar ki nou'n ganny 311 tranzaksyon an tou. Mersi Mr Speaker.

MR SPEAKER

Mersi. Kestyon Onorab Romain.

HON GEORGE ROMAIN

Bonn apre midi Mr Speaker.
Mersi Mr Speaker. Mr Speaker mon kestyon ki mon ti a kontan demande – mon annan 2 kestyon ;-

Premyerman mon'n vwar lo zot kot *wages and salaries* mon vwar ki ti annan pou 2021 ti 4.1milyon me solman pou 2022 zis R2.2milyon- mon ti a kontan ganny en pti leklersisman lo la. I byen in redwir kekfwa mon mazinen i annan *staff* ki'n kite.

Apre lo *office rent* mon'n vwar ki 2021 ti 3.8milyon, parkont 2022 i 4.3milyon. Mon pe zis demande si zot in sanz lofis. E si mon ti kapab ganny en pti leksplikasyon lo la. Mersi Mr Chairman.

MR SPEAKER

Mersi Onorab. CEO.

CHIEF ELECTORAL OFFICER MANUELLA ARMSBURY

Mersi Mr Chair. Mersi Onorab. Wi i annan en *decrease* lo nou saler. Sa i akoz nou annan bann *staff* ki pa'n deside pou renouvre zot kontra. Akoz ordinerman bann *managers* i ganny apwente lo en kontra 2an - zot pa'n deside pou renouvle.

Ki fer ki nou'n bezwen pey zot tou zot *end of year contract*. E lannen prosenn ou pou war poudir i pa pe reflekte, akoz nou pou napa sa

bann peyman pou vini kontra i termin son *following year*.

E pou *office rent* ;- *office rent* SACOS in fer provizyon pou nou ganny *25percent discount* zis pou sa lannen ki la. I annan sa *inflation* dan Bidze akoz pou lannen ki vini nou pa'n gannyen sa gannyen sa *25percent decrease*.

Nou an komunikasyon avek Gouvernman. Nou'n apres zot ankor zot pou war poudir i enn nou *current challenge*, ki nou napa en *headquarters*. Nou'n deza dir avan poudir i pa nou *wish* pou nou laba, akoz i pa landrwa ki apropiye pou *conduct* en eleksyon.

In konmans annan louvraz ki'n ganny fer avek *MLH*. Nou'n donn zot nou spesifikasyon ki nou anvi e *in terms of* nou *requirements* spesifik pou en *building* pou *conduct* eleksyon.

E nou zot in fer en *design* zot in donn nou e a sa faz nou ankor pe esper zot pou get *back to us*. Mon pou bezwen azout ankor en keksoz lo *salary*.

Sa *decrease* osi i montre ki avan nou ti annan zis en programm nou, nou ti annan en programm *Governance*. Be la prezan nou annan de programm ki fer ki nou'n *relocate* en bann *staff* dan programm 2 sanmenm sa ou

pe war sa *decrease*. Thank you.

MR SPEAKER

Thank you. Eski Ms Tamatave ti pou azout keksoz mon ti'n war konmsi ou'n fer en siny.

DEPUTY COMPTROLLER GENERAL ASTRIDE TAMATAVE

Mr Chair mon ti pe al dir sanmenm ki CEO in mansyonnen. Sa saler i sa re alokasyon *from program 1 to program 2* ki sa *major decrease*.

Si ou pou get saler an zeneral li menm i ti 5.3 e in 5.1 so i napa gran sanzman dan saler. Mersi.

MR SPEAKER

Thank you, Ms Tamatave. Onorab Henrie.

HON GERVAIS HENRIE

Mersi Mr Chair. Mr Chair kestyon ki mon oule demann Komisyen se lannen pase zot in ganny en Bidze e zot in tre okipe akoz ti annan en eleksyon. En eleksyon zeneral so sa lannen napa eleksyon zeneral.

Alors sa Bidze ki nou pe donn zot la, kwa ki pou priyrite pou zot fer en keksoz sa lannen, ki nou ava remarke poudir wi Komisyen Eleksyon pe fer en keksoz? Dezyenmman nou pe-

MR SPEAKER

Eskiz mon Onorab. Ou pe dir sa lannen, ou pe *mean* lannen prosen.

HON GERVAIS HENRIE

Well 2022.

MR SPEAKER

Ok.

HON GERVAIS HENRIE

Ya 2022.

MR SPEAKER

Wi.

HON GERVAIS HENRIE

Lot bout zot Lalwa zot bann manda ki zot annan se pou zer bann parti politik. E mon pou demann sa kestyon trankilman, pou ki okenn Manm lot kote latab pa mal konpran ki mon pe dir apre poudir fann rimer lo sa ki mon pe dir.

Bann parti politik ki egziste, mon pe get zot Lalwa e zot Lalwa i fer provizyon, ki si zot pa satisfe or satisfe ki *membership* sa parti in tonm par anba 100 zot kapab kennel rezistrasyon sa parti.

So letan nou pe koze la ki stati bann parti ki anrezistre lo zot liv? Mersi. E ki travay zot pe fer pou asire ki sa bann parti i an konformite avek sa ki Lalwa i demande? Mersi.

MR SPEAKER

Mersi. Wi CEO.

<u>CHIEF OFFICER</u>	<u>ELECTORAL MANUELLA ARMSBURY</u>
---------------------------------	---

Mersi Onorab. Si zot get dan nou Bidze zot war poudir en logmantasyon signifikan ki nou annan R1milyon i sa proze delimitasyon. Pou le moman nou pe travay avek AG's Office pou nou kapab set en S.I. pou nou kapab kre en Komite, pou nou kapab konmanse avek sa legzersis delimitasyon.

Sa i en gro proze. I en proze *national level* ki i pran letan e i pran en kantite resours osi. So sa i enn nou bann proze. Apre nou annan *training*. Nou pe met en kantite lanfaz lo *training*. Sa lannen ki la e lannen osi ki pe vini lamazorite staff Komisyon mainly bann managers zot in benefisyen e kantite atraver *virtual training* avek SADC apre ECF SADC.

So en kantite lanfaz pe ganny met ladan. Nou annan osi aktivite ki *in terms of hosting AGC 2023* sa osi bann proze ki nou pe travay ladan. I annan *voters census* ki osi i en gro proze ki nou *enroll* ladan.

Apre byensir i annan parey mon'n mansyonnen boner, i annan lamannman - i annan en kantite lamannman

ki nou'n idantifye letan nou'n fer ki nou devret fer nou'n idantifye letan nou'n fer eleksyon.

Ler nou'n fini fer eleksyon nou'n konsilte bann *electoral officers* ki travay dan stasyon. E zot in eksprim bann difikilte ki zot in rankontre *in terms of* sa bann lamannman ki ti ganny fer zis avan nou'n al dan eleksyon.

Alors nou pe reviz sa. E osi nou pe regarde ki mannyer nou pou vin ki mannyer nou vin en pe pli *innovative in terms of service delivery*. Ler mon dir ou sa nou pe konsilte e nou pe travay. Nou ankor *still at discussion stage* avek serten *partners* ki enn nou *key pillar* dan nou *strategic plan*.

Pou nou kapab anmenn en pe laspe teknolozi. Me selman byensir i ankor dan sa konsep *early stage*, ki fer ki nou bezwen letan nou pe fer sa fer sir ki nou bann Lalwa osi i *allow* nou, pou nou kapab al dan sa direksyon koumsa.

Me sa nou pe koz li zis *in terms of services*. Me selman *voting* i reste *the same traditional method* parey nou pe fer la.

Ou dezyenm kestyon i annan pou fer avek parti politik. Ok pou le moman nou annan nou 7 parti politik ki aktiv.

E lannen sa lannen letan nou'n kennsel - letan nou'n tir

en parti politik lo nou lalis, nou ti demann bann parti politik pou vin devan, pou fer sir ki zot pe *comply* avek *Political Parties Act*. Nou pe travay avek bann parti politik.

I annan ki'n fini *submit* zot bann dokiman, me i osi annan ki pou le moman zot pa pe *comply* avek *Political Parties Act*, me nou pa pe tous zot akoz zot annan *case Ankour*. Ki fer ki nou pa kapab tir zot lo nou rezis, akoz *once* ki nou tir zot lo nou lalis zot pa en parti politik *anymore*.

E nou annan 4 parti politik ki nou'n travay avek en *liquidator*. Travay i ankor *ongoing* pou zot pe ferm sa bann parti. So i annan louvraz ki pe ganny fer e mon kontan poudir ki nou pe gannyen *response* avek bann parti politik. Mersi.

MR SPEAKER

Mersi CEO. Onorab Pillay.

HON SEBASTIEN PILLAY

Mersi Mr Chairman. Bonn apre midi tou dimoun. Mon ti a kontan demann CEO Komisyon Eleksyon detrwa kestyon *regarding* son Bidze, pou mwan kapab ganny en pe plis leklersisman lo kwa egzakteman ki pe ganny fer, akoz mon pa tro satisfe ek bann larepons ki mon pe gannyen la. Ok?

Onorab avan mwan in demann en kestyon ki pertinan, son kestyon se ki kwa ki zot pe fer dan en lannen ki napa eleksyon vizavi Bidze ki zot in gannyen? Nou konpran dan lannen eleksyon i annan en kantite keksoz ki pe *go on*, be kwa ki zot pe fer la? Ler mon *go through* Bidze eski ou kapab dir nou ki provizyon Bidze ki pe kouver sa bann travay ki ou sipoze pe fer?

Akoz ler mon gete lamazorite ou Bidze i al swa dan saler swa dan *rent*. So ki provizyon egzakt ou Bidze ki pe kouver sa bann depans, ki sipoze al ver - par egzanp anrezistre *first time voter* ki pa ganny fer lo dernyen minit.

Regard lo lalis ki pa ganny fer lo dernyen minit. Kwa ki pe ganny fer egzakteman? E kote sa bann provizyon finansman i été, akoz ler mon pe gete mon pe get *wages and salaries* i en gro konponan.

Office expenses i annan en gro konponan *transportation, travel cost* i ptipti. *Uses of goods and services* nou war 5milyon be ladan 4milyon i al pou *rent!* So mon pa pe vreman war larzan ki sipoze pe ganny mete pou fer sa bann travay ki pe ganny fer.

So kote egzakteman dan ou Bidze ki annan sa larzan, ki

ou'n si poze gannyen pou fer sa bann travay? Sa i mon premye kestyon.

Mon dezyenm kestyon, an relasyon avek *legal fees* kwa egzakteman ki sa zafer *legal fees* i *entail* pou Komisyon Eleksyon?

E eski sa i enkli provizyon pou Komisyon Eleksyon *settle case as well?* San ki mon *purge* mon lekor pou al dan en keksoz ki *subjudice*. Be eski sa i enkli sa? Mon ti a kontan klarifye sa?

E mon trwazyenm kestyon ki mon pa santi in ganny reponn, i en Manm Onorab in demann sa kestyon oparavan, nou pe sorti *from* en *rent* ki ti 3ekek milyon e nou'n arriv lo en rent ki 4.3milyon.

Either ou or Minister Finans eski zot kapab reponn pou nou, akoz sa logmantasyon? E eski Minister Finans in angaz li avek bann partner ki Gouvernman pe *rent* avek pou war, si sa *rent* pa kapab desann, pou ki Komisyon i ava ganny plis larzan pou met dan lezot *area* ki relye avek son *core function*? Mersi Mr Chairman.

MR SPEAKER

Mersi Onorab. CEO.

**CHIEF
OFFICER
ARMSBURY**

**ELECTORAL
MANUELLA**

Mersi Onorab Pillay. Mon ava konmans avek ou trwazyenm kestyon. Si ou get dan programm 2 ; dan programm 2 parey mon'n eksplike taler, i annan en kantite keksoz ki'n sorti dan programm 1 in ganny reprioritize in ganny anvoye dan programm 2. Lamazorite.

Actually tou nou bann aktivite ki annan pou fer avek *registration* avek nou bann *outreach program* ki Mr Uranie in koz lo la boner, sanmenm sa ki nou pe servi. I en aktivite ki kontinyel li. I kontinyen dan lannen antye.

E nou annan nou *schedule* ki fer ki par mwan ki kantite distrik ki nou kouver, ki fer ki wi nou lofis i ouver ki piblik i vini kot nou pou anrezistre. Me selman nou osi nou anmenn sa servis kot dan distrik ki pli pros. Akoz en konplet ki nou'n gannyen avek dimoun avan, i se ki ler ki nou lofis i ouver.

Avan nou ti ofer sa servis 9er-3er e dernyen fwa nou ti dan Lasanble zot ti dir nou piblik osi ti pe konplet poudir i pa ti ase. So sa i enn. Savedir sa bann sa kestyon ki ou'n demann mwan i kouver anba la.

E wi parey mon'n dir ou nou Bidze, en rezon prensipal akoz nou Bidze in ogmante, i akoz sa *rent*. Nou pe pey en gro *rent*. E parey mon'n dir

mon pou repete nou napa en landrwa pou nou.

Nou napa en *headquarters* so si ou get dan nou Bidze, ou pou war sa groser larzan ki ganny *allocate* avek *rent*. Mon krwar mon'n reponn ou kestyon.

Anr apre osi pou sa bann *special exercise* la, i annan en kantite ki i annan sa laspe *transportation and travel cost*, sa i enkli bann verifikasyon kot nou servi *car hire*.

Akoz mon pe dir ou *car hire*? Wi nou annan de transpor, me selman i annan enn ki vye ki tanzantan i kas, kase. Sa bann *car hire* letan nou, nou'n regard ki mannyer rezistrasyon i ganny fer, i annan sa konponan verifikasyon, ki fer nou bann *registration officers*, letan i anrezistre sa bann dimoun apre i bezwen al kot sa dimoun i reste pou li fer sa verifikasyon.

E sa i vin avek en kou. Sa nou pe fer li lo Mahe, Praslin avek La Digue osi. Mon krwar mon'n reponn ou kestyon.

Pou dezyenm kestyon *legal fees*. *Legal fees* pou le moman nou napa en *legal officer* e nou'n *advertise* pou nou ganny enn.

Parey mon'n mansyonnen nou pe travay pou nou fer en kantite lamannman. Nou pe *review*

nou *Act an antye* ;- *Political Parties Act*. Tou nou bann *instrument legal* ki nou travay avek. E nou pe *liaise Attorney* lofis *Attorney General* me selman *in terms of* en proze - par egzanp delimitasyon avek *voters census*, i annan keksoz ki irzan.

Kot nou'n fer provizyon pou sa bout larzan, kot si letan Komisyon pe fer son lamannman dan Lalwa nou pa ankor ganny en dimoun *internal, then nou pou bezwen tir en pe sa lour lo AG's office*.

Akoz nou anvi keksoz i al vit, pou nou kapab ganny ase letan pou *train* nou bann dimoun. Apre byensir pou nou kapab *rollout* sa proze delimitasyon li menm.

Ki nou annan par anba 4an pou nou fer li avan nou al dan lot eleksyon. Apre en bout sa larzan osi in ganny fer provizyon wi - pou letan nou'n diskit avek Finans depi lo konmansman, nou'n fer provizyon pou nou met li dan nou Bidze si i annan okenn ka legal.

E trwazyenmman mon'n mansyonnen boner, nou annan *liquidation of political parties*. Nou'n war ki en kantite parti politik ki pa pe swivre zot Lalwa ki gouvern zot - *Political Parties Act*, once ki ou fer ou prosedir pou ferm zot la ou napa larzan pou ou pey sa *liquidator*.

So nou ki bezwen antre ladan, akoz sa dimoun in travay, i bezwen peye. Nou ki bezwen *step in* pou kapab pey sa dimoun. Mersi.

MR SPEAKER

Mersi. Wi Onorab Pillay klarifikasyon.

HON SEBASTIEN PILLAY

Mersi Mr Chairman. Premyerman mon kalifikasyon i baze lo *timeframe*. Nou pe met en Bidze pou en proze ki sipoze ganny konplete *either* sa lannen *or next year*.

Akoz delimitasyon i en proze enportan, me ler mon get resours bidzeter pou delimitasyon, mon pa war li adekwa pou konplete sa proze dan sa lannen. So *unless* i annan en lot keksoz ki mwan, mon pa pe war nou pou war nou dan en sityasyon kot delimitasyon pou vin zis avan eleksyon 2025.

So eski nou kapab ganny en klarifikasyon lo kwa egzakteman ki mannyer ou Komisyon i antisipe? Akoz, akoz ler mon pe get ou Bidze ki ou annan la en, anba ou *other uses of goods and services* kot mon pe war petet larzan i kapab sorti - ou annan ou 1.5milyon.

Ladan 1milyon i pou *local consultancy fees* ki mon prezimen i pou bezwen ed ou avek sa bann travay ki annan

pou fer avek ou Lalwa. So i pa les ou avek bokou resours pou kapab fer travay ki bezwen ganny fer.

E mon konsern mon se ki parey zis avan lavey eleksyon tou dimoun la anndan i konn tre byen nou tou - pe tay lanmen lo latet pou rod *first time voter* pou fer anrezistre, pou isi, laba, pou bann travay ki bezwen ganny fer.

(*Interruption*)

MR SPEAKER

Order! Wi terminen silvouple Onorab.

HON SEBASTIEN PILLAY

Mersi Mr Speaker. E ki tou dimoun pe pas lanons lo radyo.

(*Interruption*)

MR SPEAKER

Ale *order!* Yes.

HON SEBASTIEN PILLAY

Mersi Mr Chairman. I parent zot en pe azite apre midi. So mon ti a kontan konpran, egzakteman kwa ki zot pe fer la an relasyon ek sa Bidze? E eski sa Bidze 1milyon - 1.5milyon i pou ase pou anmenn en travay delimitasyon ki sipoze ganny fer *within* en peryod 4an?

E mon dernyen pti kestyon ki mon annan, ou dir

poudir i annan *managers* ki'n *resign* - konbyen dimoun ki'n *resign* kot Komisyon Eleksyon pou benefis sa Lasanble? Mersi.

MR SPEAKER

Mersi. CEO.

CHIEF ELECTORAL OFFICER MANUELLA ARMSBURY

Mersi Onorab Pillay. Sa legzersis delimitasyon i annan diferan faz. Nou'n deza antre dan son premye faz, kot parey mon'n dir ou kot nou pe lyez avek AG's office, pou nou kapab etabli a Komite Delimitasyon e apre pou nou *repeal* sa S.I. ki fer provizyon pou en *Advisory Board*.

Ki pou le moman i pa fer sans pou Komisyon annan akoz i pa'n marse pou en kantite letan. *Once* ki nou kapab etabli sa Komite, sa Komite nou pe plan pou nou servi bann teknisyen. Ler mon pe dir ou bann teknisyen *from* bann *entities* ki annan pou fer avek par egzanp NBS, Local Government, Statistic, MLH and so forth.

Letan nou'n fer sa Komite *then* sa Komite li - pou le moman la nou pe asize pou ekrir *aims and objectives*. Apre i pou annan apwentman sa bann dimoun ki pou vin on *Board*.

E once ki zot vin on *Board*, zot ki pou fer sa premye faz louvraz. Ler zot fini avek sa premye rapor la nou pou *rollout* nou pou al dan bann rezyon pou nou fer *consultation* avek piblik. Sa i pou vin en dezyenm faz. Apre sa konsiltasyon avek piblik la, i pou annan en rapor ki pou ganny fer.

Ler sa rapor i fini ganny fer, lanmenm la kot nou pou anmenn en pti moman *GIS* avek lezot Departman pou ed nou avek fer *boundaries* - montre sa distensyon. Komisyon i annan Zanvye 2024 pou li fini avek sa legzersis. Akoz Lalwa i dir ek ou koumsa poudir tou le 3an ou sipoze pe *submit* en rapor lo delimitasyon. E in annan ziska Zanvye 2024 pou nou fini fer li. Mersi sa ou premye kestyon.

With regards to managers ;- nou annan nou de *manager* ki pa'n deside pou renouve zot kontra. Zot in deside pou zot bouze pou devlopman profesyonnel apre pou lezot.

Nou annan nou en *registration officer* ki'n ale akoz *early retirement*. Apre nou annan nou en *registration officer* ki'n *resign*. Nou annan nou en *senior HR assistant officer* ki'n *resign*.

Komisyon - Sekretarya letan in vini in erit en

Komisyon ki pa ti anliny avek *Employment Act*.

Letan mon pe dir ou sa nou ti annan *staff* ki ti pe travay lo en *letter of offer* ki fer ki apre eleksyon nou'n bezwen fer sir poudir nou *accordance* avek *Employment Act*, ki fer ki nou'n fer en kontra. Nou'n met tou nou bann *registration officers* lo en *continuous contract*.

E nou'n war nou pe - nou'n fer sa ansanm avek, avek *Employment*. Nou'n war nou pe konsilte avek zot, pe konsilte avek *Union*, akoz zot pa'n satisfe avek kondisyon dan kontra. Me selman pou nou kapab anliny avek sa ki Lalwa i demande, nou annan zot in siny zot kontra lamazorite zot, zot in siny zot kontra.

Sa ki'n deside pou zot ale *it's normal* dan tou lorganizasyon. So zot in *exit*. Mersi mon krwar mon'n reponn tou ou kestyon.

MR SPEAKER

Mersi CEO. Onorab Esparon.

HON REGINA ESPARON

Mersi Mr Speaker. Bonn apre midi tou dimoun. Mr Speaker ankor nou tourn lo sa kestyon *delimitation* la of *electoral boundaries* la, mon ti a kontan demann CEO dan sa refleksyon ki zot pe fer lo ki mannyer pou repartisyon

bann distrik, eski zot pe deside pou etablir bann standar?

Akoz mon pe dir standar? Pou dir les dir nou dir distrik Glacis ler i ganny li 3mil voter, nou dir be la i a pe al en pe tro bokou, nou pa pou les li ale ziska 4mil. Oubyen parey distrik Anse Etoile osi.

Konmsi pou nou etabli bann standar poudir letan en distrik i pe sot sa kantite voter, nou bezwen konmans reflesir ki mannyer nou pou kas sa distrik pou fer en lot distrik.

Si non nou pou toultan war nou ek bann gran, gran distrik parey Anse Eoile parey Glacis. Eski zot pe fer sa kalite refleksyon?

MR SPEAKER

Mersi. CEO wi.

<u>CHIEF OFFICER</u>	<u>ELECTORAL MANUELLA ARMSBURY</u>
-----------------------------	---

Mersi Onorab. Byensir sa i rezon primordial. Nou pe *actually* rezon akoz sa legzersis pe i bezwen ganny *carried out*. Nou'n war sa gran *disparity* ant bann distrik. E yes i byensir nou pe konsider li. Mersi.

MR SPEAKER

Ou'n terminen CEO? Mersi. Bon mon napa ankor dimoun ki'n lev lanmen pou kestyon alor nou a kapab vot lo Bidze pou *Electoral Commission*.

Bidze pou *Office* pou *Electoral Commission* ki lo paz 122 ziska 124 pou R10milyon 622mil.

Manm ki an faver lev lanmen silvouple? Mersi. Manm ki kont. Byen ok. Vot lo Bidze pou *Electoral Commission* lo paz 122 ziska 127 pou R10milyon 622mil, 19 Manm in vot pour, 0 kont e 9 abstansyon. Mersi Bidze in aprouve.

Mon a remersye delegasyon *Electoral Commission* pou zot partisipasyon e mon a swet zot bon rantre zot kapab fer zot depar.

(THE ELECTORAL COMMISSION DELEGATION WAS EXCUSED FROM THE HOUSE)

OFFICE OF THE AUDITOR GENERAL

MR SPEAKER

Nou annan nou a gard Minis nou a gard zofisyè Minister Finans pou en pti moman. Mersi. Nou pou pran 2 *item* ki nou pe vote san deba san kestyon sa i dapre prosedir ki nou'n dakor avek.

Premye i *Office of Auditor General* ki lo paz 107 ziska 110 e son Bidze i pou R19milyon 868mil.

Ms Tamatave petet parey nou'n fer avan zis pou nou lenformasyon piblik kanmenm

sa bann antite i ase byen koni eski ou kapab dir de mo lo zot fonksyon avan nou pran vot silvouple? Wi Onorab Pillay ou annan kestyon? Ou annan- ?

HON SEBASTIEN PILLAY

Non-non Mr Chairman. Avek ou permisyon mon oule zis azoute dan refleksyon ki ou'n prezante, se ki anba Konstitisyon e Lalwa, Lalwa lofis Oditer Zeneral son Bidze i ganny prezante avek Komite Finans e Kont Piblik Lasanble Nasional ki'n ganny fer.

E ki Komite in pas dan son Bidze e ki apre nou'n ganny loportinite pou nou diskit avek Minister Finans lo son Bidze. E se pou sa rezon lefe ki nou'n annan diskisyon vizavi son Bidze, ki nou kapab pran son Bidze.

E petet Ms Tamatave i a kapab donn en sertern detay an plis an relasyon avek son Bidze.

MR SPEAKER

Ms Tamatave i a zis donn nou en pti apersi zis pou *refresh* lenformasyon lo fonksyon sa biro.

DEPUTY COMPTROLLER GENERAL ASTRIDE TAMATAVE

Mersi Mr Chair. Mr Chair Bidze Lofis Oditer Zeneral pou lannen 2022 i R19.9milyon. E

manda lofis Zeneral parey *Leader Lopozisyon* in mansyonnen, i pou prepar bann rapor ki soumet kont Gouvernman devan *Cabinet office* e Lasanble Zeneral.

E i Oditer Zeneral li menm i en *constitutional appointees* e son biro i fer sir ki Gouvernman i anliny avek bann reg ki ganny mete anba *Public Finance Management Act*, anba regilasyon.

Minister pe fonksyonn dan bann kad legal e ki nou touzour azour pou fer sir sa *accountability* e latransparans i ganny mentenir. E toulezan biro Oditer Zeneral i fer son rapor ki soumet avek Lasanble Nasional e *FPAC*. E kot bann Minister i ganny kriye letan i annan bann *irregularities* kot Minister Finans nou travay avek bann Minister, pou gete ki mannyer pou ed zot adres bann *challenge* ki zot pe gannyen dan enplimantasyon zot Bidze e kot i annan bann *non-compliance*.

Son Bidze pou 2021 ti R17.4milyon. Son *revised Budget* in ogmant par R19.8milyon. E ladan son *increase* prensipal i pou *recruitment of two assistant auditors* an vi ki i annan plis louvraz ki sa lofis i bezwen ganny fer. E nou santi ki i bezwen sipor adisyonnell.

Dan rankont ki nou ti fer avek Biro Oditer Zeneral

ansanm avek *FPAC*, nou ti agree ki nou pou donn zot sa de pos an 2022 e nou pou assess zot sityasyon *during the year of 2022*.

E kot nou si i annan en nesesite pou nou donn zot sipor adisyonnell *in terms of human resource*, pou ed zot delivre pli byen lo zot manda, e fer sir ki Gouvernman in reste anliny avek bann Lalwa ek regilasyon ki an plas. Mersi.

MR SPEAKER

Mersi Ms Tamatave. Avek sa nou a pran vot lo Bidze pou *Office of the Auditor General* lo paz 107 ziska 110 pou R19milyon 868mil. Manm ki an faver lev lanmen silvouple? Mersi, tou Manm in vote. Vot lo Bidze pou *Office of the Auditor General* paz 107 ziska 110 R19milyon 868mil, 28 Manm in vot pour, 0 kont e 0 abstansyon.

Alor sa Bidze in aprouve par Lasanble. Mersi.

CONSTITUTIONAL APPOINTMENT AUTHORITY

MR SPEAKER

E nou a pas lo en lot. *Constitutional Appointment Authority* lo paz 119 ziska 121 pou R1milyon 757mil. Ms Tamatave en pti mo lo sa antite *please*.

**DEPUTY COMPTROLLER
GENERAL ASTRIDE
TAMATAVE**

Mersi Mr Chair. Bidze Constitutional Appointment Authority i R1.8milyon. Manda Constitutional Appointees Authority i ganny etabli anba Lartik 139 nou Konstitisyon.

E zot lofis i rekonmann bann apwentman pou bann pos konstitisyonnel avek Prezidan parey ganny preskri anba Konstitisyon. Sa osi son *setting up*, i *include* bann *recruitment procedures* ki neseser.

E zot osi konsider e analiz serten konplent petet ki ganny refer avek zot biro. E sa zot refer li avek bann Tribunal apropriye. Zot Bidze pou 2021 ek 22 Mr Chair in *basically* reste parey. Napa gran sanzman. E sa biro i santi i zot pou kapab delivre lo zot manda egziste baze lo zot Bidze ki devan Lasanble pou laprouvasyon. Mersi.

MR SPEAKER

Mersi Ms Tamatave. Nou a vot lo sa Bidze - Manm ki an faver lev lanmen silvouple? *Thank you.* Okenn Manm ki kont? Mersi Madanm Clerk.

(Off-Mic)

MR SPEAKER

Ale gard en pe lord nou ankor dan Lasanble silvouple. Esper ler zot ariv deor pou sa bann remark.

Vot lo Bidze pou Constitutional Appointment Authority lo paz 119 ziska 121 pou en R1milyon 757mil. 26 Manm in vot pour, 0 kont e 2 abstansyon. Sa Bidze in aprouve par Lasanble. Mersi Ms Tamatave.

Nou napa en lot antite pou ozordi e Onorab Arissol i a parmi enn ki dezapwente, akoz mon konnen li i anvi travay en bon pe. Les mon a dir - mon a eksplike Madanm Clerk in seye ganny en lot antite pou vini, me tousala in dir zot zot pa pare la.

E i pa'n kapab ganny en lot antite pou vin la, so nou a bezwen aret la pou ozordi. Me selman mon a dir ki Madanm Clerk in pran en lot lapros. E sa in refer *schedule* avek konsantman Minister Finans byensir ;- in refer *schedule* e in pak plis dan sak zour.

Savedir e sa i bokou pli fasil. Akoz si ou pe rod antite zour pou zour ou pou toultan ganny sa difikilte. Ki zot pa pare apre ou bezwen re aranz tou sa ki vin apre pou remet li annord.

So avek sa nouveau *schedule*, nou'n met plis lo *schedule* e fotespere nou pa pou ganny difikilte fini *schedule* ki nou'n mete pou

lazournen. Onorab Pillay ki pwen silvouple?

(ADJOURNMENT)

HON SEBASTIEN PILLAY

Mersi Mr Chairman. Mr Chairman mon oule sipor en pwen ki ou'n fer se ki, nou ti diskit sa *schedule* e nou ti anvoy sa *schedule*. E personnelman mon war li i pa akseptab pou en antite dir i pa ankor pare ki son Bidze in fini prepare, in fini ganny tou bann detay, pou li dir i pa ankor pare.

So mon ti ava enpresyonn lo ou lofis pou fer zot konpran poudir Lasanble Nasional osi nou annan en *schedule* travay e nou annan bann Lalwa ki nou pe esper ankor pe esper Minister Finans pou nou konnen.

So ki nou kapab konplet maksimonm travay dan en lazournen.

MR SPEAKER

Onorab Pillay. Zot nou napa problem ek sa *schedule*. Nou annan problem avek sanz sa *schedule* poudir zot vin pli boner. Se sa e sa i en pe pli rezonnab. Alor mon a dir zot mersi bokou pou zot travay nou ava aret pou ozordi.

E nou a reoran travay demen bomaten 9er. Wi avan nou *adjourn* nou a retourne dan Staz Lasanble silvouple eskiz mwan, mon en pe bliy bann prosedir. Mersi nou *adjourn*.